

黃氏逸書考

漢學堂經解

逸書考

虞翻易注

甘泉黃奭學

上經

乾

初九潛龍勿用

爻辭周公所作

春秋左傳序疏

九三君子終日乾乾夕惕若厲无咎

謂陽息至三二變成離離爲日坤爲夕

集解

已下集解依雅雨

堂本元文校正

民國甲戌夏月易主

江都朱氏

九五飛龍在天利見大人

謂四已變則五體離離爲飛五在天故飛
龍在天利見大人也謂若庖犧觀象於天
造作八卦備物致用以利天下故曰飛龍
在天天之所利見也集解

雲行雨施品物流行

已成既濟上坎爲雲下坎爲雨故雲行雨
施乾以雲雨流坤之形萬物化成故曰品

物流形也

集解

君子以自強不息

君子謂三乾健故強天一日一夜過周一

度故自強不息老子曰自勝者強

集解

終日乾乾反復道也

至三體復故反復道謂否泰反其類也

集解

樂則行之憂則違之

陽出初震爲樂爲行故樂則行之坤死稱

憂隱在坤中遯世元悶故憂則違之也

集解

確乎其不可拔潛龍也

確剛貌也乾剛潛初坤亂於上君子弗用

隱在下位確乎難拔潛龍之志也

集解

九二曰見龍在田利見大人何謂也子曰龍德而正中者也

中下之中二非陽位故明言能正中也

集解

易曰見龍在田利見大人君德也

陽始觸陰當升五爲君時舍於二宜利天

下直方而大德無不利明言君德地數始

二故稱易曰

集解案釋文虞翻注參同契云易字從日下月

九三曰君子終日乾乾夕惕若厲无咎何謂也子曰君子進德脩業

乾爲德坤爲業以乾通坤謂爲進德脩業

集解

是故居上位而不驕

天道三才一乾而以至三乾成故爲上夕

惕若厲故不驕也

集解

在下位而不憂

下位謂初隱於初憂則違之故不憂

集解

九五曰飛龍在天利見大人何謂也子曰同聲相應

謂震巽也庖犧觀變而放八卦雷風相薄故相應也

集解

同氣相求

謂艮兌山澤通氣故相求也

集解

水流溼火就燥

離上而坎下水火不相射

集解

雲從龍

乾爲龍雲生天故從龍也

集解

風從虎

坤爲虎風生地故從虎也

集解

聖人作而萬物覩

覩見也聖人則庖犧合德乾五造作八卦以通神明之德以類萬物之情五動成離日出照物皆相見故曰聖人作而萬物覩

也

集解

則各從其類也

方以類聚物以羣分乾道變化各正性命

觸類而長故各從其類

集解

見龍在田時舍也

二非王位時暫舍也

集解

乾元者始而亨者也

乾始開通以陽通陰故始通

集解

乾始而以美利利天下

美利謂雲行雨施品物流形故利天下也

集解

不言所利大矣哉

天何言哉四時行焉百物生焉故利者大

也

集解

君子以成德爲行日可見之行也

謂初乾稱君子陽出成爲上德

案疑作陽出上爲成

德

雲行雨施則成離日新之謂上

案上疑作盛

德故日可見之行

集解

君子學以聚之問以辯之

謂二陽在二兌爲口震爲言爲講論坤爲

文故學以聚之問以辯之兌象君子以朋

友講習

集解

寬以居之仁以行之

震爲寬仁爲行謂居寬行仁德博而化也

集解

易曰見龍在田利見大人君德也

重言君德者大人善世不伐信有君德後

天而奉天時故詳言之

集解

九三重剛而不中

學易記引注同
周易象旨決錄

又能過

以乾接乾故重剛位非二五故不中也

集解

或之者疑之也

非其位故疑之也

集解

與鬼神合其吉凶

謂乾神合吉坤鬼合凶以乾之坤故與鬼

神合其吉凶

集解

先天而天弗違

乾爲天爲先大人在乾五乾五之坤五天

象在先故先天而天弗違

集解

後天而奉天時

奉承行乾三之坤初

案疑作乾二之坤二

成震震爲

後也震春兌秋坎冬離夏四時象具故後

天而奉天時謂承天時行順也

集解

坤

坤元亨利牝馬之貞

謂陰極陽生乾流坤形坤含光大凝乾之
元終於坤亥出乾初子品物咸亨故元亨
也坤爲牝震爲馬初動得正故利牝馬之

貞矣

集解

西南得朋乃與類行

謂陽得其類月朔至望從震至乾與時偕

行故乃與類行

集解

東北喪朋乃終有慶

陽喪滅坤坤終復生謂月三日震象出庚

故乃終有慶此指說易道陰陽消息之大

要也謂陽月三日變而成震出庚至月八

日成兌見丁庚酉丁南故西南得朋謂二

陽爲朋故兌君子以朋友講習文言曰敬
義立而德不孤彖曰乃與類行二十九日
消乙入坤滅藏於癸乙東癸北故東北喪
朋謂之以坤滅乾坤爲喪故也馬君云孟
秋之月陰氣始著而坤之位同類相得故
西南得朋孟春之月陽氣始著陰始從陽
失其黨類故東北喪朋失之甚矣而荀君
以爲陰起於午至申三陰得坤一體故曰
西南得朋陽起於子至寅三陽喪坤一體

故東北喪朋就如荀說從午至申經當言
南西得朋子至寅當言北東喪朋以乾變
坤而言喪朋經以乾卦爲喪耶此何異於
馬也

集解 象旨引月三日變
成震至東北喪朋稍節

安貞之吉

坤道至靜故安復初得正故貞吉

集解

應地无疆

震爲應陽正於初以承坤陰地道應故應

地无疆

集解

象曰地勢坤君子以厚德載物

勢力也君子謂乾陽爲德動在坤下君子
之德中故厚德載物老子曰勝人者有力
也

集解

六三含章可貞

貞正也以陰包陽故含章三失位發得正

故可貞也

集解

或從王事无成有終

謂三已發成泰乾爲王坤爲事震爲從故

或從王事地道无成而有終故无成有終

集解

六四括囊无咎无譽

括結也謂泰反成否坤爲囊艮爲手巽爲繩故括囊在外多咎也得位承五繫于包桑故无咎陰在二多譽而遠在四故无譽

集解

後得主而有常

坤陰先迷後順得常陽出初震爲主爲常

也

集解

象旨引陽出初震爲主爲常

積善之家必有餘慶

謂初乾爲積善以坤牝陽滅出復震爲餘

慶謂東北喪朋乃終有慶也

集解

積不善之家必有餘殃

坤積不善以臣弑君以乾通坤極姤生巽

爲餘殃也

集解

臣弑其君子弑其父

坤消至二艮了弑父至三成否坤臣弑君

上下不交天下無邦故子弑父臣弑君也

集解

非一朝一夕之故其所由來者漸矣

剛爻爲朝柔爻爲夕乾爲寒坤爲暑相推而成歲焉故非一朝一夕所由來漸矣

集解

直其正也方其義也

謂二陽稱直乾其靜也專其動也直故直其正方謂闢陰開爲方坤其靜也翕其動也闢故方其義也

集解

君子敬以直內義以方外敬義立而德不孤
陽息在二故敬以直內坤位在外故義以
方外謂陽見兌丁西南得朋乃與類行故
德不孤孔子曰必有鄰也

集解

天地變化草木蕃

謂陽息坤成泰天地反

案反疑作交

以乾變坤

坤化升乾萬物出震故天地變化草木蕃

矣

集解

天地閉賢人隱

謂四泰反成否乾稱賢人隱藏坤中以合

德避難不榮

案否大象榮當作營

以祿故賢人隱矣

集解

君子黃中通理正位居體

謂五坤息體觀地色黃坤爲理以乾通坤

故稱通理五正陽位故曰正位以爲居體

謂四支也艮爲兩肱巽爲兩股故曰黃中

通理正位居體

集解

美在其中而暢於四支

陽稱美在五中四支謂股肱

陰凝於陽必戰

釋文疑虞作疑

象旨

為其嫌于陽也

釋文嫌虞作嫌

屯

屯元亨利貞

坎二之初剛柔交震故元亨之初得正故

利貞矣

集解

勿用有攸往利建侯

之外稱往初震得正起之欲應

案疑作應

動而失位故勿用有攸往震爲侯初剛難

拔故利以建侯老子曰善建者不拔也

集解

彖曰屯剛柔始交而難生

乾剛坤柔坎二交初故始交確乎難拔

難生也

集解

雷雨之動滿形

今本形訛盈

震雷坎雨坤爲形也謂三已反正成既濟

坎水流坤故滿形謂雷動雨施萬物沛形

也

集解

天造草昧宜建侯而不寧

造造生也草草創物也坤冥為昧故天造

草昧成既濟定故曰不寧言定也

集解

初九盤桓利居貞利建侯

窺餘中注艮作坎至盤桓止

震起艮止動乎險中故盤桓得正得民故

利居貞謂君子居其室慎密而不出也

集解

六二屯如遭如乘馬班如

屯遭盤桓謂初也震為馬作足二乘初故

乘馬班躓也馬不進故班如矣

集解

匪寇婚媾女子貞不字十年乃字

匪非也寇謂五坎為寇盜應在坎故匪寇
陰陽德正故婚媾字妊娠也三失位變復
體離離為女子為大腹故稱字今失位為
坤離象不見故女子貞不字坤數十三動
反正離女大腹故十年反常乃字謂成既

濟定也

集解至字微變象言引坎為寇盜
爻位變至不字又引三

六三即鹿无虞惟入于林中

象旨鹿虞翻作

即就也虞謂虞人掌禽獸者艮為山山足

稱鹿鹿林也三變體坎坎爲藜木山下故
稱林中坤爲兕虎震爲麋鹿又爲驚走艮
爲狐狼三變禽走入于林中故曰卽鹿无
虞惟入林中矣集解學易記三引首二
句易窺餘截引

君子幾不如舍往吝

君子謂陽已正位幾近舍置吝疵也三應
於上之應厯險不可以往動如失位故不
如舍之往必吝窮矣集解

六四乘馬班如

乘三也謂三已變坎爲馬故曰乘馬馬在

險中故班如也或說乘初初爲廷侯安得

乘之也

集解

象曰求而往明也

之外稱往體離故明也

集解

九五屯其膏

坎雨稱膏詩云陰雨膏之是其義也

集解

象曰屯其膏施未光也

陽陷陰中故未光也

集解

上六乘馬班如

乘五也坎爲馬震爲行艮爲止馬行而止

故班如也

集解

象曰泣血漣如何可長也

窺餘引注乘陽故不可長

謂三變時離爲目坎爲血震爲出血流出

目故泣血漣如柔乘於剛故不可長也

集解

蒙

亨

艮三之一亨謂二震剛柔接故亨蒙亨以

通行時中也

集解

匪我求童蒙童蒙求我

童蒙謂五長爲童蒙我謂二也震爲動起
巽爲之五故曰匪我求童蒙五陰求陽故
童蒙求我志應也艮爲求二體師象坎爲
經謂禮有來學無往教

集解易窺餘引
我謂二也

利貞

二五失位利變之正故利貞蒙以養正聖

功也

集

象旨引至故利貞

蒙以養正聖功也

體頤故養五多功聖謂二二志應五變得

正而亡其蒙故聖功也

集解 漢上
易傳節引

象曰山下出泉蒙

艮爲山震爲出坎泉流出故山下出泉

集解

君子以果行育德

君子謂二艮爲果震爲行育養也二至上

有頤養象故以果行育德也

集解

初六發蒙利用刑人用說桎梏以往吝

發蒙之正初爲蒙始而失其位發蒙之正
以成兌兌爲刑人坤爲用故曰利用刑人
矣坎爲穿木震足艮手互與坎連故稱桎
梏初發成兌兌爲說坎象毀壞故曰用說
桎梏之應歷險故以往吝吝小疵也

集解
象
旨引坎
穿至末

象曰利用刑人以正法也

坎爲法初發之正故正法也

集解

九二包蒙吉納婦吉子克家象曰子克家剛
柔接也

坤爲包應五據初初

案下初字疑作又或作二

與三四

同體包養四陰故包蒙吉震剛爲夫伏巽

爲婦二以剛接柔故納婦吉二稱家震長

子主器者納婦成初

案初疑作家

故有子克家

也

集解易窺餘引二應五據初包養四陰故包蒙震長子主器納婦子克家

六三勿用娶女見金夫不有躬无攸利

謂三誠上也金夫謂二初發成兌故三稱

女兌爲見陽稱金震爲夫三逆乘二陽所

行不順爲二所淫上來之三陟陰故曰勿

用娶女見金夫矣坤身稱躬三爲二所乘
兌澤動下不得之應故不有躬失位多凶

故无攸利也

集解

彖曰勿用娶女行不順也

失位乘剛故行不順也

集解

六五童蒙吉

艮爲童蒙處貴承上有應於二動而成巽

故吉也

集解

上九擊蒙不利爲寇利禦寇

體艮爲手故擊謂五已變上動成坎稱寇而逆乘陽故不利爲寇矣禦止也此寇謂二坎爲寇巽爲高艮爲山登山備下順合師象故利禦寇也

集解易
窺餘節引

象曰利用禦寇上下順也

自上禦下故順也

集解

需

需有孚光亨貞吉

大壯四之五孚謂五離日爲光四之五得

位在中故光亨貞吉謂壯于大輦之輻

案

壯九四輻也集當作腹解

利涉大川往有功也

謂二失位變而涉坎坎爲大川得位應五

故利涉大川五多功故往有功也

集解

君子以飲食宴樂

君子謂乾坎水兌口水流入口爲飲二失

位變體噬嗑爲食故以飲食陽在內稱宴

大壯震爲樂故宴樂也

集解

九二需於沙小有言終吉

沙謂五水中之陽稱沙也二變之陰稱小

大壯震爲言兌爲口四之五震象半見故小有言二

變應故終吉

集解 窺餘引沙謂至沙也象旨引水中二句無也字

需于沙行在中也

衍流也中謂五也

集解

自我致寇敬慎不敗也

離爲戎乾爲敬陰消至五遯臣將弑君四

上壯坤故敬慎不敗

集解

解 卷之四 虞翻 前 生 訟 九 二 坤
遁 與 遜 通

訟有孚窒惕中吉

避三之二也孚謂二窒塞止也惕懼二也
二失位故不言貞遜將成否則子弑父臣
弑君三來之二得中弑不得行故中吉也

集解

終凶

二失位終止不變則入于淵故終凶也

集解

君子以作事謀始

君子謂乾三來變坤爲作事坎爲謀乾知

大始故以作事謀始

集

光餘

初六不永所事小有言終吉

永長也坤爲事初失位而爲訟始故不永

所事也小有言謂初四易位成震言三食

舊德震象半見故小有言初變得正故終

吉也

集解

九二不克訟歸而逋

謂與四訟坎爲隱伏故逋乾位剛在上坎

濡失正故不克也

集解

象旨引謂與四

其邑人三百戶无眚

象旨引注二變應五至故三百戶

眚災也坎為眚謂二變應五乾為百坤為

戶三爻故三百戶坎化為坤故无眚

集解

六三食舊德貞厲終吉

乾為舊德食謂初四二已變之正三動得

位體噬嗑食四變食乾故食舊德三變在

坎正危貞厲得位故終吉也

集解

或從王事无成

乾爲王二變否時坤爲事故或從王事道
无成而代有終故曰无成坤三同義也集解
九四不克訟復卽命渝安貞吉

失位故不克訟渝變也不克訟故復位變
而成巽巽爲命令故復卽命渝動而得位
故安貞吉謂二已變坤安也集解
餘

上九或錫之鞶帶

錫謂王之錫命鞶帶大帶男子鞶革初四
已易位三二之正巽爲腰帶故鞶帶集解

終朝三拊之

位終乾上二變時坤爲終離爲日乾爲甲
日出甲上故稱朝應在三三變時艮爲手
故終朝三拊之使變應已則去其輦帶體
坎乘陽故象曰不足敬也

集解

象曰以訟受服亦不足敬也

服謂輦帶終朝見拊乾象毀壞故不足敬

集解

師

象曰師衆也貞正也能以衆正可以王矣

坤爲衆謂二失位變之五爲比故能以衆

正乃可以王矣

集解

君子以容民畜衆

君子謂二容寬也坤爲民衆又

案又字畜

養也陽在二寬以居之五變執言時有願

養衆故以容民畜衆矣

集解

三三間或輿尸凶

案或疑爲尸坎爲車多眚同人離爲戈

兵為折首失位乘剛无應尸在車上故與

尸凶矣

集解案此條毛本胡本俱作盧氏說

六五田有禽利執言无咎

田謂二陽稱禽震為言五失位變之正艮

為執故利執言无咎

集解易窺餘

長子帥師

長子

謂二震為長帥師也

集解象旨引末作故曰帥師

弟子與尸貞凶

弟子謂三三體坎坎震之弟而乾之子失

位乘陽逆故貞凶

集解

上六大君有命

同人

乾爲大君巽爲

有命

集解

窺餘引有命下有謂上動成乾上之三成巽故也十二字

開國成家

承受也坤爲國二稱家謂變乾爲坤欲令

二上居五爲比故開國承家

集解

小人勿用

陰稱小人坤虛无君體迷復凶坤成乾滅

以弑君故小人勿用

集解

象曰大君有命以正功也

謂五多功五動正位故正功也

集解

小人勿用必亂邦也

坤反君道故亂邦也

集解

比

比吉

師二上之五得位衆陰順從比而輔之故

吉與大有旁通

集解

不寧方來上下應也

水性流動故不寧坤陰爲方上下應之故

方來也

集解

易經餘

象旨

後夫凶

後謂上夫謂五也坎爲後艮爲背上位在

背後无應乘陽故後夫凶也

集解
易經

先王以建萬國親諸侯

窺餘引注自震爲諸侯以下截引

先王謂五初陽已復震爲建爲諸侯坤爲

萬國爲腹坎爲心腹心親比故以建萬國

親諸侯詩曰公侯腹心是其義也

集解

六有孚比之无咎

孚謂五初失位變來得正故无咎也

集解

有孚盈缶終來有它吉

罍器爲缶坎水流坤初動成屯屯者盈也

故盈缶終變得正故終來有它吉在內稱

來也

集解象旨引坤器至故盈缶

六二比之匪人

匪非也失位无應三又多凶體剝傷象弑

父弑君故曰匪人

集解

六四外比之貞吉

在外體故稱外得位比賢故貞吉也

集解

九五顯比

五貴多功得位正中初三以變體重明故

顯上謂顯諸仁也

集解■窺餘引謂三動成離故顯比

變為三獸失前禽

坎五稱王三獸謂獸下三陰不及於初故

失前禽謂初已變成震震為鹿為驚走至

之斯奔則失前禽也

集解■象旨引顯下三陰三句

邑人不戒吉

坤爲邑師震爲人師時坤虛无君使師二

上居五中故不戒吉也

集解

象曰顯比之吉位正中也

謂離象明正上中也

集解

舍逆取順失前禽也

背上六故舍逆據二陰故取順不及初故

失前禽

集解

邑人不戒上使中也

謂二使師二上居五中

集解

上六比之无首凶

窺餘引注首始也三字

首始也陰道无成而代有終无首凶

集解

象曰比之无首无所終也

迷失道故无所終也

集解

小畜

健而巽剛中而志行乃亨

需上變為巽與豫旁通豫

案豫疑作乾

四之坤

初為復復小陽潛所畜者少故曰小畜二

失位五剛中正二變應之故志行乃亨也

集解易窺餘引二變應五故志行乃亨

密雲不雨尙往也

密小也兌爲密需坎升天爲雲墜地稱雨
上變爲陽坎象半見故密雲不雨上往也

集解

自我西郊施未行也

豫坤爲自我兌爲西乾爲郊雨生於西故

自我西郊九二未變故施未行矣

集解

君子以懿文德

君子謂乾懿美也豫坤爲文乾爲德離爲明初至四體夬爲書契乾離照坤故懿文

德也

集解

四體八字

窺餘引坤爲文至末無初至

九復自道何其咎吉象曰復自道其義吉

復

謂從豫四之初成復卦故復自道出入无

疾朋來无咎何其咎吉乾稱道也

集解

曰牽復在中亦不自失也

變應五故不自失與比二同義也

集解

九三車說輶

漢上易傳同

象旨引注首六

豫坤爲車爲輶至三成乾坤象不見故車

說輶馬君及俗儒皆以乾爲車非也

集解

夫妻反目

豫震爲夫爲反巽爲妻離爲目今夫妻其

在四離火動上目象不正巽多白眼夫妻

反目妻當在內夫當在外今妻乘夫而出

在外象曰不能正室三體離需飲食之道

飲食有訟故爭而反目也

集解

六四有孚血去惕出无咎

孚謂五豫坎爲血爲惕惕憂也震爲出變成小畜坎象不見故血去惕出得位承五

故无咎也

集解
窺餘

九五有孚攣如富以其鄰

象旨
孚虞翻曰孚

孚五謂二也攣引也巽爲繩豫艮爲手二失位五欲其變故曰攣如以及也五貴稱富鄰謂三兌西震東稱鄰二變承三故富

以其鄰象曰不獨富二變為既濟與東西

鄰同義

集解 窺餘引五青稱富四字

上九既雨既處尙得載婦貞厲

晁氏曰德虞作得

既已也應在三坎水零為雨巽為處謂二

已變三體坎雨故既雨既處坎雲復天坎

為車

積載在坎上故上得

積載巽為婦坎成巽壞故

婦貞厲

集解 窺餘引應在五至為雨又引坎之輪至上得積載象旨引巽為婦坎成巽壞也

月幾望君子征凶

幾近也坎月離日上已正需時成坎與離

相望兌西震東日月象對故月幾望上變
陽消之坎爲疑故君子征有所疑矣與歸
妹中孚月幾望義同也

集解 窺餘引坎月離
日日月對象故月幾望

象曰旣雨旣處得積載也

巽消承坎故得積載坎習爲積也

集解

君子征凶有所疑也

變坎爲盜故有所疑也

集解

履

履虎尾不咥人亨利貞

今本脫利貞二字
窺餘引履虎尾六字

謂變訟初爲兌也與謙旁通以坤履乾以
柔履剛謙坤爲虎艮爲尾乾爲人乾兌乘
謙震足蹈艮故履虎尾兌悅而應虎口與
上絕故不啗人剛當位故通俗儒皆以兌
爲虎乾履兌非也兌剛幽非柔也集解
彖曰履柔履剛也

坤柔乾剛謙

言乾故柔履剛

集解

說而應乎乾

象旨引注明兌不履乾故言應

說兌也明兌不

言應也

集解

中正履帝位而不疚光明也

剛中正謂五謙震爲帝五帝位坎爲疾病

輒爲大明五履帝位坎象不見故履帝位

而不疚光明也

集解病二末故下無履帝位三字

象曰上天下澤履君子以辯上下定民志

君子謂乾辯別也乾天爲上兌澤爲下謙

坤爲民坎爲志謙時坤在乾上變而爲履

故辯上下定民志也

集解

初九素履往无咎

應在巽爲白故素履四失位變往得正故
往无咎初已得正使四獨變在外稱往象

曰獨行願也

集解

九二履道坦坦幽人貞吉

窺餘引注同

二失位變成震爲道爲大塗故履道坦坦
訟時二在坎獄中故稱幽人之正得位震
出兌說幽人喜笑故貞吉也

集解 曾通節引

象曰幽人貞吉中不自亂也

雖幽訟獄中終辯得正故不自亂

集解

六三眇而視跛而履

離目不正兌爲小故眇而視視上應也訟
坎爲曳變震時爲足足曳故跛而履俗儒
多以兌刑爲跛兌折震足爲刑人見刑斷
足者非爲跛也

集解

履虎尾噬人凶

艮爲尾在兌下故履虎尾位在虎口中故
噬人凶既跛又眇視步不能爲虎所噬故

噬人凶象曰位不當也

集解

武人爲于大君

乾象在上爲武人三失位變而得正成乾

故曰武人爲于大君志剛也

集解

九四履虎尾愬愬終吉

體與下絕四多懼故愬愬變體坎得位承

五應初故終吉象曰志行也

集解 窺餘

九五夬履貞厲

窺餘引注同

謂三上已變體夬象故夬履四變五在坎

中也爲上所乘故貞厲象曰位正當也

集解

上九視履考詳其旋元吉

窺餘引注至故曰視履無先字亦字

應在三三先視上故上亦視三故曰視履

考詳矣考稽詳善也乾為積善故考詳三

上易位故其旋元吉象曰大有慶也

集解

泰

泰小往大來吉亨

陽息坤反否也坤陰誦外為小往乾陽信

內稱大來天地交萬物通故吉亨

集解

后以財成天地之道

后君也陰升乾位坤女主故稱后坤富稱財守位以人聚人以財故曰成天地之道

集解

類餘

輔相天地之宜以左右民

相贊左右助之震爲左兌爲右坤爲民謂以陰輔陽詩曰宜民宜人受祿于天

集解

初九拔茅茹以其彙征吉象曰拔茅征吉志在外也

否泰反其類否巽爲茅茹茅根艮爲手彙

類也初應四故拔茅茹以彙震為征得位

應四征吉外謂四也集解案此上王弼注一條毛本胡本俱

誤作虞說今刪之窺餘引巽為茅艮為手又引震為征得位應四故征吉

九二包荒用馮河不遐遺朋亡得尚乎中行

象曰包荒得尚于中行以光大也象旨引注荒大川

在中稱包荒大川也馮河涉河遐遠遺亡

也失位變得正體坎坎為大川為河震為

足故用馮河乾為遠故不遐遺兌為朋坤

虛无君欲使二上故朋亡二與五易位故

得上于中行震爲行故光大也

集餘

九三无平不陂无往不復

陂傾謂否上也平謂三天地分故平天成

地平謂危者使平易者使傾往謂消外復

謂息內從三至上體復

案復下疑有象字

終日乾

乾反復道故无平不陂无往不復

集解

艱貞无咎勿恤其孚于食有福

艱險貞正恤憂孚信也二之五得正在坎

中故艱貞坎爲憂故勿恤陽在五孚險坎

爲孚故有孚體墜嗑食也二上之五據四

則三乘二故于食有福也

集解

六四翩翩不富以其鄰

二五變時四體離飛故翩翩坤虛无陽故

不富兌西震東故稱其鄰二陰乘陽不得

之應象曰皆失實也

集解 窺餘

不戒以孚

謂坤邑人不戒故使二升五信來孚邑故

不戒以孚二上體坎中正象曰中心願也

與比邑人不戒同義也

集解■窺餘

六五帝乙歸妹以祉元吉

震爲帝坤爲乙帝乙紂父歸妹也震爲兄
兌妹故嫁妹祉福也謂五變體離離爲大
腹則妹嫁而孕得位正中故以祉元吉也

集解

■窺餘引震爲帝帝乙紂父也

上六城復于隍

窺餘節引注

■象旨引注

■象旨引注

否艮爲城故稱城坤爲積土隍城下溝無
水稱隍有水稱池今泰反否乾壞爲土艮

城不見而體復象故城復于陰也集解

勿用師自邑告命貞吝

謂二動時體師陰皆乘陽行不順故勿用

師坤為自邑震為言兌為口否巽為命今

逆陵陽故自邑告命逆不順陰道先迷

失實遠應故貞吝

集解震為言兌為口故謂

否

否之匪人不利君子貞大往小來

陰消乾又反泰也謂三比坤滅乾以臣弑

其君子弑其父故曰匪人陰來滅陽君子
道消故不利君子貞陰信陽詘故大往小
來則是天地不交而萬物不通與比三同

義也

集解

君子以儉德辟難不可營

晁氏同

以祿

君子謂乾坤爲營乾爲祿難謂坤爲弑君
故以儉德辟難巽爲入伏乾爲遠艮爲山
體遯象謂辟難遠遁入山故不可營以祿
營或作榮儉或作險

集解

晁氏同

象曰大人否亨不亂羣也

否不也物三稱羣謂坤三陰亂弑君大人

不從故不亂羣也

集解

上九傾否先否後喜象曰否終則傾何可長也

否終必傾盈不可久故先否下反於初成

益體震民說无疆故後喜以陰剝陽故不

可久也

集解

同人

注旁通師卦震夫巽婦所謂二者又引四上失位至利涉大川

同人曰同人于野亨利涉大川乾行也

旁通師卦巽爲同乾爲野師震爲人二得
中應乾故曰同人于野亨此孔子所以明
嫌表微師震爲夫巽爲婦所謂二人同心
故不稱君臣父子兄弟朋友而故言人耳
乾四上失位變而體坎故曰利涉大川乾
行也

集解 類餘引乾爲野一得中應乾
故曰同人于野亨下即接四上失位

唯君子爲能通天下之志

唯獨也四變成坎坎爲通爲志故能通大

下之志謂五以類族辯物聖人作而萬物

覩

集解

君子以類族辯物

君子謂乾師坤爲類乾爲族辯別也乾陽
物坤陰物體姤天地相遇品物咸章以乾
照坤故以類族辯物謂方以類聚物以羣
分孔子曰君子和而不同故於同人家見
以類族辯物也

集解■窺餘引君子謂乾
下卽接類族辯物至末

初九同人于門无咎

乾爲門謂同於四四變應初故无咎也

集解

九三伏戎于莽升其高陵三歲不興

巽爲伏震爲草莽離爲戎謂四變時三在坎中隱伏自藏故伏戎于莽也巽爲高師震爲陵以巽股升其高陵爻在三乾爲歲興起也動不失位故三歲不興也

集解
至解
引
至莽也

九四乘其庸弗克攻吉

巽爲庸四在巽上故乘其庸變而承五體

訟乾剛在上故弗克攻則吉也

集解

九五同人先號咷而後笑大師克相遇

應在二巽爲號咷乾爲先故先號咷師震在下故後笑震爲後笑也乾爲大同人反

師故大師二至五體姤遇也故相遇

集解

上九同人于郊无悔

乾爲郊失位无應與乾上九同義當有悔

同心之家故无悔

集解

大有

大有元亨

與比旁通柔得尊位大中應天而時子文

元亨也

集解

大有止之反

一說餘

其德剛健而文明應乎天而時行是以元亨

謂五以日應乾而行於天也時謂四時也

大有亨比初動成震為春至二兌為秋至

三離為夏坎為冬故曰時行以乾亨坤是

以元亨

集解

震坎

為冬

下作故曰

應乎天而

君子以遏惡揚善順天休命

遏絕揚舉也乾為揚善坤為遏惡為順以

乾滅坤體夫揚于王庭故遏惡揚善乾爲
天休二變時巽爲命故順天休命
集解 乾爲天至
天時作成義
初九无交害匪咎艱則无咎

害謂四四離火爲惡人故无交害初動震
爲交比坤爲害匪非也艱難謂陽動比初
成屯屯難也變得位艱則无咎
集解

象曰大有初九无交害也

害謂四

集解

九二大輦以載有攸往无咎

案輦古輿字史
記封禪書乘輦

字同

此

比坤為大輦乾來積上故大輦以載往

之五二失位變得正應五故有攸往无咎

矣

集解案此下象曰大輦以載積中不

敗也雅雨堂本引盧氏注曰乾為大車

故曰大車以載體剛履中可以任重有應

於五故所積皆中而不敗也云云毛本胡

本俱作虞說李衡義海撮要同但上文既

云坤為大輦此又云乾為大車之義故刪之

九三公用亨于天子小人弗克

天子謂五三公位也小人謂四二變得位

體鼎象故公用亨于天子四折鼎足覆公

餽故小人不克也

集解■窺餘引天子謂五三公位也

象曰公用亨于天子小人害也

小人謂四也

集解

九四匪其𡵚无咎

釋文彭虞作𡵚■窺餘翻讀彭為𡵚

匪非也其位

案位字疑行

𡵚足𡵚體行不正四

失位折震足故𡵚變而得正故无咎𡵚或

為彭作旁聲字之誤

集解■窺餘約引行不正至末

象曰匪其𡵚无咎明辯折也

釋文哲虞作折

折之離故明辯折也四在乾則厓在坤爲
鼠在震噬肺得金矢在巽折鼎足在坎爲
鬼方在離焚死在艮旅干處言无所容在
兌睽孤孚厲三百八十四爻獨无所容也

集解

六五厥孚交如威如吉

孚信也發而孚二故交如乾稱威發得位

故威如吉

集解

上九自天右之吉无不利

謂乾也右助也大有通比坤爲自乾爲天
兌爲右故自天右之比坤爲順乾爲信天
之所助者順人之所助者信履信思順又
以尙賢故自天右之吉无不利

集解

謙

謙亨

乾上九來之坤與履旁通天道下濟故亨

彭城蔡景君說剝上來之三

集解

君子有終

象旨引注君子

象此

云有

君子謂三長終萬物故君子有終

集解

天道虧盈而益謙

謂乾盈履上虧之坤三故虧盈貴處賤位

故益謙

集解

地道變盈而流謙

謙二

案二疑作三

以坤變乾盈坎動而潤下水

流溼故流謙也

集解

鬼神害盈而福謙

鬼謂四神謂三坤爲鬼害乾爲神福故鬼

神害盈而福謙也

集解

人道惡盈而好謙

乾爲好爲人坤爲惡也故人道惡盈從上

之三故好謙矣

集解

謙尊而光卑而不可踰

天道遠故尊光三位賤故卑坎水就下險

弱難勝故不可踰

集解

君子以裒多益寡稱物平施

君子謂三裒取也艮爲多坤爲寡乾爲物

為施坎為平謙乾盈三益謙故以桴多三益寡

稱物平施

集解

窺餘引坎為平

象曰鳴謙貞吉中心得也

中正謂二坎為心也

集解

上六鳴謙利用行師征邑國

應在震故曰鳴謙體師象震為行坤為邑

國利五之正己得從征故利用行師征邑

國

集解

至末

窺餘引坤為邑下即接故利用象旨引利五之正己得從征

豫

豫利建侯行師

復初之四與小畜旁通坤爲邦國震爲諸侯初至五體比象四利復初故利建侯三

至上體師象故行師

集解

豫順以動故天地如之而況建侯行師乎

小畜乾爲天坤爲地如之者謂天地亦動以成四時而況建侯行師言其皆應而豫

也

集解

天地以順動

豫變通小畜坤爲地動初至三成乾故天

地以順動也

集解

故日月不過而四時不忒

過謂失度忒差迭也謂變初至需離爲日

坎爲月皆得其正故日月不過動初時震

爲春至四兌爲秋至五坎爲冬離爲夏四

時爲爲疑作位正故四時不忒通變之謂事蓋

此之類

集解

聖人以順動則刑罰清而民服

清猶明也動初至四兌爲刑至坎爲罰坎
兌體正故刑罰清坤爲民乾爲清以乾乘
坤故民服

集解

豫之時義大矣哉

順動天地使日月四時皆不過差刑罰清
而民服故義大也

集解

初六鳴豫凶

應震善鳴失位故鳴豫凶也

集解

象曰初六鳴豫志窮凶也

體剝蔑貞故志窮凶也集解

六二介于石

介纖也與四為艮艮為石故介于石集解

不終日貞吉

與小畜通應在五終變成離離為日得位

欲四急復初已得休之故不終日貞吉集解

九四由豫大有得勿疑朋盍釋文同此晁氏引作戠

由自從也據有五陰坤以取順故大有得

得羣陰也坎為疑故勿疑小畜兌為朋盍

合也坤爲盍哉聚會也

案釋文引此句坎云哉叢合也

爲聚坤爲眾眾陰竝應故朋盍哉哉舊讀

作攴作宗也

集解

六五貞吉恆不死

恆常也坎爲疾應在坤坤爲死震爲反生

位在震中與坤體絕故貞疾恆不死也

集解

上六冥豫成有渝无咎

應在三坤爲冥渝變也三失位无應多凶

變乃得正體艮成故成有渝无咎

集解

隨

隨元亨利貞无咎

否上之初剛來下柔初上得正故元亨利

貞无咎

集解

彖曰隨剛來而下柔動而說隨

否乾上來之坤初故剛來而下柔動震說

兌也

集解

象旨虞翻以爲自否來

而天下隨時

乾爲天坤爲下震春兌秋二四之正坎冬

離夏四時位正時行則行故天下隨時矣

集解

六二係小子失丈夫

應在巽巽爲繩故稱係小子謂五兌爲少
故曰小子丈夫謂四體大過老夫故稱丈
夫承四隔三故失丈夫三至上有大過象
故與老婦士夫同義體咸象夫死大過故
每有欲嫁之義也

集解

象曰係小子弗兼與也

已係於五不兼與四也

集解

六三係丈夫失小子隨有求得利居貞

隨家陰隨陽三之上无應上係於四失初

案初疑作五

小子故係丈夫失小子艮爲居爲

求謂求之正得位遠應利上承四

案四疑作五

故利居貞矣

集解

九四隨有獲貞凶有孚在道以明何咎

謂獲三也失位相據在大過死象故貞凶

象曰其義凶矣孚謂五初震爲道三已之

正四變應初得位在離故有孚在道以明

何咎象曰明功也

集解

象曰隨有獲其義凶也

死在大過故凶也

集解

有孚在道明功也

功謂五也三四之正離爲明故明功也

集解

九五孚于嘉吉

坎爲孚陽稱嘉位五正故吉也

集解

象曰孚于嘉吉位正中也

凡五言中正中正皆陽得其正以此爲例

矣

集解

上六拘係之乃從維之

應在艮艮手爲拘巽爲繩兩係稱維故拘
係之乃從維之在隨之上而無所隨故維

之象曰上窮是其義也

集解

王用亨于西山

晁氏曰亨
虞作享

否乾爲王謂五也有觀象故亨兌爲西艮

爲山故王用亨于西山也

集解

享祭也

晁氏

象曰拘係之上為電

乘剛无應故三三也

集解

蠱

蠱

泰初之上與隨旁通剛上柔下乾坤交故

元亨也

集解

和涉大川

謂二失位動而之坎故利涉大川也

集解

象曰蠱剛上而柔下巽而止蠱

泰初之上故剛上坤上之初故柔下上艮

下巽故巽而止蠱也

集解

先甲三日後甲三日終則有始天行也

謂初變

案天文編作變初

成乾乾爲甲至二成離

離爲日謂乾三爻在前故先甲三日貞時

也變三至四體離至五成乾乾三爻在後

故後甲三日无妄時也易出震消息厯乾

坤象乾爲始坤爲終故終則有始乾爲天

震爲行故天行也

集解 六經天文編

窺餘引乾爲始三句

君子以振民育德

君子謂泰乾也坤爲民初上撫坤故振民

乾稱德體大畜須養故以育德也

集解

初六幹父之蠱有子考无咎厲終吉

幹正蠱事也泰乾爲父坤爲事故幹父之

蠱初上易位艮爲子父死大過稱考故有

子考變而得正故无咎厲終吉也

集解

九二幹母之蠱不可貞象曰幹母之蠱得中

道也

應在五泰坤爲母故幹母之蠱失位故不

可貞變而得正故貞而得中道也集解 窺餘節引

六四裕父之蠱往見吝窺餘引注動而失正故往見吝

裕不能爭也孔子曰父有爭子則身不陷

於不義四陰體大過本末弱故裕父之蠱

兌爲見變而失正故往見吝象曰往未得

是其義也集解 義海撮要引首句

象曰裕父之蠱往未得也

往失位折鼎足故未得集解

六五幹父之蠱用譽象曰幹父用譽承以德也窺餘引注乾爲德二乾爻故承以德

譽謂二也二五失位變而得正故用譽變二使承五故承以德二乾爻故稱德矣集解

上九不事王侯

泰乾爲王坤爲事應在於三震爲侯坤象不見故不事王侯集解

高尚其事

謂五已變巽爲高艮陽升在坤上故高尚

其事

集解

臨

臨元亨利貞

陽息至二與遯旁通剛浸而長乾來交坤

動則成乾故元亨利貞

集解

至于八月有凶

魏濬古象通引注臨消於遯六月之卦於周正爲八月

與遯旁通臨消於遯六月卦也於周爲八

月遯弑君父故至于八月有凶苟公以兌

爲八月兌於周爲十月言八月失之甚矣

集解 象旨虞翻自子至未爲遁

彖曰臨剛浸而長

剛謂二也兌爲水澤自下浸上故浸而長

也

集解 窺餘引無首四字

說而順剛中而應大亨以止天之道也

說兌也順坤剛中謂二也四陰皆應之故

曰而應大亨以正謂三動成乾天得正爲

泰天地交通故亨以正天之道也

集解 義海撮

要節

君子以教思无窮容保民无疆

君子謂二也震爲言兌口講習學以聚之
問以辯之坤爲思剛浸長故以教思无窮
容寬也二寬以居之仁以行之坤爲容爲
民故保民无疆矣

集解 引震爲言兌爲口講習

初九咸臨貞吉

咸感也得正應四故貞吉也

集解

象曰咸臨貞吉志行正也

初在卦下四當臨之陽升之世陰亦下降

初動而說往感于四四順其欲相與志行

其正猶賢人思治願奉其上上能用之以

爲臨者也

義海撮要 案虞注皆言象此
條文義不類疑義海誤引今姑

存之

九二咸臨吉无不利

得中多譽兼有四陰體復初元吉故无不

利

集解

六三甘臨无攸利既憂之无咎象曰甘臨位
不當也既憂之咎不長也

兌爲口坤爲土土爻稼穡作甘兌口銜地
故曰甘臨失位乘陽故无攸利言三失位
无應故憂之動而成泰故咎不可長也

窺餘會通節引

六四至臨无咎

窺餘引注初應當位有實

至下也謂下至初應當位有實故无咎

集解

觀

彖曰大觀在上順而巽中正以觀天下

謂陽息臨二直方大臨者大也在觀上故

稱大觀順坤也中正謂五五以天神道觀
示天下咸服其化賓於王庭

集解

觀盟而不薦有孚顒若下觀而化也

觀反臨也以五陽觀示坤民故稱觀盟沃
盥薦羞牲也孚信謂五顒顒君德有威容
貌若順也坎爲水坤爲器艮手臨坤坎水
沃之盥之象也故觀盟而不薦孔子曰臨
自旣灌吾不欲觀之矣巽爲進退容止可
觀進退可度則下觀其德而順其化上之

三五在坎中故有孚顒若下觀而化詩曰

顒顒叩叩如珪如璋君德之義也

集解

觀天之神道而四時不忒

忒差也神道謂五臨震兌爲春秋三上易

位坎冬離夏日月象正故四時不忒

集解

聖人神道設教而天下服矣

今本聖人下有以字

聖人謂乾退藏於密而齊於巽以神明其

德教故聖人設教坤民順從而天下服矣

集解

初六童觀小人无咎君子吝

艮爲童陰小人陽君子初位賤以小人乘

君子故无咎陽伏陰下故君子吝矣

集解

六二闕觀利女貞

窺餘引注兌臨爲女二句艮爲官室二句末云闕也

臨兌爲女竊觀稱闕兌女反成巽巽四五

得正故利女貞艮爲宮室坤爲闔戶小人

而應五故闕觀女貞利不淫視也

集解

六四觀我生進退

坤爲我臨震爲生生謂坤生民也巽爲進

退於巽我生進退臨震進之五得正居中

故象曰未失道

集解

六四觀國之元利用賓于王

坤爲國臨陽至二天下文明反上成觀進

顯天位故觀國之光王謂五陽陽尊賓坤

坤爲川故四在王庭賓事於五故利用

賓于王矣詩曰莫敢不來賓莫敢不來王

是其義也

集解 易窺餘

九五觀我生君子无咎

虞翻易注

我坤中謂我生

案疑作我坤也坤為我

生謂生民震

生以坤為死喪嫌非生民故不言民陽

君子在臨二失位之五得道處中故君

无咎矣

集解

觀我生觀民也

坤為民謂三也坤體成故觀民也

集解

九觀其生君子无咎

應在三三體臨震故觀其生君子謂二之

三得正故无咎矣

集解

彖曰觀其生志未平也

窺餘引注同

坎爲志爲平上來之三故志未平矣

集解

噬嗑

噬嗑亨利用獄

否立之坤初坤初之五剛柔交故亨也坎
爲獄艮爲手離爲明四以不正而係於獄
上當之三蔽四成豐折獄致刑故利用獄
坤爲用也

集解窺餘引至係於獄中無

彖曰頤中有物曰噬嗑

物謂四則所噬乾脯也頤中无物則口不

噬故先舉頤中有物曰噬嗑也

集解

初九履校滅趾无咎

履貫趾足也震爲足坎爲校震沒坎下故

履校滅趾初位得正故无咎

集解案此條毛胡本作

侯果說

象曰履校滅趾不行也

否坤小人以陰消陽其亡其亡故五變滅

初否坤殺不行也

集解

六二噬膚滅鼻无咎

噬食也艮爲膚爲鼻鼻沒水坎中隱藏不見故噬膚滅鼻乘剛又得正多譽故无咎

集解

六三噬昔肉遇毒小吝无咎

窺餘引注同

三在膚裏故稱肉離日熯之爲昔坎爲毒故噬昔肉遇毒毒謂矢毒也失位承四故小吝與上易位利用獄成豐故无咎也

集解

六五噬乾肉得黃金貞厲无咎

陰稱肉位當離日中烈故乾肉也乾黃金

故得黃金貞正厲危也變而得正故无咎

集解 窺餘引日中烈故乾肉變得正故无咎

賁

亨

泰上之乾二乾二之坤上柔來文剛陰陽

交故亨也

集解

小利有攸往

小謂五五失正動得位體離以剛文柔故

卜利有攸往

集解

天文也

謂五利變之正成巽體離艮爲星離日坎
月巽爲高五天位離爲文明日月星辰高
麗於上故稱天之文也

集解

文明以止人文也

人謂三乾爲人文明離止艮也震動離明
五變據四二五分則止文三故以二爲人
文也

集解

觀乎天文以察時變

日月星辰爲天文也泰震春兌秋巽坎冬
離夏巽爲進退日月星辰進退盈縮謂朏
側朏也朏象在天成變故以察時變矣

集解

觀乎人文以化成天下

泰乾爲人五上動體旣濟賁離象重明麗

正故以化成天下也

集解

君子以明庶政无敢折獄

君子謂乾離爲明坤爲庶政故明庶政坎

獄三在獄得凡故无取折猶噓四不

王故利用獄也集解

勢凡賁其趾

應在震震震足故賁其趾也集解

舍車而徒

應在艮艮為舍坎為車徒步行也位在下

故舍車而徒集解

六五賁于丘園束帛戔戔吝終吉

艮為山五半山故稱丘木果曰園故賁于

上國也六五失正動之成巽巽為帛為緇

民于持故束帛以民斷巽故幾幾失位无

應以客變而得正故終吉矣集解象旨引巽為至幾

象曰 之有吉也

五幾也 陰故有吉凡言喜慶皆陽爻束帛

幾幾之積之貌集解

上九白賁无咎

在巽上故曰白賁乘五陰變而得故无

咎矣集解

象曰白賁无咎上得志也

上之正位體成既濟故曰得志坎爲志

也

集解

剝

剝不利有攸往

陰消乾也與夬旁通以柔變剛小人道長

子弑其父臣弑其君故不利有攸往也

集解

順而止之觀象也

坤順艮止謂五消觀成剝故觀象也

集解

君子尚消息盈虛天行也

乾爲君子乾息爲盈坤消爲虛故君子尚
消息盈虛天行也則出入無疾反復其道
易虧巽消艮出震息兌盈乾虛坤故於是

見之耳

集解

初六剝牀以足蔑貞凶

此卦坤變乾也動初成巽巽木爲牀復震
在下爲足故剝牀以足蔑无貞正也失位
无應故蔑貞凶震在陰下象曰以滅下也

集解 案此下象曰盧氏注一條
毛本胡本俱誤作虞翻今刪之

六二剝牀以辨蔑貞凶

指間稱辨剝剝

案下剝字疑作動

二成艮艮爲指

二在指間故剝牀以辨无應在剝故蔑貞

凶也

集解

六四剝牀以膚凶

辨上稱膚艮爲膚以陰變陽至四乾毀故

剝牀以膚臣弑君子弑父故凶矣

集解

六五貫魚以宮人寵无不利

剝消觀五巽爲魚爲繩艮手持繩貫巽故
貫魚也艮爲宮室人謂乾五以陰代陽五
貫乾爲寵人陰得麗之故以宮人寵動得
正成觀故无利也
集解 會通節引 窺
上九碩果不食君子德車小人剝廬

艮爲碩果謂三已復位有頤象頤中无物
故不食也夫乾爲君子爲德坤爲車爲民
乾在坤故以德爲車小人謂坤艮爲廬上
變派艮坤陰小人剝廬也集解 窺餘引
迷亂故 艮爲果爲廬

復

出入无疾朋来无咎

謂出震成乾入巽成坤坎爲疾十二消息
不見坎象故出入无疾兌爲朋在內稱來
五陰從初初陽正息而成兌故朋来无咎
矣

集解

象旨引出震成乾入巽成坤

利有攸往

陽息臨成乾小人道消君子道長故利有

攸往矣

集解

彖曰復亨

陽息坤與姤旁通剛反交初故亨

集解

剛反動而以順行

剛從艮入坤從

案從下疑有坤字

反震故曰反動

坤順震行故而以順行陽不從上來反初故不言剛自外來是以明不遠之復入坤

出震義也

集解

反復其道七日來復天行也

謂乾成坤反出於震而來復陽爲道故復

其道剛爲晝日消乾六爻爲六日剛來反

初故七日來復天行也

集解 玉海
三十五節引

復其見天地之心乎

坤爲復謂三復位時離爲見坎爲心陽息

臨成泰乾天坤地故見天地之心也

集解

象曰雷在地中復先王以至日閉關商旅不行后不省方

先王謂乾初至日冬至之日坤闔爲閉關
巽爲商旅爲近利市三倍姤巽伏初故商

旅不行姤象曰后以施命誥四方今隱復
下故后不省方復爲陽始姤則陰始天地
之始陰陽之首已言先王又更言后后君
也六十四卦唯此重耳集解曰姤陰始陽動至不行又
引姤陰始陽動至不行又
引姤陰始陽動至不行又
六三頻復厲无咎

頻感也三失位故頻復厲動而之正故无

咎也

集解 義海
撮要節引

六四中行獨復象曰中行獨復以從道也

中謂初震爲行初一陽爻故稱獨四得正

應初故曰中行獨復以從道也俗說以四位在五陰之中而獨應復非也四在外體又非內象不在二五何得稱中行集解漢上易節引窺餘引象不在二五何得稱中行者中謂初震爲行也象旨引至中行獨復上六迷復凶有災眚

坤冥爲迷高而无應故凶五變正時坎爲

災眚故有災眚也

集解

用行師終有大敗以其國君凶

三復位時而體師象故用行師

陰逆不順坤爲死喪

坎流血故終有大敗姤乾爲君滅藏於坤

坤爲異邦故國君凶矣

集解 象旨引末二句異邦作邦國

至于十年不克征

坤爲至爲十年陰逆坎臨故不克征謂五

變設險故率師敗喪君而无征也

集解

象曰迷復之凶反君道也

姤乾爲君坤陰滅之以國君凶故曰反君

道也

集解

无妄

无妄元亨利貞

遯上之初此所謂四陽二陰非大壯則遯來也剛來交初體乾故元亨三四失位故

利貞

集解 漢上易卦圖節引

其匪正有眚不利有攸往

非正謂上也四已之正上動成坎故有眚

變而逆乘天命不右故不利有攸往矣

集解

動而征剛中而應大亨以正天之命也其匪正有眚不利有攸往

動震也健大亨

案大亨二字疑衍

謂乾剛中謂五

而應

案應下疑有謂字

二大亨以正

案正下疑有謂字

變

四承五乾為天巽為命故曰大亨以正天

之命也

集解

无妄之往何之矣

謂四已變上動體屯坎為泣血漣如故何

之矣

集解

天命不右行矣哉

天五也巽為命右助也四已變成坤天道

助順上動逆乘巽命故天命不右行矣哉

言不可行也馬君云天命不右行非矣集解

象曰天下雷行物與无妄

與謂

案謂字疑衍

舉妄亡也謂雷以動之震爲

反生萬物出震无妄者也故曰物與无妄

序卦曰復則不妄矣故受之以无妄而京

氏及俗儒以爲大旱之卦萬物皆死无所

復望失之遠矣有无妄然後可畜不死明

矣若物皆死將何畜聚以此疑也集解

先王以茂對時育萬物

先王謂乾乾盈爲茂艮爲對時體頤養象萬物出震故以茂對時育萬物言物皆死

違此甚矣

集解 漢上
易傳節引

初九无妄往吉

謂應四也四失位故命變之正四變得位

承五應初故往吉在外稱往也

集解

象曰无妄之往得志也

四變應初夫妻體正故往得志矣

集解

六三不耕穫不菑畲則利有攸往

有益耕象无坤田故不耨震爲禾稼艮爲
手禾在手中故稱穫田在初二歲曰菑在
二二歲曰畲初爻非坤故不菑而畲也得
位應五利四變之益則坤體成有耒耨之
利故利有攸往往應五也

集解

象曰不耕穫未富也

四動坤虛故未富也

集解

六三无妄之災或繫之牛行人之得邑人之

災象曰行人得牛邑人災也

上動體坎故稱災四動之正坤爲牛艮爲
鼻爲止巽爲桑爲繩繫牛鼻而止桑下故
或繫之牛也乾爲行人坤爲邑人乾四據
三故行人之得三係於四故邑人之災或
說以四變則牛應初震坤爲死喪故曰行
人得牛邑人災也

集解象旨引乾四據
三至邑人之災

九四可貞无咎

動則正故可貞承五應初故无咎也

集解

象曰可貞无咎固有之也

動陰承陽故固有之也

集解

九五无妄之疾勿藥有喜

四已之正上動體坎坎為疾故口无妄之

疾也巽為木艮為石故稱藥坎為多眚藥

不可試故勿藥有喜康子饋藥上未達故

不嘗此之謂也

集解會通節引象旨虞翻所謂巽木艮石稱藥矣

上九无妄行有眚无攸利

動而成坎故行有眚乘剛逆命故无攸利

天命不右行矣哉

集解

大畜

大畜利貞

大壯初之上其德剛上也與萃旁通二五失位故利貞此萃五之復二成臨臨者不也至上有頤養之象故名大畜也

集解

不家食吉利涉大川

一稱家謂二五易位成家人家人體噬嗑

食故刊涉大川應乎天也

集解
至噬嗑食象

彖曰大畜剛健篤實輝光日新

剛健謂乾篤實謂艮二已之五利涉大川

互體離坎離爲日故輝光日新也

集解

能健止大正也

健乾止艮也二五易位故大正舊讀言能

止健誤也

集解

不家食吉養賢也

二五易位成家人今體頤養象故不家食

吉養賢也

集解 窺餘引二五易位家人之體家人之象自三至上頤之體養之象

君子以多志前言往行以畜其德

君子謂乾乾爲言震爲行坎爲志乾知大

始震在乾前故志前言往行有頤養象故

以畜其德矣

集解 窺餘引乾爲言至往
行無乾知大始四字

象曰有厲利已不犯災也

謂二變正四體坎故稱災也

集解 窺餘

九二輿

案輿疑當作車說腹

萃坤爲車爲腹坤消乾成故車說腹腹或

作輶也

集解 窺餘虞翻謂坤爲輿

九三良馬逐利艱貞吉日閑輿

乾為良馬震為驚走故稱逐也輿一曰輿

三在坎中故利艱貞吉離為日二至三

師象坎為閑習坤為車輿乾人在上震為

驚衛講武閑兵故曰日閑輿衛也

引引離為日

利有攸往象曰利有攸往上合志也

謂上應也五已變正上動成坎坎為心故

利有攸往與上合志也

解

六四童牛之告元吉象曰六四元吉有喜也
艮爲童五已之正萃坤爲牛告謂以木楅
其角大畜畜物之家惡其觸害艮爲手爲
小木巽爲繩繩縛小木橫著牛角故曰童
牛之告得位承五故元吉而喜喜謂五也

集解

六五豮豕之牙吉

二變時坎爲豕劇豕稱豮令不害變三至
上體頤象五變之剛巽爲白震爲山剛白

從頤中出牙之象也動而得位

案位下疑有故字

豕豕之牙吉

無解一觀餘引二變則成坎故為豕五變則成巽巽為牙之象

象曰六五之吉有慶也

五變得正故有慶也

集解

上九何天之衢亨

何當也衢四交道乾為天震艮為道以震

交艮故何天之衢亨上變坎為亨也

集解

象曰何天之衢道大行也

謂上據二陰乾為天道震為行故道大行

矣

集解

頤

頤六吉

晉四之初與大過旁通養正則吉謂二之
正五上易位故頤貞吉反復不衰與乾坤
坎離大過小過中孚同義故不從臨觀四
陰二陽之例或以臨二之上兌為事故有

口實也

集解 漢上
易叢說節引

觀頤

離爲目故觀頤觀其所養也

集解

白求口實

或以大過兌爲口或以臨兌爲口坤爲目

案目疑艮爲求口實頤中物謂其自養

集解

聖人養賢以及萬民

乾爲聖人民爲賢人頤下養上故聖人養

賢坤陰爲民皆在震上以貴下賤大得民

故以及萬民

集解

頤之時大矣哉

天地養物聖人養賢以及萬民人非頤不

生故大矣

解

初九舍爾靈龜觀我朵頤凶

晉離為龜四之初故舍爾靈龜坤為我震

為動謂四失離入坤遠應多懼故凶矣

集解

漢上易叢說節引

窺餘引離為龜

六三拂頤貞凶十年勿用无攸利

二失位體剝不正相應弑父弑君故貞凶

坤為十年動无所應故十年勿用无攸利

也

集解會通周易窺餘云集傳謂十數之極蓋本於虞

象曰十年勿用道大悖也

弑父弑君故大悖也

集解

六四顛頤吉虎眈眈其欲逐逐无咎象曰顛頤之吉上施光也

晉四之初謂三已變故顛頤與屯四乘坎馬同義坤爲虎離爲日眈眈下眈頤逐逐心煩頤坤爲吝嗇坎水爲欲故其欲逐逐得位應初故无咎謂上已反三成離故上

施光也

集解

艮爲虎

漢

上

易

三

六五拂經居貞吉不可涉大川

失位故拂經无應順上故居貞吉艮爲居也涉上成坎乘陽无應故不可涉大川矣

筮解

上九由頤厲吉

由自從也體剝居上衆陰順承故由頤失

位故厲以坤艮自輔故吉也

集解

利涉大川象曰由頤厲吉大有慶也

失位故厲之五得正成坎坎爲大川故利

涉大川變陽得位故大有慶也

集解義海撮要漢

上易傳俱節引

大過

大過棟橈

大壯五之初或兌三之初棟橈謂三巽爲

長木稱棟初上陰柔本末弱故棟橈也

集解

義海撮要節引窺餘引巽爲長木故稱棟

利攸往亨

謂二也剛過而中失位无應利變應五之外稱往故利有攸往乃亨也

集解

彖曰大過大者過也

陽稱大謂二也二失位故大者過也

集解

剛過而中巽而說行利有攸往乃亨

剛過而中謂二說兌也故利有攸往大壯

震五之初故亨與遯二同義

集解

大過之時大矣哉

國之大事在祀與戎藉用白茅女妻有子

繼世承祀故大矣哉

集解

君子以獨立不懼遯世无悶

君子謂乾初陽伏巽中體復一爻潛龍之德故稱獨立不懼憂則違之乾初同義故

遯世无悶也

集解

初九藉用白茅无咎

位在下稱藉巽柔白爲茅故藉用白茅失位咎也承二過四應五士夫故无咎矣

集解

義海撮
要節引

九二枯楊生稊老夫得其女妻无不利

稊稊也楊葉未舒稱稊巽爲楊乾爲老老
楊故枯陽在二也十二月時周之二月兌
爲雨澤枯楊得澤復生稊二體乾老故稱
老夫女妻謂上兌兌爲少女故曰女妻大
過之家過以相與老夫得其女妻故无不
利

集解 會通節引 窺餘引
兌爲澤枯楊得澤則生稊

象曰老夫女妻過以相與也

謂二過初與五五過上與二獨大過之爻

得過其應故過以相與也

集解 象旨引首二句多數字

九三棟橈凶象曰棟橈之凶不可以有輔也

本末弱故橈輔之益橈故不可以有輔陽

以陰爲輔也

集解 窺餘引本末弱輔之益橈

九四棟隆吉有它吝

隆上也應在於初已與三意在於上故棟

隆吉失位動入險而陷於井故有它吝

集解

象曰隆棟之吉不橈乎下也

乾爲動直遠初近上故不橈下也

集解

九五枯楊生華老婦得其士夫无咎无譽

陽在五也夬三月時周之五月枯楊得澤
故生華矣老婦謂初巽爲婦乾爲老故稱
老婦也士夫謂五大壯震爲夫兌爲少故
稱士夫五過二使應上二過五使取初五
得位故无咎陰在二多譽今艮使初故无
譽體姤淫女故過以相與使應少夫象曰
亦可醜也舊說以初爲女妻上爲老婦誤
矣馬君亦然荀公以初陰失正當變數六

為女妻二陽失正數九為老夫以五陽得

正位不變數七為

士夫上陰得正數八為老婦此何異俗說也悲

夫學之難而以初本為少反以上末為老

之後達者詳其義焉

集解

窺餘引巽為婦老婦者初也兌為少女

女妻者上也又引五過二使應上故二過女妻二過五使取初故五得老婦

象曰枯楊生華何可久也老婦士夫亦可醜

也

乾為久枯而生華故不可久也婦體姤淫

故可醜也

集解

上六過涉滅頂凶无咎

大壯震爲足兌爲水澤震足沒水故過涉也頂首也乾爲頂頂沒兌水中故滅頂凶乘剛咎也得位故无咎與滅耳同義也

集解

坎

習坎有孚

乾二五之坤與離旁通于爻觀上之二習常也孚信謂二五水行往來朝宗于海不失其時如月行天故習坎爲

案爲疑作有

孚也

集解 漢上
易叢說節引

維心亨

坎爲心乾二五旁行流坤陰陽會合故亨

也

集解

行有尙

行謂二尙謂五也二體震爲行動得正應

五故行有尙往有功也

集解

彖曰習坎重險也

兩象也天險地險故曰重險也

集解

行險而不失其信

信謂二也震爲行水性有常消息與月相

應故不失其信矣

集解 古象通引水性有常消息與日月相應

行有尙往有功也

功謂五二動應五故往有功也

集解

天險不可升也

謂五在天位五從乾來體心難故天險不

可升也

集解

地險山川丘陵也

為地乾二之坤故曰地險艮為山坎為

險也

集解

王公設險以守其邦

王公大人謂乾五坤為邦乾二之坤成坎
險震為守有市難象故王公設險以守其

邦離言王用出征以正邦是也

集解

彖曰水洊至習坎君子以常德行習教事

君子謂乾五在乾稱大人在坎為君子坎

為習為常乾為德震為行巽為教令坤為

事故以常德行習教事也

集解

初六習坎入于坎窞凶象曰習坎入坎失道

凶也

習積也位下故習坎為入坎中小穴稱窞

上无其應初二失正故曰失道凶矣

集解

三二坎有險求小得

陽陷陰中故有險據陰有實故求小得也

集解

解

六三來之坎坎險且枕入于坎窞勿用

坎在內稱來在坎終坎

案疑作在內稱來在外稱之

故

來之坎坎枕止也艮爲止三失位乘二則

險承五隔四故險且枕入于坎窞體師三

輿

案輿下疑有尸字

故勿用

集解

枕止也閑礙險害

之貌

晁氏

六四尊酒簋贰用缶

震主祭器故有尊簋坎爲酒簋黍稷器三
至五有頤口象震獻在中故爲簋坎爲

震爲足坎酒在上尊酒之象貳副也坤爲

缶禮有副尊故貳用缶耳

案解見氏節引
有震坎震主祭器故爲樽
爲酒

內約自牖終无咎

坎爲內也四陰小故約艮爲牖坤爲戶艮

小光照戶牖之象貳用缶

案貳用缶三字疑衍故內

約自牖得位承五故无咎

集解

象曰尊酒簋剛柔際也

乾剛坤柔震爲交故曰剛柔際也

集解

九五坎不盈禴旣平无咎

案禴晁氏引作祗

盈溢也艮爲止

案艮爲止句疑當在謂水流而不盈下

謂水

流而不盈坎爲平視安也艮止坤安故視

既平得位正中故无咎

集解

象曰坎不盈中未光大也

體屯五中故未光大也

集解

上六係用徽纆寘于叢棘三歲不得凶

徽纆黑索也觀巽爲繩艮爲手上變入坎

故係用徽纆寘置也坎多心故叢棘獄外

種九棘故稱叢棘二變則五體剝剝傷坤

殺故寘于叢棘也不得謂不得出獄艮止
坎獄乾爲歲五從乾來三非其應故曰三
歲不得凶矣集解 漢上以置九棘取改
過自新故曰係用徽纆寘于叢棘也若置
之九棘之中而不能改過自新必致罪咎
故曰三歲不得凶也口訣義引虞氏李

富孫曰虞當作廬

離

離利貞亨

坤二五之乾與坎旁通於爻遯初之五柔

麗中正故利貞亨

集解

畜牝牛吉

畜養也坤爲牝牛乾二五之坤成坎體頤養象故畜牝牛吉俗說皆以離爲牝牛失之矣

集解

日月麗乎天

乾五之坤成坎爲月離爲日日月麗天也

集解

百穀草木麗乎地

震爲百穀巽爲草木坤爲地乾二五之坤
成坎震體屯屯者盈也盈天地之間者唯
萬物萬物出震故百穀草木麗乎地集解
重明以麗乎正乃化成天下

兩象故重明正謂五陽陽變之坤來化乾
以成萬物謂离日化成天下也集解

柔麗乎中正故亨

柔謂五陰中正謂五伏陽出在坤中畜牝

牛故中正而亨也

集解

象曰明兩作離

兩謂日與月也乾五之坤成坎坤二之乾成離離坎日月之象故明兩作離作成也日月在天動成萬物故稱作矣或以日與火爲明兩作也

集解

大人以繼明照于四方

陽氣稱大人則乾五大人也乾二五之光繼日之明坤爲方二五之坤震東兌西離南坎北故曰照于四方

集解

戚嗟若吉

坎爲心震爲聲兌爲口故戚嗟若動而得

正尊麗陽故吉也

集解

上九王用出征有嘉折首獲匪其醜无咎

王謂乾乾二五之坤成坎體師象震爲出

故王用出征

案謂下疑有乾字

坤二五來折

乾故有嘉折首醜類也乾征得坤陰類乾

陽物故獲非其醜无咎矣

集解四庫全書卷一百一十五

象曰王用出征以正邦也

乾五出征坤故正邦也

集解

漢學堂

逸書考

虞翻易注

甘泉黃奭學

下經

咸

咸亨利貞取女吉

咸感也坤三之上成女乾上之三成男乾坤氣交以相與止而說男下女故通利貞

取女吉

集解

聖人感人心而天下和平

乾爲聖人初四易位成旣濟坎爲心爲平

虞翻易注

下三

故聖人感人心而天下和平此保合太和

品物流形也

集解

觀其所感而天地萬物之情可見矣

謂四之初以離日見天坎月見地縣象著

明萬物見離故天地萬物之情可見也

集解

君子以虛受人

君子謂否乾乾爲人坤爲虛謂坤虛三受

上故以虛受人艮山在地下爲謙在澤下

爲虛

集解

■

類餘引否乾爲人坤爲虛坤

象

初六成其母象曰咸其母志在外也

古母通

母足六指也艮爲指坤爲母故咸其母失

位遠應之得正故志在外謂四也

集解漢

上易傳節引

九三咸其股執其隨吝象曰咸其股亦不

隨也志在隨人所執下也

巽爲股謂二也巽爲隨艮爲手故稱執三

應於上初四已變厯險故往吝巽爲處女

也男已下女以艮陽人兌陰故不處也凡

虞翻易注

士與女未用

案用疑作應毛本亦作應

皆稱處矣

案未用

處或猶處士處文之謂

志在於二故所執下也

集解

四貞吉悔亡憧憧往來朋從爾思

失位悔也應初動得正故貞吉而悔亡矣

憧憧懷思慮也之內為來之外為往欲感

上隔五感初隔三故憧憧往來矣兌為朋

少女也艮初變之四坎心為思故曰朋從

爾思也

集解海撮要義

貞吉悔亡未感害也

坤為害也今未感坤初體遯弑父故曰未

感害也集解

憧憧往來未光大也

未動之離故未光大也集解

九五咸其脢无悔象旨脢虞謂脊肉

脢夾脊肉也案漢上易傳引此句夾作背謂四已變坎

為脊故咸其脢得正故无悔集解

上六咸其輔頰舌案輔集解作輔今從釋文下同

耳目之間稱輔頰四變案變下疑為目坎

為耳兌為口舌故曰咸其輔頰舌

集解

象曰咸其輔頰舌腭口說也

象旨輔虞氏作

腭送也不得之三山澤通氣故腭口說也

集解

戴埴鼠璞引首句

案釋文六腭

虞

作腭

晁

氏項氏俱云

虞作

騰說見鄭氏

氏

耳

咸

無咎元咎利貞

二人也與益旁通乾初之坤四剛柔皆應

咸通无咎利貞矣

集解

利有攸往

初利往之四終變成益則初四二五皆得其正終則有始故利有攸往也

集解

天地之道恒久而不已也

泰乾坤爲天地謂終則復始有親則可久

也

集解

日月得天而能久照

動初成乾爲天至二離爲日至三坎爲月

故日月得天而能久照也

集解

四時變化而能久成

春夏爲變秋冬爲化變至二離夏至三兌

秋至四震春至五坎冬至

案此至字衍毛本無

故四

時變化而能久成謂乾坤成始也

集解

聖人久於其道而天下化成

聖人謂乾乾爲道初二已至四五復位成

既濟定乾道變化各正性命有兩離象重

明麗正故化成天下

集解

其所恒而天地萬物之情可見矣

以離日照乾坎月照坤萬物生故天地
萬物之情可見矣與咸同義也
君子以立不易方

君子謂乾三也乾爲易爲立坤爲方乾初
之坤四三正不動故立不易方也

集解
坤爲方

象曰浚恒之凶始求深也

浚深也初下稱浚故曰浚恒乾初爲淵故
深矣失位變之正乾爲始故曰始求深也

集解

九二悔亡

失位悔也動而得正處中多譽故悔亡也

集解

九四田无禽象曰久非其位安得禽也

田謂二也地上稱田无禽謂五也九四失位利二上之五已變承之故曰田无禽二五皆非其位故象曰久非其位安得禽也

集解

六五恒其德貞婦人吉夫子凶

動正成乾故恒其德婦人謂初巽爲婦
變成益震四復初婦得歸陽從一而終以
貞婦人吉也震乾之子而爲巽夫故曰夫
子終變成益震四從巽死於坤中故夫子
凶也

集解

象曰婦人貞吉從一而終也

一謂初終變成益以巽應初震故從一而

終也

集解

夫子制義從婦凶也

震沒從巽入坤故從婦凶矣

集解

上六震恒凶象曰震恒在上大无功也

震動也

疑

在震上故震恒五動乘陽故凶

終在三益上五遠應

乘應下疑有二字

故无功也

一作

三遠應故无

功也

集解

遯

遯亨

陰消姤二出三入為遯為遠遠山

入藏故遯以遯為遠小人道長

避之乃通故遯而通則當位而應與時行

也

集解

小利貞

小陰謂二得位浸長以柔變剛故小利貞

集解

剛當位而應與時行也

剛謂五而應

案應下疑有謂字

二艮爲時故與時

行矣

集解

君子以遠小人而惡而嚴

君子謂乾乾爲遠爲嚴小人謂陰坤爲惡

爲小人故以遠小人不惡而嚴也

集解

象曰遯尾之厲不往何災也

艮爲尾也初失位動而得正故遯尾厲之

應成坎爲災在艮宜靜若不往於四則无

災矣

集解 窺餘引初往之四成坎故止

六二執之用黃牛之革莫之勝說

艮爲手稱執否坤爲黃牛艮爲皮四變之

初則坎水濡皮離日乾之故執之用黃牛

之革莫无也勝能說解也乾為堅剛巽為
繩艮為手持革縛三在坎中故莫之勝說
也

集解

九三係遯有疾厲畜臣妾吉

象旨引三消成坤至兌為妾

厲危也巽為

案為下疑有係字

四變時九三體坎

坎為疾故有疾厲遯陰剝陽三消成坤與

上易位坤為臣兌為妾上來之三據坤應

兌故畜臣妾吉也

集解引坤至兌為妾

畜臣妾吉不可大事也

三動入坤坤爲事故不可大事也

集解

九四好遯君子吉小人否

否乾爲好爲君子陰稱小人動之初故君子吉陰在四多懼故小人否得位承五故

无凶咎矣

集解

九五嘉遯貞吉

乾爲嘉剛當位應二故貞吉謂三已變上

來之三成坎象

案象下疑有故字毛本同

曰以正志也

集解

上九肥遯无不利

乾盈爲肥二不及上故肥遯无不利象曰

无所疑也

集解

大壯

大壯利貞

陽息泰也壯傷也大謂四失位爲陰所乘

兌爲毀折

案折下疑有故字

傷與五易位乃得正

故利貞也

集解

大壯利貞大者正也

謂四進之五乃得正故大者正也

集解

正大而天地之情可見矣

正大謂四之五成需以離日見天坎月見

地故天地之情可見也矣

集解

初九壯于趾征凶有孚

趾謂四征行也震足爲趾爲正初得位四
不征之五故凶坎爲孚謂四上之五成坎

已得應四故有孚

集解

象曰壯于趾其孚窮也

應在乾終故其孚窮也

集解

九二貞吉象曰九二貞吉以中也

變得位故貞吉動體離故以中也

集解

九三小人用壯君子用罔貞厲

應在震也三陽君子小人謂上上逆故用

壯謂二已變離離為罔三乘二故君子用

罔體乾夕惕故貞厲也

集解

羝羊觸藩羸其角

釋文羸虞作羸

九四貞吉悔亡藩決不羸

案羸集解作壯于羸此從釋文

大輦之腹象曰藩決不輟尙往也

失位悔也之五得中故貞吉而悔亡矣體
夬象故藩決震四上處五則藩毀壞故藩
決不輟坤爲大輦爲腹四之五折坤故壯
于大輦之腹而象曰尙往者謂上之五
決讀爲夬決之決晁氏

六五喪羊于易无悔

四動成泰坤爲喪也乾爲易四上之五兌
還屬乾故喪羊于易動各得正而處中和

故无悔矣

集解

上六抵羊觸藩不能退不能遂无攸利艱則

吉

應在三故抵羊觸藩遂進也謂四已之五
體坎上能變之巽巽爲進退故不能退不
能遂退則失位上則乘剛故无攸利坎爲
艱得位應三利上故艱則吉

集解

象曰不能退不能遂不詳也

乾善爲詳不得三應故不詳也

集解

艱則吉咎不長也

巽爲長動失位爲咎不變之巽故咎不長

也

集解

晉

晉康侯用錫馬蕃庶晝日三接

觀四之五晉進也坤爲康康安也初動體

屯震爲侯故曰康侯震爲馬坤爲用故用

錫馬艮爲多坤爲衆故蕃庶離日在上故

晝日三陰在下故三接矣

集解

象曰明出地上晉君子以自照明德

君子謂觀乾乾為德坤為自離為明乾五

動以離日自照故以自照明德也

集解

初六晉如摧如貞吉罔孚裕无咎

晉進摧憂愁也應在四故晉如失位故摧

如動得位

案位義海作時

故貞吉應離為罔曰

案

字疑誤

坎稱孚坤弱為裕欲四之五成巽初

受其命故无咎也

集解

象旨

義海撮要節引

應離為罔

案

象曰晉如摧如獨行正也

初動震爲行初一稱獨也

集解

裕无咎未受命也

五未之巽故未受命也

集解

六二晉如愁如貞吉

震爲應在坎上故愁如得位處中故貞吉

也

集解

受茲介福于其王母

乾爲介福艮爲手坤爲虛故稱受介大也
謂五已正中乾爲王坤爲母故受茲介福

子其王母

集解

六三衆允悔亡

坤爲衆允信也土性信故衆允三失正與
上易位則悔亡故象曰上行也

案此下疑有脫誤

此則成小過小過故有飛鳥之象焉曰杵
之利見碩鼠出入坎穴蓋取諸此也

集解義

海撮要
節引

象曰衆允之志上行也

坎爲志三之上成震故曰上行也

集解

矢得勿恤

釋文失虞本作矢云古誓字
旨虞作矢

象曰矢得勿恤往有慶也

動之乾乾為慶也矢古誓字誓信也勿无

卹憂也五變得正坎象不見故誓得勿卹

往有慶也

集解

上九晉其角

五已變之乾為首位在首上稱角故晉其

角也

集解象旨虞翻等說謂角剛居上

用伐邑厲吉无咎貞吝

象旨引注坤為邑

坤爲邑動成震而體師象坎爲心故維用
伐邑得位乘五故厲吉无咎而貞吝矣

集解

明夷

明夷

夷傷也臨二之三而反晉也明入地中故

傷矣

集解

利艱貞

謂五也五失位變出成坎爲艱故利艱貞

矣

集解

內文明而外柔順以蒙大難文王以之

以用也三喻文王大難謂坤坤爲弑父迷
亂荒淫若紂殺比干三幽坎中象文王之
拘羑里震爲諸侯喻從文王者紂懼出之
故以蒙大難得身全矣

集解

利艱貞晦其明也內難而能正其志箕子以
之

箕子紂諸父故稱內難五乾天位今化爲
坤箕子之象坤爲晦箕子正之出五成坎

體離重明麗正坎爲志故正其志箕子以

之而紂奴之矣

集解

彖曰明入地中明夷君子以莅衆用晦而明而如也君子謂三體師象以坎莅坤坤爲衆爲晦離爲明故用晦如明也

集解

上六不明晦初登于天後入于地

應在三離滅坤下故不明晦晉時在上麗

乾故登于天照四國今反在下故後入于

地失其則

集解

家人

家人利女貞

遯初之四也女謂離巽二四得正故利女

貞也

集解

男女正天地之大義也

遯乾爲天三動坤爲地男得天正於五女

得地正於二故天地之大義也

集解

父父子子兄弟弟

遯乾爲父艮爲子三五位正故父父子子

三動時震爲兄艮爲弟初位正故兄兄弟

弟

集解

大夫婦婦

三動時震爲夫巽四爲婦初四位正故夫

夫婦婦也

集解

六四富家大吉象曰富家大吉順在位也

三變體艮艮爲篤實坤爲大業得位應初

順五乘三比據三陽故曰富家大吉順在

位也謂順於五矣

集解 義海撮要節引

象曰王假有家交相愛也

乾爲愛也二稱家三動成震五得交二初

得交四故交相愛震爲交也

集解
剋旺駁
交初

上九有孚威如終吉

謂三已變與上易位成坎坎爲孚故有孚

乾爲威如自上之坤故威如易則得位故

終吉也

集解

象曰威如之吉反身之謂也

謂三動坤爲身上之三成既濟定故反身

之謂此家道正正家而天下定矣

集解

睽

睽小事吉

大壯上之三在繫蓋取无妄二之五也小

謂五陰稱小得中應剛故吉

集解

彖曰睽火動而上澤動而下

離火炎上澤水潤下也

集解

二女同居其志不同行

二女離兌也坎爲志離上兌下无妄震爲

行巽爲同艮爲居二五易位震巽象壤故

二女同居其志不同行也

集解

說而麗乎明柔進而上行得中而應乎剛

說兌麗離也明謂乾當言大明以麗於晉

柔謂五无妄巽爲進從二之五故上行剛

謂應乾五伏陽非應二也與鼎五同義也

集解

天地睽而其事同也

五動乾爲天四動坤爲地故天地睽坤爲

事也五動體同人故事同矣

集解

男女睽而其志通也

四動艮爲男兌爲女故男女睽坎爲志爲

通故其志通也

集解

萬物睽而其事類也

四動萬物出乎震區以別矣故萬物睽坤

爲事爲類故其事類也

集解

初九悔亡喪馬勿逐自復見惡人无咎象曰

見惡人以避咎也

象旨復謂四變則至震爲逐上乃艮故勿逐

无應悔也四動得位故悔亡應在于坎坎

爲馬四而

案而字疑衍

失位之正入坤坤爲喪

坎象不見故喪馬震爲逐艮爲止故勿逐

坤爲自二至五體復象故曰復四動震馬

來故勿逐自復也離爲見惡人謂四動入

坤初四復正故見惡人以避咎矣

集解

九二遇主于巷无咎

二動體震震爲主爲大塗艮爲徑路大道

而有徑路故稱巷變而得正故无咎而未

失道也

集解

子曰遇主于巷未失道也

動得正故未失道

集解

六三見輿曳其牛掣

離爲見坎爲車爲曳故見輿曳四動坤爲

牛爲類牛角一低一仰故稱掣離上而坎

下其牛掣也

集解

其人天且劓无初有終

其人謂四惡人也黥額爲天

晁氏引云劓鑿其額曰天

割剝爲鼻无妄乾爲天震二之乾五以陰
墨其天乾五之震二毀其鼻也兌爲
刑人故其人天且剝失位動得正成乾故
无初有終象曰遇剛是其義也

集解

象曰見輿曳位不當也无初有終遇剛也

動正成乾故遇剛

集解

九四睽孤遇元夫交孚厲无咎

孤顧也在兩陰間睽五顧三故曰睽孤震
爲元夫謂二已變動而應震故遇元大也

震爲交坎爲孚動而得正故交孚厲无咎

矣

集解 晁氏引首句

象曰交孚无咎志行也

坎動成震故志行也

集解

六五悔亡厥宗噬膚往何咎象曰厥宗噬膚往有慶也

往得位悔亡也動而之乾乾爲宗二體噬
嗑故曰噬四變時艮爲膚故曰厥宗噬膚
也變得正成乾乾爲慶故往无咎而有慶

矣

集解

上九睽孤見豕負塗載鬼一車

睽三顧五故曰睽孤也離爲見坎爲豕爲
雨四變時坤爲土土得雨爲泥塗四動艮
爲背豕背有泥故見豕負塗矣坤爲鬼坎
爲車變在坎上故載鬼一車也

集解

先張之弧後說之壺

晁氏云說音稅

謂五已變乾爲先應在三坎爲弧離爲矢
張弓之象也故先張之弧四動震爲後說

猶置也兌爲口離爲大腹坤爲器大腹
口坎酒在中壺之象也之應歷險以與
故後說之壺矣集解象旨引之應至
匪寇婚媾往遇雨則吉

匪非坎爲寇之三歷坎故匪寇陰陽相應
故婚媾三在坎下故遇雨與上易位坎象
不見各得其正故則吉也集解

象曰遇雨之吉羣疑亡也

物三稱羣坎爲疑三變坎敗故羣疑亡矣

集解

蹇

蹇利西南

觀上反三也坤西南卦五在坤中坎為月
月生西南故利西南往得中謂西南得朋

也

集解

象旨引西

至未

不利東北

象旨引注艮東北之卦至未

謂三也艮東北之卦月消於艮喪乙滅癸

故不利東北其道窮也則東北喪朋矣

集解

利見大人

離爲見大人謂五二得位應五故利見大

人往有功也

集解 義海
撮要節引

貞吉

謂五當位正邦故貞吉也

集解

彖曰蹇難也險在前也見險而能止知矣哉

離見坎險艮爲止觀乾爲知故知矣哉

集解

利見大人往有功也

大人謂五二往應五五多功故往有功也

集解
義海
撮要節引

蹇之時用大矣哉

謂坎月生西南而終東北震象出庚兌象
見丁乾象盈甲巽象退辛艮象消丙坤象
窮丁喪滅於癸終則復始以生萬物故用

太矣

集解

君子以反身脩德

君子謂觀乾坤爲身觀上反三故反身陽
在三進德脩業故以反身脩德孔子曰

之不脩是吾憂也

集解

初六往蹇來譽

譽謂二二多譽也失位應陰往歷坎險故

往蹇變而得位以陽承

案承疑作比

二故來而

譽矣

集解

象曰往蹇來譽宜待時也

艮爲時謂變之正以待四也

集解

六二王臣蹇蹇匪躬之故

觀乾爲王坤爲臣爲躬坎爲蹇也之應涉

坤二五俱坎故王臣蹇蹇觀上之三折坤之體臣道得正故匪躬之故象曰終无尤

也

集解

九三往蹇來反

應正歷險故往蹇反身據二故來反也

集解

象曰往蹇來反內喜之也

內謂二陰也

集解

六四往蹇來連

連輦蹇難也在兩坎間進則无應故往蹇

退初介三故來連也

集解

九五大蹇朋來

當位正邦故大蹇睽兌爲朋故朋來也

集解

上六往蹇來碩吉利見大人

陰在險上變失位故往蹇碩謂二艮爲碩

退來之三故來碩得位有應故吉也離爲

見大人謂五故利見大人矣

集解

解

解利西南

臨初之四坤西南卦初之四得坤衆故利

西南往得衆也

集解

无所往其來復吉

象曰虞翻主四反釋來

謂四本從初之四失位於外而无所應故

无所往宜來反初復得正位故其來復吉

也二往之五四來之初成屯體復象故稱

來復吉矣

集解

有攸往夙吉

謂二也夙早也離爲日爲甲日出甲上故

早也九二失正早往之五則吉故有能

夙吉往有功也

集解

彖曰解險以動動而免乎險解

險坎動震解二月雷以動之雨以潤之

咸孚甲萬物生震震出險上故免乎險

集解

象曰雷雨作解君子以赦過宥罪

君子謂三伏陽出成大過坎爲罪入則
過象壞故以赦過二四失位皆在坎獄中

三出體乾兩坎不見震喜兌悅罪人皆出
故以宥罪謂三入則赦過出則宥罪公用

射隼以解悖是其義也

集解

初六无咎

與四易位體震得正故无咎也

集解

象曰剛柔之際義无咎也

體屯初震剛柔始交故无咎也

集解

九二田獲三狐得黃矢貞吉

一稱田田獵也變之正艮爲狐坎爲弓獲

為黃矢矢貫狐體二之五歷三爻故田獲

三狐得黃矢之正得中故貞吉

集解 互艮為狐又互三

象曰九二貞吉得中道也

動得正故得中道

集解

六三負且乘

負倍也二變時艮為背謂三以四艮倍五

也五來寇二時坤為車三在坤上故負且

乘小人而乘君子之器故象曰亦可醜也

集解

致寇至貞吝

五之二成坎坎爲寇盜上位慢五下暴於
二慢藏悔盜故致寇至貞吝象曰自我致

戎又誰咎也

集解

象曰貞且乘亦可醜也自我致戎又誰咎也

臨坤爲醜也坤爲自我以離兵伐三故輿

寇爲戎艮手招盜故誰咎也

集解

凡四解而母朋子期字

二動時艮爲指四變之坤爲母故解

臨兌爲朋坎爲孚四陽從初故朋至斯孚

矣

集解

六五君子惟有解吉有孚于小人

君子謂二之五得正成坎坎爲心故君子
惟有解吉小人謂五陰爲小人君子升位
則小人退在二故有孚于小人坎爲孚也

集解

象曰君子有解小人退也

二陽上之五五陰小人退之二也

集解

上六公用射隼于高墉之上獲之无不利

上應在三公謂三伏陽也離爲隼三失位
動出成乾貫隼入大過死象故公用射隼
于高墉之上獲之无不利也

集解

象曰公用射隼以解悖也

坎爲悖三山成乾而坎象壞故解悖也

集解

損

象旨虞翻謂自泰來

有孚元吉无咎可貞利有攸往

泰初之上損下益上以據二陰故有孚

吉无咎艮男居上兌女在下男女位正故

可貞利有攸往矣

集解

二簋應有時

時謂春秋也損二之五震二月益正月春

也損七月

兌八謂春秋也

謂春秋祭祀以時思之艮

爲時震爲應故應有時也

集解 窺餘引艮爲時至未

損剛益柔有時

謂冬夏也二五已易成益坤爲柔謂損益

上之三成既濟坎冬離夏故損剛益柔有

時集
解

損益盈虛與時偕行

乾爲盈坤爲虛損剛益柔故損益盈虛謂
泰初之上損二之五益上之三變通趨時

故與時偕行

集
解

象曰山下有澤損君子以徵忿窒欲

君子泰乾乾陽剛武爲忿坤陰吝嗇爲欲
損乾之初成兌說故徵忿初上據坤艮爲

山故窒欲也

集
解

初九祀事遄往

釋文丙子學易編同

无咎酌損之

祀祭祀坤爲事謂二也遄速酌取也二

正初利二速往合志於正

案正疑作五

得正

咎已得之應故遄往无咎酌損之象曰

合志也祀舊作已也

集解

象曰祀事遄往上合志也

終成既濟謂二上合志於五也

集解

九二利貞征凶弗損益之

失位當之正故利貞征行也震爲征失正

毀折故不征之五則凶二之五成益小損

大益故弗損益之矣

集解

象曰九二利貞中以爲志也

動體離中故爲志也

集解

六三三人行則損一人

泰乾三爻爲三人震爲行故三人行損

之上故則損一人

集解

一人行則得其友

一人謂泰初之上損剛益柔故一人行

爲友初之上據坤應兌故則得其友言致

一也

集解象旨引上據坤應兌之二兌爲友故稱得友

彖曰一人行三則疑也

坎爲疑上三益三成坎故三則疑

集解

六四損其疾使遄有喜无咎

四謂二也四得位遠應初二疾上五已得

承之謂二之五三上復坎爲疾也陽在五

稱喜故損其疾使遄有喜二上體觀得正

承五故无咎矣

集

翻謂疾二

象曰損其疾亦可喜也

二上之五體大觀象故可喜也

集解

六五或益之十朋之龜弗克違元吉

象旨引坤數十

謂二五已變成益故或益之坤數十兌爲

朋三上失位三動離爲龜十謂神靈攝寶

文筮山澤水火之龜也故十朋之龜三益

易位成既濟故弗克違元吉矣

集解

上九弗損益之无咎貞吉

損上益三也上失正之三得位故弗損

之无咎貞吉動成既濟故大得志

集解

利有攸往得臣无家

謂三往之上故利有攸往二五已動成益
坤爲臣三變據坤成家人故曰得臣動而
應三成既濟則家人壞故曰无家

集解

象曰弗損益之大得志也

謂二五已變上下益三成既濟定離坎體

正故大得志

集解

益

益利有攸往

否上之初也損上益下其道大光二利往

坎應五故利有攸往中正有應也

集解

利涉大川

謂三失正動成坎體渙坎爲大川故利涉

大川渙舟楫象木道乃行也

集解

民說无疆

上之初坤爲无疆震爲喜笑以貴下賤大

得民故說无疆矣

集解

自上下下其道大光

乾爲大明以乾照坤故其道大光或以上

之三離爲大光矣

集解 窺餘引上三句
易則震有離

利有攸往中正有慶

中正謂五而二應之乾爲慶也

集解

利涉大川木道乃行

謂三動成渙渙舟楫象巽木得水故木道

乃行也

集解

益動而巽日進无疆

震三動爲離離爲日巽爲進坤爲疆日與巽俱進故日進无疆也

集解

天施地生其益无方

乾下之坤震爲出生萬物出震故天施地生陽在坤初爲无方日進无疆故其益无

方也

集解

凡益之道與時偕行

上來益三四時象正艮爲時震爲行與損

同義故與時偕行也

集解

蒙曰風雷益君子以見善則遷有過則改

君子謂乾也上之三離為見乾為善坤為

過坤三進之乾四故見善則遷乾上之坤

初改坤之過體復象復以自知故有過則

改也

集解

初九利用為大作元吉无咎

象旨虞翻本繫辭以為未起震

大作謂耕播耒耨之利蓋取諸此也坤為

用乾為大震為作故利用為大作體復初

得正朋來无咎故元吉无咎震三月卦日

中星鳥敬授民時故以耕播也

集解

六二或益之十朋之龜弗克違永貞吉

謂上從外來益也故或益之二得正遠應
利三之正己得承之坤數十損兌爲朋謂
三變離爲龜故十朋之龜坤爲永上之三
得正故永貞吉

集解

王用享于帝吉

震稱帝王謂五否乾爲王體觀象艮爲宗
廟三變折坤牛體噬嗑食故王用享于帝

得位故吉

集解

象旨虞翻謂士為五

象曰或益之自外來也

就上稱外來益三

案三疑作初

也

集解

益之用凶事无咎

坤為事三多凶上來益三得正故益用凶

事无咎

集解

有孚中行告公用圭

象旨虞翻謂三伏陽為公又云虞翻以乾為圭

公謂三伏陽也三動體坎故有孚震為中

行為告位在中故曰中行三公位乾為圭

乾之三故告公用圭圭桓圭也

集解

象曰益用凶事固有之矣

三上失正當變是固有之

集解

六四中行告公從

中行謂震位在中震為行為從故曰中行

公謂三三上失位四利三之正已得以為

實故曰告公從矣

集解

利用為依遷邦

坤為邦遷從也

案從疑作徙下句坤從疑作坤徙

三動坤

從故利用爲依遷邦也

集解

象曰告公從以益志也

坎爲志三之上

案上疑作正

有兩坎象故以益

志也

集解

九五有孚惠心勿問元吉

謂三上也震爲問三上易位三五體坎已

成既濟坎爲心故有孚惠心勿問元吉象

曰勿問之矣

集解

有孚惠我德

坤爲我乾爲德三之上體坎爲孚故惠我

德象曰大德志

集解

上九莫益之

莫无也自非上无益初者唯上當无應故

莫益之矣

集解

或擊之

謂上不益初則以剝滅爲爲手故或擊

之

集解

立心勿復凶

上體巽爲進退故勿恒動成坎心以

陽故立心勿恒凶矣

集解

象曰莫益之徧辭也

象旨徧虞作徧

徧周帀也三體剛凶故至上應乃益之

集解

或擊之自外來也

外謂上上來之三故曰自外來也

集解

夬

夬揚于王庭

陽決陰息卦也剛決柔與剝旁通乾爲陽
爲王剝艮爲庭故揚于王庭矣

集解剝旁通乾引大
剝旁通有艮體艮爲
庭

孚號有厲

陽在二五稱孚孚謂五也二失位動體巽

巽爲號離爲光不變則危故孚號有厲其

危乃光也

集解

告自邑不利卽戎

陽息動復剛長成夬震爲告坤爲自邑夬
從復升坤逆在上民衆消滅二變時離爲

我故不利卽我所尙乃窮也

集解

利有攸往

陽息陰消君子道長故利有攸往剛長乃

終

集解

彖曰夬決也剛決柔也

乾決坤也

集解

健而說決而和

健乾說兌也以乾陽獲陰之和故決而和

也

集解

利有攸往剛長乃終也

乾體大成以決小人終乾之剛故乃以終

也

集解

君子以施祿及下居德則忌

君子謂乾乾爲施祿下謂剝坤坤爲衆臣

以乾應坤故施祿及下乾爲德艮爲居故

居德則忌陽極陰生謂陽忌陰

集解

初九壯于前趾往不勝爲咎

夬變大壯大壯震爲趾位在前故壯于前

剛以應剛不能克之往如失位故往不勝

爲咎

集解

象曰不勝而往咎也

往失位應陽故咎矣

集解

九二惕號莫夜有戎勿恤

晁氏云號音号下同

惕懼也二失位故惕變成巽故號剝坤爲

莫夜二動成離離爲戎變而得正故有戎

四變成坎坎爲憂坎又得正故勿恤謂成

既濟定也

集解

象曰有戎勿恤得中道也

動得正應五故得中道

集解

九四臀无膚其行次且

二四已變坎爲臀剥艮爲膚毀滅不見故
臀无膚大川震爲行坎爲破爲曳故其行

次且

集解

牽羊悔亡聞言不信

兌爲羊二變巽爲繩剥艮手持繩故牽羊
謂四之正得位承五故悔亡震爲言坎爲

耳震坎象不正故聞言不信也

集解

象曰其行次且位不當也聞言不信聰不明也

坎耳離目折入於兌故聰不明矣

集解 象旨引折入兌故聰不明

九五覓陸夬夬中行无咎

象旨 覓虞作莞爾之莞陸作睦

覓說也覓讀夫子覓爾而笑之覓陸和睦

也震爲笑言五得正位兌爲說故覓陸夬

夬大壯震爲行五在上中動而得正故中

行无咎舊讀言覓陸字之誤也馬君荀氏

皆從俗言莧陸非也

集解案莧古莞字見論語釋文今本依

唐石經作莞廣雅云莧笑也字又疑艸從兒陸古陸字見隸釋趙氏輯聞引兒云莧黃史氏學齋佔畢又引作莧蕒也陸商也俱非是今釋文亦有誤者晁氏改陸作陸云和也莧蕒也陸商也亦非

象曰中行无咎中未光也

在坎陰中故未光也

集解

上六无號終有凶

應在於三三動時體兵兵爲號令四已變坎之應歷險與象不見故无號位極乘陽

故終有凶矣

集解 窺餘引上應在
三三動體與與爲號

象曰无號之凶終不可長也

陰道消滅故不可長也

集解

姤

姤女壯

消卦也與復旁通與長女女壯傷也陰傷

陽柔消剛故女壯也

集解

勿用取女

陰息剝陽以柔變剛故勿用取女不可與

長也

集解

后以施命誥四方

后繼體之君姤陰在下故稱后與泰稱后同義也乾爲施巽爲命爲誥復震二月東方姤五月南方巽八月西方復十一月北方皆總在初故以誥四方也孔子行夏之時經用周家之月夫子傳彖象以下皆用夏家月是故復爲十一月子姤爲五月矣

集解 象旨引震東姤南巽西復北皆總在初

初六繫于金柅貞吉

柅謂二也巽爲繩故繫柅乾爲金巽木入金柅之象也初四失正易位乃吉故貞吉矣

集解

有攸往見凶羸豕孚蹢躅

以陰消陽往謂成坤遯子弑父否臣弑君
夬時三動離爲見故有攸往見凶矣三夬
之四在夬動而體坎坎爲豕爲孚巽繩操
之故稱羸也巽爲舞爲進退操而舞故羸
豕孚蹢躅以喻姤女望於五陽如豕蹢躅

也集解

象曰繫于金柅柔道牽也

陰道柔巽爲繩牽於二也集解

九二包有魚无咎不利賓

巽爲白茅在中稱包詩云白茅包之案釋文引

詩包魚謂初陰巽爲魚二雖失位陰陽相作苞

承故包有魚无咎賓謂四乾尊稱賓二據

四應故不利賓或以包爲庖厨也集解義海撮

要節引窺餘云包裏也裏而有之與苞同義故虞仲翔引白茅包之爲證

九三臀无膚其行次且厲无大咎

夬時動之坎爲臀艮爲膚二折艮體故臀
无膚復震爲行其象不正故其行次且三
得正位雖則危厲故无大咎矣

集解

象曰其行次且行未牽也

在夬失位故牽羊在姤得正故未牽也

集解

九五以杞苞瓜含章

玩辭云苞字與子夏本同

杞杞柳本名也吳爲杞爲苞乾圓稱瓜故
以杞苞瓜矣含章謂五也五欲使初四易

位以陰含陽已得乘之故曰含章初之四

體兌口故稱含也

集解

有隕自天

隕落也乾爲天謂四隕之初初上承五故

有隕自天矣

集解

象曰九五含章中正也有隕自天志不舍命也

巽爲命也欲初之四承已故不舍命矣

集解

上九姤其角吝无咎

乾為首位在首上故稱角動而得正故元

咎

集解

萃

萃

釋文云无亨字

王假有廟

象旨萃有二亨馬鄭陸績虞翻作衍文

觀上之四也觀乾為王假至也艮為廟體

觀享祀上之四故假有廟致孝享矣

集解

利見大人亨利貞

大人謂五三四失位利之正變成離離為

見故利見大人亨利貞聚以正也

集解

用大牲吉利有攸往

坤爲牛故曰大牲四之三也坤得正故用大牲吉三往之四故利有攸往順天命也

集解

致孝享也

享享祀也五至初有觀象謂享坤牛故致

孝享矣

集解

利見大人亨聚以正也

坤爲聚坤三之四故聚以正也

集解

用大牲吉利有攸往順天命也

坤爲順巽爲命三往之四故順天命也

集解

觀其所聚而天地萬物之情可見矣

三四易位成離坎坎月離日日以見天月

以見地故天地之情可見矣與大壯咸恒

同義也

集解

君子以除戎器戒不虞

君子謂五除脩戎兵也詩曰脩爾車馬弓

矢戎兵陽在三四爲脩坤爲器三四之正

離爲戎兵甲冑飛矢坎爲弓弧巽爲繩艮
爲石謂敕甲冑鍛厲矛矢故除戎器也坎
爲寇坤爲亂故戒不虞也

集解
子貢曰虞義爲

初六有孚不終乃亂乃萃

孚謂五也初四易位五坎中故有孚失正
當變坤爲終故不終萃聚也坤爲亂爲聚
故乃亂乃萃失位不變則相聚爲亂故象

曰其志亂也

集解

若號一握爲笑勿恤往无咎

巽爲號艮爲手初稱一故一握初動成震
震爲笑四動成坎坎爲恤故若號一握爲
笑勿恤初之四得正故往无咎矣集解號號

令

晁氏

象曰乃亂乃萃其志亂也

坎爲志初

案初下疑有不字

之四其志亂也

集解

六二引吉无咎

應巽爲繩艮爲手故引吉得正應五故无

咎利引四之初使避己己得之五也

集解

孚乃利用禴

孚謂五禴夏祭也體觀象故利用禴四之

三故用大牲離爲夏故禴祭詩曰禴祭

嘗是其義

集解

象曰引吉无咎中未變也

二得正故不變也

集解

六三萃如嗟如无攸利往无咎小吝

此爲萃嗟萃如巽爲號故嗟如失正故

攸利動得位故往无咎小吝謂往之四

彖曰往无咎上巽也

動之四故上巽

集解

九四大吉无咎彖曰大吉无咎位不當也

以陽居陰故位不當動而得正承五應初

故大吉而无咎矣

集解

義

九五萃有位无咎匪孚元永貞悔亡

得位居中故有位无咎匪孚謂四也四變

之正則五體皆正故元永貞與比彖同義

四動之初故悔亡

集解

象曰萃有位志未光也

湯在坎中故志未光與屯五同義

集解

象曰齋資涕洟无咎

象旨咨虞翻作資

齋持資賻也貨財喪稱賻自目曰涕自鼻

稱淚坤為財巽為進故齋資也三之四體

離坎艮為鼻涕淚流鼻目故涕洟得位應

三故无咎上體大過死象故有齋資涕洟

之哀

集解 引首句

象曰齋資涕洟未安上也

乘剛遠應故未安上也

集解

升

升元亨

臨初之三又有臨象剛中而應故元亨也

集解

用見大人勿恤

謂二當之五爲大人離爲見坎爲恤二之

五得正故用見大人勿恤有慶也

集解

南征吉

離南方卦二之五成離故南征吉志行也

集解象旨引言五成離故南征去

彖曰柔以時升

象旨虞氏以四時明之其言三升以為坎離當冬夏

柔謂五坤也升謂二坤邑无君二當升五

虛震兌為春秋二升坎離為冬夏四時象

正故柔以時升也

集解

南征吉志行也

二之五坎為志震為行

集解

君子以慎德積小以成高大

象旨順虞翻作慎

君子謂三小謂陽息復時復小爲德之本
至二成臨臨者大也臨初之二三巽爲高二
之五艮爲慎坤爲積故慎德積小成高大
集解

九二孚乃利用禴无咎

禴夏祭也孚謂二之五成坎爲孚離爲夏
故乃利用禴无咎矣
集解

象曰九二之孚有喜也

升五得位故有喜

集解

象曰升虛邑无所疑也

坎為疑上得中故无所疑也

集解

六五貞吉升階

二之五故貞吉巽為高坤為土震升高故

升階也

集解

會通節引

窺餘引巽為

困

困亨

否二之上乾坤交故通也

集解

貞大人吉无咎

貞大人吉謂五也在困无應宜靜則无咎

故貞大人吉无咎

集解 撮要節引

有言不信

震爲言折入兌故有言不信尙口乃窮

集解

剛弇也

釋文揜虞作弇

有言不信尙口乃窮也

兌爲口上變口滅故尙口乃窮

集解 餘無首句

君子以致命遂志

君子謂三伏陽也否坤爲致巽爲命坎爲

志三入陰中故致命遂志也

集解

六三困于石據于蒺藜

二變正時三在艮山下故困于石蒺藜木

名坎爲蒺藜二變艮手據坎故據蒺藜者

也

集解

入于其宮不見其妻凶

巽爲入二動艮爲宮兌爲妻謂上无應也

三在陰下離象毀壞隱在坤中死其將至

故不見其妻凶也

集解

九四來茶茶困于金輦吝有終

來欲之初茶茶舒遲也見險故來茶茶否

乾爲金坤爲輦之應歷險故困于金輦易

位得正故吝有終矣

集解 窺餘引歷坎困之象蓋約舉其義

九五劓刖困于赤紱

割鼻曰劓斷足曰刖四動時震爲足艮爲

鼻離爲兵兌爲刑故劓刖也赤紱謂二否

乾爲朱故赤坤爲紱二未變應五故困于

赤紱也

集解 窺餘引兌爲刑劓刖之象

乃徐有說

兌為說坤為徐二動應已故乃徐有說也

集解

上六困于葛藟于臲臲

與為草莽稱葛藟謂三以兌為刑人故困

于葛藟于臲臲

集解 會通象占節引
須餘引與為草為葛藟之象

曰動悔有悔征吉

乘陽故動悔變而失正故有悔三已變正

已得應之故征吉也

集解

象曰困于葛藟未當也

謂三未變當位應上故也

集解

動悔有悔吉行也

行謂三變乃得當位之應故吉行者也

集解

井

井改邑不改井

泰初之五也坤爲邑乾初之五折坤故改

邑初爲舊井四應螯之故不改井

集解

无喪无得往來井井

无喪

案此句疑作坤爲喪

泰初之五坤象毀壞故无

喪五來之初失位无應故无得坎爲通故

往來井井往謂之五來謂之初也

集解

汔至亦未繙井

巽繩爲繙汔幾也謂二也幾至初改

案改疑作

故未繙井未有功也

集解

羸其瓶凶

羸鈎羅也艮爲手巽爲繙離爲瓶手繙折

其中故羸其瓶體兌毀缺瓶缺漏故凶矣

集解

井養而不窮也

兌口飲水坎爲通往來井井故養不窮也

集解

未有功也

謂二未變應五故未有功也

集解

君子以勞民勸相

君子謂泰乾也坤爲民初上成坎爲勸故

勞民勸相相助也謂以陽助坤矣

集解

象曰井泥不食下也舊井无禽時舍也

食用也初下稱泥巽爲木

案木疑作不

果无噬

嗑食象下而多泥故不食也乾爲舊位在

陰下故舊井无禽時舍也謂時舍於初非

其位也與乾二同義

集解

九二井谷射鮒甕敝漏

巽爲谷爲鮒鮒小鮮也離爲甕甕瓶毀缺

羸其瓶凶故甕敝漏也

集解

象曰井甃无咎脩井也

脩治也以瓦甃壘井稱贅坤為土初之五

成離離火燒土為瓦治象故曰井贅无咎

脩井也集解■竄餘引以瓦甃壘井為土

九五井冽寒泉食

泉自下出稱井周七月夏之五月陰氣在

下二已變坎十一月為寒泉初二已變體

噬嗑食故冽寒泉食矣集解

上六井收勿幕有孚元吉象旨收虞翻指鹿

幕蓋也收謂以輶蓋收縮也坎為車應吳

一
繩爲繻故井收勿幕有孚謂五坎坎爲孚

故元吉也

集解 義海撮要 漢上易傳俱節引

象曰元吉在上大成也

明初二已變成既濟定故大成也

集解

革

革已日乃孚元亨利貞悔亡

遯上之初與蒙旁通悔亡謂四也四失正

動得位故悔亡離爲日孚謂坎四動體離

正在坎中故已日乃孚以成既濟乾道變

化各正性命保合太和乃利貞故元亨利

貞悔亡矣與乾彖同義也

集解 六經
天文編節引

彖曰革水火相息

息長也離爲火兌爲水繫曰潤之以風雨
風巽雨兌也四革之正坎見故獨於此稱

水也

集解

二女同居其志不相得曰革

二女離兌體同人象蒙艮爲居故二女同
居四變體兩坎象二女有志離火志上兌

水志下故其志不相得坎爲志也

集解

文明以說大亨以正革而當其悔乃亡

文明謂離說兌也大亨謂乾四動成既濟

定故大亨以正革而當位故悔乃亡也

集解

天地革而四時成

謂五位成乾爲天蒙坤爲地震春兌秋四

之正坎冬離夏則四時具坤革而成乾故

天地革而四時成也

集解

湯武革命順乎天而應乎人

湯武謂乾乾爲聖人天謂五人謂三四

順五應三故順天應人巽爲命也

集解

革之時大矣哉

革天地成四時誅二叔除民害天下定武

功成故大矣哉也

集解案此條雅兩堂本作干寶說毛本胡本

並作虞翻未知孰是姑並存之

君子以治歷明時

君子遯乾也歷象謂日月星辰也離爲明

坎爲月離爲日蒙艮爲山四動成坎離日

月得正天地革而四時成故君子以治厯

明時也

集解

象曰輦用黃牛不可以有爲也

得位无應動而必凶故不可以有爲也

集解

象曰已日革之行有嘉也

嘉謂五乾爲嘉四動承五故行有嘉矣

集解

象曰革言三就又何之矣

四動成旣濟定故又何之矣

集解

九四悔亡有孚改命吉

革而當其悔乃亡孚謂五也巽爲命四動
五坎改巽故改命吉四乾爲君進退元氣
在離坎棄體大過死傳以比桀討湯武
命順天應人故改命吉也

彖傳曰改命吉也

象曰改命之吉信志也

四動成坎故信志也

集解

九五大人虎變未占有孚

乾爲大人謂五也蒙坤爲虎變傳論湯武
以坤臣爲君占視也離爲占四未之正五

未在坎故未占有孚也

集解

象曰大人虎變其文炳也

乾爲大明四動成離故其文炳也

集解

上六君子豹變

蒙艮爲君子爲豹變而更故君子致

也

集解

小人革面征凶居貞吉

陰稱小人也面謂四革爲離以順承五離

小人革面乘陽失正故征凶得位故居貞

吉蒙艮爲居也

集解

象曰君子豹變其文蔚也

蔚蔚也兌小故其文蔚也

集解

小人革面順以從君也

乾君謂五也四變順五故順以從君也

集解

鼎

鼎元吉亨

大壯上之初與屯旁通天地交柔進上行

得中應乾五剛故元吉亨也

集解

彖曰鼎象也以木巽火亨飪也

六十四卦皆觀象繫辭而獨于鼎言象何

也象事知器故獨言象也

集解 學 齋佔畢

聖人亨以享上帝而大亨以養聖賢

聖人謂乾初四易位體大畜震爲帝在乾

天上故曰上帝體頤象三動噬嗑食故以

享上帝也大亨謂天地養萬物聖人養賢

以及萬民賢之能者稱聖人矣

集解 餘引初四

易位至上帝

無大畜二字

巽而耳目聰明

謂三也三在巽上動成坎離有兩坎兩離
象乃稱聰明日月相推而明生焉故巽而
耳目聰明眇而視不足以有明聞言不信
聰不明皆有一離一坎象故也

集解

柔進而上行得中而應乎剛是以元亨

柔謂五得上中應乾五剛巽爲進震爲行

非謂應二剛與睽五同義也

集解

君子以正位凝命

君子謂三也鼎五爻失正獨三得位故以

正位凝成也體姤謂

案謂疑作爲

陰始凝初與

爲命故君子以正位凝命也

集解撮要

初六鼎顛趾

趾足也應在四大壯震爲足折入大過大

過顛也故鼎顛趾

集解

利出否得妾以其子无咎

初陰在下故否利出之四故曰利出兌爲

妾四變得正成震震爲長子繼世守宗廟

而為祭主故得妾以其子无咎矣

集解

利出否以從貴也

出初之四承乾五故以從貴也

集解

九二鼎有實我仇有疾不我能即吉

象旨引仇謂三

二為實故鼎有實也坤為我謂四也二據

四婦

案婦漢上易傳止家

故相與為仇謂三變時四

體坎坎為疾故我仇有疾四之二歷險二

動得正故不我能即吉

集解漢上易傳節引

象曰鼎有實慎所之也

二變之正艮爲慎

集解

我仇有疾終无尤也

不我能卽言故終无尤也

集解

九三鼎耳革其行塞雉膏不食

動成兩坎坎爲耳而革在乾故鼎耳革初

四變時震爲行鼎以耳行伏坎震折而入

乾故其行塞離爲雉坎爲膏初四已變三

動體頤頤中无物離象不見故雉膏不食

集解雉膏八珍之一

集行

方雨虧悔終吉

謂四已變三動成坤坤爲方坎爲雨故曰
方雨三動虧乾而失位悔也終復之正故
方雨虧悔終吉也

集解

象曰鼎耳革失其義也

鼎以耳行耳革行塞故失其義也

集解

九四鼎折足覆公餗其刑渥凶

謂四變時震爲足足折入兌故鼎折足爲
爲刑渥大刑也鼎足折則公餗覆言不勝

任象人大過死凶故鼎折足覆公餗其刑

渥凶

集解案刑字今本作形古通用家語屈節解云設於此者刑乎彼頌氏

家訓

名實篇作形於彼呂氏春秋大樂篇

萌芽

始震凝寒以形御覽引作萌芽始厥

疑寒

以刑漢上易傳引此亦作形渥字漢

上易

傳及晁氏並作剗晁氏引虞云剗重

刑也

顏師古漢書叙傳注曰剗餗八珍之

者厚

刑謂重誅也亦與此合

具

釋文

六五鼎黃耳金鉉利貞

離爲黃三變坎爲耳故鼎黃耳鉉謂三貫

鼎兩耳乾爲金故金鉉動而得正故利貞

集解

象旨引二貫鼎兩耳乾爲金

上九鼎玉鉉大吉无不利

鉉謂三乾爲玉鉉體大有上九自天右之
位貴據五三動承上故大吉无不利謂三
虧悔應上成未濟雖不當位六位相應故
剛柔節彖曰巽案巽下疑有而字耳目聰明爲此
九三發也集解

震

震亨震來虩虩

臨二之四天地交故通號號謂四也來應
初初命四變而來應己四失位多懼故號
號之內曰來也

集解

笑言啞啞

啞啞笑且言謂初也得正有則故笑言啞

啞後有則也

集解

震驚百里不喪匕鬯

謂陽從臨二陰爲百二十舉其大數故當
震百里也坎爲棘匕上震爲鬯坤爲喪二

上之坤成震體坎得其匕鬯故不喪匕鬯

也

集解三陽十六陰爲百二十四舉大數也

彖曰震亨震來虩虩恐致福也

懼變承五應初故恐致福也

集解

笑言啞啞後有則也

則法也坎爲則也

集解

震驚百里驚遠而懼邇也

遠謂四近謂初震爲百謂四出驚遠初應

懼近也

集解

出可以守宗廟社稷以爲祭主也

謂五出之正震爲守艮爲宗廟社稷長子

主祭器故以爲祭主也

集解

象曰洊雷震君子以恐懼脩省

君子謂臨二二出之坤四體

案體下疑有復字

以

脩身坤爲身二之四以陽照坤故以恐懼

脩省老子曰脩之身德乃真也

集解

初九震來虩虩後笑言啞啞吉

虩虩謂四也初位在下故後笑言啞啞得

位故吉也

集解

象曰震來虩虩恐致福也

陽爲福

集解

笑言啞啞後有則也

得正故有則也

集解

六二震來厲億

案億漢上易傳引作億云於其反下同

喪貝躋

于九陵勿逐七日得

厲危也乘剛故厲億惜辭也坤爲喪三動

離爲羸蚌故稱貝在艮山下故稱陵震爲

足足乘初九故躋於九陵震爲逐謂四已
體復象故喪貝勿逐三動時離爲日震數
七故七日得者也

集解 窺餘引雖爲震爲蚌貝也 象言引在震
之下故稱隱至是乘初故稱九陵各引四已十字

六三震蘇蘇震行无眚象曰震蘇蘇位不當
也

死而復生稱蘇三死坤中動出得正震爲
生故蘇蘇坎爲眚三出得正坎象不見故
无眚春秋傳曰晉獲秦謀六日而蘇也

集解

九四震遂泥

坤土得雨爲泥位在坎中故遂泥也

集解

彖曰震遂泥未光也

在坎陰中與屯五同義故未光也

集解

六五震往來厲

往謂乘陽來謂應陰失位乘剛故往來厲

也

集解

億无喪有事

坤爲喪也事謂祭祀之事出而體隨王享于西山則可以守宗廟社稷爲祭主故无

喪有事也

集解

象曰震往來厲危行也

乘剛山頂故危行也

集解

其事在中大无喪也

動出得正故无喪

集解

上六震索索視矍矍

上謂四也欲之三隔坎故震索索三已動

應在離故矍矍者也

集解

征凶震不于其躬于其鄰无咎婚媾有言

上得位震爲征故征凶四變時坤爲躬鄰
謂五也四上之五震東京西於稱鄰之五
得正故不于其躬于其鄰无咎謂三已變
上應三震爲言故婚媾有言

集解

象曰震索索中未得也

四未之五故中未得也

集解

雖凶无咎畏鄰戒也

謂五正位已乘之逆畏鄰戒也

集解

良引艮其背注觀坤爲身至故不獲其

艮其背不獲其身行其庭不見其人无咎

觀五之三也艮爲多節故稱背觀坤爲身
觀五之三折坤爲背故艮其背坤象不見
故不獲其身震爲行人艮爲庭坎爲隱伏
故行其庭不見其人三得正故无咎

集解

彖曰艮止也

位窮於上故止也

集解

時止則止時行則行

時止謂上陽窮止故止時行謂二體處震

爲行也

集解

動靜不失其時其道光明

動謂三靜謂上艮止則止震行則行故不

失時五動成離故其道光明

集解

艮其止止其所也

謂兩象各止其所

集解

上下敵應不相與也

艮其背背也兩象相背故不相與也

集解

象曰兼山艮君子以思不出其位

君子謂三也三君子位震爲出坎爲隱伏
爲思故以思不出其位也

集解

初六艮其趾无咎利永貞

震爲趾故艮其趾矣失位變得正故无咎

永貞也

集解

象曰艮其趾未失正也

動而得正故未失正也

集解

二二艮其腓不拯其隨其心不快

震爲趾艮其趾爲趾取也隨謂下二

艮爲止震爲動故不拯其隨坎爲心故其

心不快

集解

象旨虞翻指初爲隨

象曰不拯其隨未遑聽也

坎爲耳故未遑聽也

集解

九三艮其限裂其夤厲闔心

限要帶處也

釋文作限要也

坎爲要五來之三故

艮其限夤脊肉艮爲背坎爲脊艮爲手震

起艮止故裂其夤坎爲心厲危也艮爲闔

闔守門入坎盜動門故厲闔心古闔作熏

字馬因言熏灼其心未聞易道以坎水熏

灼人也荀氏以熏為動讀作動皆非也集

學廣佑畢窺餘引限要帶之處

又引薰虞作閤謂閤心又見象旨

象曰艮其限危闚心也為限

坎為心坎盜動門故危闚心也集

六四艮其身无咎

身腹也觀坤為身故艮其身得位承五故

无咎或謂妊身也五動則四體離婦離為

大腹孕之象也故艮其身得正承五而受

施故无咎詩曰大任有身生此文王也

集解

象曰艮其身止諸躬也

艮為止五動乘四則姤身故止諸躬也

集解

六五艮其輔言有孚悔亡

象旨引艮為止至艮其輔

輔而頰骨上頰車者也三至上體頤象艮

為止在坎車上故艮其輔謂輔車相依震

為言五失位悔也動得正故言有孚悔亡

也

集解 會通節引 窺餘引三至上頤體艮止之艮其輔案所引有脫誤

象曰艮其輔以中正也

五動之中故以正中也

集解

上九敦艮吉

无應靜止下據二陰故敦艮吉也

集解

象曰敦艮之吉以厚終也

坤為厚陽上據坤故以厚終也

集解
餘

漸

漸女歸吉利貞

否三之四女謂四歸嫁也坤三之四示

進得位往有功反成歸妹兌案兌疑作故女歸

吉初上失位故利貞可以正邦也集解

彖曰漸之進也女歸吉也晁氏云无也字

三進四得位陰陽體正故吉也集解

進得位往有功也

功謂五四進承五故往有功巽爲進也集解

進以正可以正邦也其位剛得中也

謂初已變爲家人四進已正而上不正三動成坤爲邦上來反三故進以正可以正

邦其位剛得中與家人道正同義三在外
體之中故稱得中乾文言曰中不在人謂
三也此可謂上變既濟定者也

集解

止而巽動不窮也

止艮也三變震爲動上之三據坤動震成
坎坎爲通故動不窮往來不窮謂之通

集解

象曰山上有木漸君子以居賢德善俗

君子謂否乾乾爲賢德坤陰小人柔弱爲
俗乾四之坤爲艮爲居以陽善陰故以居

賢德善俗也

集解

初六鴻漸于干小子厲有言无咎

鴻大鴈也離五鴻漸進也小水從山流下

稱干艮爲山爲小徑坎水流下山故鴻漸

于干也艮爲小子初失位故厲變得正三

動受上成震震爲言故小子厲有言无咎

也

集解象旨于者虞翻曰小水從山流下之稱又引艮爲山至鴻漸于干也

象曰小子之厲義无咎也

動而得正故義无咎也

集解

六二鴻漸于磐飲食衎衎吉

艮爲山石坎爲聚聚石稱磐初已之正體
噬嗑食坎水陽物並
在頤中故飲食衎衎

得正應五故吉

集解

象曰飲食衎衎不素飽也

素空也承三應五故不素飽

集解

九三鴻漸于陸

高平稱陸謂初已變坎水爲平三動之坤

故鴻漸于陸

集解
爲陸

古象通引三動之坤

夫征不復

謂初已之正三動成震震爲征爲夫而體

復象坎陽死坤中坎象不見故夫征不復

也

集解見也

象旨引三動陽死坤中坎象不

婦孕不育凶

孕妊娠也育生也巽爲婦離爲孕三動

坤離毀失位故婦孕不育凶

集解漢上叢說引象旨引巽爲婦至離毀失

利用禦寇

禦當也坤爲用巽爲高艮爲山離爲戈兵

甲冑坎爲寇自上禦下三動坤順坎象不

見故利用禦寇順相保保大也

集解

象曰夫征不復離羣醜也

坤三爻爲醜物三稱羣也

集解

婦孕不育失其道也

三動離毀陽隕坤中故失其道也

集解

利用禦寇順相保也

三動坤順坎象不見故以順相保也

集解

六四鴻漸于木或得其桷无咎

巽爲木桷椽也方者謂之桷巽爲交爲長
木艮爲小木坎爲脊離爲麗小木麗長木
巽繩束之象脊之形椽桷象也故或得其
桷得位順五故无咎四已承五又顧得三
故或得其桷也矣

集解

象曰或得其桷順以巽也

坤爲順以巽順五

集解

九五鴻漸于陵婦三歲不孕

陵上婦謂四也三動受上時而四體半艮

山故稱陵巽為婦離為孕坎為歲三動離

壞故婦三歲不孕集解象旨引四體半

終莫之勝吉

莫无勝陵也得正居中故莫之勝吉上終

變之三成既濟定坎為心故象曰得所願

也集解易纂言引陵勝也三字

象曰終莫之勝吉得所願也

上之三案三下疑既濟定故得所願也集

漢上叢說節引

上九鴻漸于陸

陸謂三也三坎爲平變而成坤故稱陸也

集解

其羽可用爲儀吉

謂三變受

案受下疑有上字

成既濟與家人象同

義上之三得正離爲鳥故其羽可用爲儀

吉三動失位坤爲亂乾四止坤

案此句疑作乾上正

坤

象曰不可亂象曰進

案進疑作可

以正邦爲

此爻發也三已得位又變受上權也孔子

曰可與適道未可與權宜无怪焉

集解

象曰其羽可用爲儀吉不可亂也

坤爲亂上來正坤六爻得位成既濟定故

不可亂也

集解

歸妹

歸妹

歸嫁也兌爲妹泰三之四坎月離日俱歸

妹象陰陽之義配日月則天地交而萬物

通故以嫁娶也

集解 史徵口訣義云歸妹者女子以嫁爲歸歸妹

卽是從娣而嫁故曰歸妹也古者諸侯一娶九女姪娣從之虞翻云九女者貴其男
女繼嗣宗
享不絕也

征凶

謂四也震爲征三之四不當位故征凶也

集解

无攸利

謂三也四之三失正无應以柔乘剛故无

攸利也

集解

彖曰歸妹天地之大義也

乾天坤地三之四天地交以離日坎月戰
陰陽陰陽之義配日月則萬物興故天地
之大義乾主壬坤主癸日月會北震爲元
黃天地之雜震東兌西離南坎北六十四
卦此象最備四時正卦故天地之大義也

集解

窺餘引震東兌西至最備四時

天地不交而萬物不興

乾三之坤四震爲興天地以離坎交陰陽
故大地不交則萬物不興矣

集解

歸妹人之終始也

人始生乾而終于坤故人之終始雜卦

歸妹女之終謂陰終坤癸則乾始震庚也

集解

說以動所歸妹也

說兌動震也謂震嫁兌所歸必妹也

集解

君子以示終知儆

君子謂乾也坤爲永終爲儆乾爲知三之

四爲永終四之三兌爲毀折故以示終知

做集解

初九歸妹以娣跛而履征吉

震為兄故嫁妹謂三也初在三下動而應

四故稱娣履禮也初九案九疑應變成坎

坎為曳故跛而履應在震為征初為娣變

為陰故征吉也集解初九引四故娣引初在三下

象曰歸妹以娣以恒也跛而履吉相承也

陽得正故以恒恒案下恒字動初承二

疑作故吉相承也集解

九二眇而視利幽人之貞

視應五也震上兌下離目不正故眇而視

幽人謂二初動二在坎中故稱幽人變得

正震喜兌說故利幽人之以與履二同義

也

集解

象旨引震上兌下離目不正也

象曰利幽人之貞未變常也

常恒也乘初未之五故未變常矣

集解

六三歸妹以須反歸以娣

須需也初至五體需象故歸妹以須娣謂

初也震爲反反馬歸也三失位四反得正
兌進在四見初進之初在兌後故反歸以

娣

集解象旨引初至五體需象

象曰歸妹以須位未當也

三未變之陽故位未當

集解

九四歸妹愆期遲歸有時

愆過也謂二變三動之正體大過象坎月
離日爲期三變日月不見故愆期坎爲與
震爲行行曳故遲也歸謂反三震春兌秋

坎冬離夏四時體正故歸有時也

集解四象引坎爲安至未

象曰愆期之志有待而行也

待男行矣

集解

六五帝乙歸妹其君之袂不如其娣之袂良
三四已正震爲帝坤爲乙故曰帝乙泰乾
爲良爲君乾在下爲小君則妹也袂口袂
之飾也兌爲口乾爲衣故稱袂謂三失位
无應娣袂謂二得中應五三動成乾爲良
故其君之袂不如其娣之袂良故象曰以

貴行也矣

集解 象目引震帝坤乙

月幾望吉

幾其也坎月離日兌西震東日月象對故
曰幾望二之五四復三得正故吉也與小
畜中孚月幾望同義也

集解

象曰帝乙歸妹不如其娣之袂良也

三四復正乾為良

集解

其位在中以貴行也

三四復

案復下疑有正字

二之五成既濟五貴故

以貴行也

集解

上六女承筐无實

女謂應三兌也自下受上稱承震爲筐以

陰應陰三四復位坤爲虛故无實象曰承

虛筐也

集解

于卦羊无盟无攸利

卦剋也震爲士兌爲羊離爲刀故士剋羊

三四復位成泰坎象不見故无血三柔承

案承卦作乘

剛故无攸利也

集解

象曰上六无實承虛筐也

泰坤爲虛故承虛筐也

集解

豐

豐亨

此卦三陰三陽之例當從泰二之四而豐
三從噬嗑上來之三折四于坎獄中而成
豐故君子以折獄致刑陰陽交故通噬嗑
所謂利用獄者此卦之謂也

集解 漢上
叢說節引

王假之

乾爲王假至也謂四宜上至五動之正成

乾故王假之尙大也

集解

勿憂宜日中

五動之正則四變成離離日中當五在坎
中坎爲憂故勿憂宜日中體兩離象照天
下也日中則昃月盈則食天地盈虛與時

消息

集解

宜照天下也

五動成乾乾爲天四動成兩離重明麗正

故宜照天下謂化成天下也

集解

月盈則食

月之行生震兌盈于乾甲五動成乾故月盈四變體噬嗑食故則食此豐其屋蔀

其家也

集解

天地盈虛與時消息而況於人乎況於鬼神乎

五息成乾爲盈四消入坤爲虛故天地盈虛也豐之旣濟四時象具乾爲神人坤爲

鬼鬼神與人亦隨時消息謂人謀鬼謀百

姓與能與時消息

集解 象旨 引人謀鬼謀

君子以折獄致刑

君子謂三噬嗑四失正繫在坎獄中故上

之三折四入大過死象故以折獄致刑兌

折爲刑賁三得正故无敢折獄也

集解 窺餘 節引稍異

初九遇其妃主

妃嬪謂四也四失位在震爲主五動體姤

遇故遇其妃主也

集解

雖旬无咎往有尙

謂四失位變成坤應初坤數十四上之五

成離離爲日

美解

象曰雖旬无咎過旬災也

體大過故過旬災四上之五故爲災也

集解

六三豐其蔀日中見斗往得疑疾

日蔽雲中稱蔀蔀小謂四也二剝四之五故豐其蔀噬嗑離爲見象在上爲日中艮爲斗斗七星也噬嗑艮爲星爲止坎爲北

中巽爲高舞星止于中而舞者北斗之象也離上之三隱坎雲下故日中見斗四往之五得正成坎坎爲疑疾故往得疑疾也

集解 震下互體有坎艮坎北方也案與此義無

有孚發若吉

坎爲孚四發之五成坎孚動而得位故有

孚發若吉也

集解

象曰有孚發若信以發志也

四發之五坎爲志也

集解

九三豐其沛日中見沫

案釋文引子夏傳云昧星之小者晁氏以

為虞同子夏

日在雲下稱沛沛不明也沫小星也噬嗑

離為日艮為沫故口中見沫上之三曰入

坎雲下故見沫也

集解■義海撮要引類餘引日在雲中在沛又引上之三入坎雲下故見沫一第言引在雲下為沛

折其右肱无咎

類餘於此見沫下云在噬嗑折其入兌艮為肱之象似指此條注

兌為折為右噬嗑艮為肱上來之三折其

入兌故折其右肱之三得正故无咎也

象曰豐其沛不可大事也

利四之陰故不可大事

集解

其右肱終不可用也

四死大過故終不可用

集解

九四豐其蔀

蔀蔽也噬嗑離日之坎雲中故豐其蔀象

曰位不當也

集解

日中見斗

噬嗑日在上爲中上之三爲巽巽爲入日入坎雲下幽伏不明故日中見斗象日幽

不明是其義也

集解

遇其夷主吉

震爲主四行之正成明夷則三體震爲夷

主故遇其夷主吉也

集解

象曰豐其蔀位不當也日中見斗幽不明也

離上變入坎雲下故幽不明坎幽也

集解

遇其夷主吉行也

動體明夷震爲行故曰吉行

集解

六五來章有慶譽吉

在內稱來章顯也慶謂五陽出稱慶也舉
謂二二多譽五發得正則來應二故來章
有慶譽吉也

集解

象曰六五之吉有慶也

動而成乾乾爲慶

集解

上六豐其屋蔀其家

豐大蔀小也三至上體大壯屋象故豐其
屋謂四五已變上動成家人大屋見則家
人壞故蔀其家與泰二同義故象曰天降

祥明以大壯爲屋象故也

集解 象言節引

闕其戶闕其无人三歲不覲凶

謂從外闕三應闕空也四動時坤爲闔戶

闔故闕其戶坤爲空虛三隱伏坎中故闕

其无人象曰自藏也四五易位噬嗑離目

爲闕闕

案下闕字疑作无

人者言皆不見坎爲三

歲坤冥在上離象不見故三歲不覲凶

集解

闕其戶闕其无人自藏也

謂三隱伏坎中故自藏者也

集解

旅

旅小亨旅貞吉

賁初之四否三之五非乾坤往來也與噬
噬之豐同義小謂柔得貴位而順剛麗乎
大明故旅小亨旅貞吉再言旅者謂四凶
惡進退无恆无所容處故再言旅惡而愍
之

集解

旅之時義大矣哉

以離日麗天縣象著明莫大日月故義大

也

集解

君子以明慎用刑而不留獄

君子謂三離爲明艮爲慎兌爲刑坎爲獄
賁初之四獄象不見故以明慎用刑而不

留獄與豐折獄同義者也

集解

象曰旅瑣瑣志窮災也

瑣瑣最蔽之貌也失位遠應之正介坎坎
爲災眚艮手爲取謂三動應坎坎爲志坤
稱窮故曰志窮災也

集解

爲災艮手爲取
窺餘引坎

象曰得僮僕貞終无尤也

艮爲僮僕得正承三故得僮僕貞而終无

尤也

集解

九三旅焚其次喪其僮僕貞厲

離爲火艮爲僮僕三動艮壞故焚其次坤

爲喪三動艮滅入坤故喪其僮僕動而失

正故貞厲矣

集解

象旨引至故喪其僮

象曰旅焚其次亦以傷矣

三動體剝故傷也

集解

以旅與下其義喪也

三變成坤坤為下為喪故其義喪也

集解

九四旅于處得其資斧我心不快

巽為處四焚棄惡人失位遠應故旅于處

言无所從也離為資斧故得其資斧三動

四坎為心其位未至

案至疑作正

故我心不快

也

集解

六五射雉一矢亡

象旨引注五變乾體至一矢亡

三變坎為弓離為矢故射雉五變乾體

案疑

作體

乾矢剏雉飛雉象不見故一矢亡矣

集解

終以譽命

譽謂二巽爲命五終變成乾則二來應已

故終以譽命

集解

象旨引首二句

象曰終以譽命上逮也

逮及也謂二上及也

集解

上九鳥焚其巢旋人先笑後號咷

離爲鳥爲火巽爲木爲高四失位變震爲

筐巢之象也今巢象不見故鳥焚其巢震

爲笑震在前故先笑應在巽巽爲號咷巽
象在後故後號咷

彖解

易窺餘節引

喪牛于易凶

謂三動時坤爲牛五動成乾乾爲易上失
三五動應二故喪牛于易失位无應故凶
也五動成遯六二執之用黃牛之革則旅
家所喪牛也

集解

窺餘引三動坤爲牛

象曰以旅在上其義焚也

離火焚巢故其義焚也

集解

喪牛之凶終莫之聞也

坎耳入兌故終莫之聞

集解

巽

巽小亨利有攸往利見大人

遜二之四柔得位而順五剛故小亨也大
人謂五離目爲見二失位利正往應五故
利有攸往利見大人矣

集解 窺餘引
柔得位至攸往

剛巽乎中正而志行

剛中正謂五也二失位動成坎坎爲志終

變成震震爲行也

集解 象旨虞仲翔指九五

象曰隨風巽君子以申命行事

君子謂遯乾也巽爲命重象故申命變至

三坤爲事震爲行故行事也

集解

初六進退利武人之貞

巽爲進退乾爲武人初失位利之正爲乾

故利武人之貞矣

集解 象旨武人虞翻謂乾

利武人之貞志治也

動而成乾乾爲大明故志治乾元用九天

下治是其義也

集解

九三頻巽吝

頻類也謂二已變三體坎艮坎爲憂艮爲

鼻故頻巽无應在險故吝也

集解 象旨 節引險作陰

六四悔亡田獲三品

田謂二也地中稱田失位无應悔也欲二

之初已得應之故悔亡二動得正處中應

五五多功故象曰有功也二動艮爲手故

稱獲謂艮爲狼坎爲豕艮二之初離爲雉

故獲三品矣

集解

九五貞吉悔亡无不利无初有終

得位處中故貞吉悔亡无不利也震與相

薄雷風无形當變之震矣與究爲躁卦故

无初有終也

集解 窺餘引
震與相薄至末

先庚三日後庚二日吉

震庚也謂變初之二成離至三成震震主

庚離爲日震三爻在前故先庚三日謂益

時也動四至五成離終上成震震爻在後

故後庚三日也巽初失正變成震得位故

无初有終吉震究為蕃鮮白謂巽白案此四字

疑當作蕃巽究為躁卦躁卦謂震也與蠱

先甲三日後甲三日同義五動成蠱乾成

于甲震成于庚陰陽天地之始終故經舉

甲庚于蠱彖巽五也集解 六經天文編節引象旨 引巽變初至震三義在後庚三日

象曰九五之吉位正中也

居中得正故吉也集解

上九巽在牀下

牀下謂初也窮上反下成震故巽在牀下

象曰上窮也明當變窮上而復初者也集解

喪其齊斧貞凶

變至三時離毀入坤坤爲喪巽爲齊離爲

斧故喪其齊斧三變失位故貞凶集解

象曰巽在牀下上窮也

陽窮上反下故曰上窮也集解

喪其齊斧正乎凶也

上應於三三動失正故曰正乎凶也集解

兌

兌亨利貞

大壯五之三也剛中而柔外二失正動應

五承三故亨利貞也

集解

彖曰兌說也

兌口故說也

集解

剛中而柔外說以利貞

剛中謂二五柔外謂二上也二三四利之

正故說以利貞也

集解

是以順乎天而應乎人

六壯乾爲天謂五也人謂三矣二變順五

承三故順乎天應乎人坤爲順也

集解

說以先民民忘其勞

謂二四已變成屯坎爲勞震喜兌說坤爲

民坎爲心民心喜說有順比象故忘其勞

也

集解

說以犯難民忘其死

體屯故難也三至上體大過死變成屯

案

疑作震

民說无疆故民忘其死坎心爲忘或

以坤爲死也

集解

之大民勸矣哉

體比順象故勞而不怨震爲喜笑故人勸

也

集解

象曰麗澤兌君子以朋友講習

君子大壯乾也陽息見兌學以聚之間以

辯之兌二陽同類爲朋伏艮爲友坎爲習

震爲講兌兩口對故朋友講習也

集解

初九和兌吉

得位四變應已故和兌吉矣

集解

象曰和兌之吉行未疑也

四變應初震爲行坎爲疑故行未疑

集解

九二孚兌吉悔亡

孚謂五也四已變五在坎中稱孚二動得

位應之故孚兌吉悔亡矣

集解

象曰孚兌之吉信志也

二變應五謂四已變坎爲志故信志也

集解

六三來兌凶

從大壯來失位故來兌凶矣

集解 兌大壯五來居三來而失位故來兌凶 古義通同

九四商兌未寧介疾有喜

巽為近利市三倍故稱商兌變之坎水

流震為行謂二已變體比象故未寧與比

不寧方來同義也坎為疾故介疾得位承

五故有喜

集解 窺餘引巽為至商兌

象曰九四之喜有慶也

陽為慶謂五也

集解 窺餘引陽為慶故承五有慶

九五孚于剝有厲

孚謂五也二四變體剝象故孚于剝在六

未光有厲也

集解

剝餘引二四變體剝

上六引兌

剝餘引注第二句作動而未巽艮為手下即接故引兌

案之下疑

无應乘陽動而之

案之下疑

巽為繩艮為

手應在三三未之正故引兌也

集解

象曰上六引兌未光也

二四已變而體屯上三未為離故未光也

集解

渙

渙亨

否四之二歲坎巽天地交故亨也

集解

王假有廟

乾爲王假至也否體觀艮爲宗廟乾四之

坤二故王假有廟王乃在中也

集解

利涉大川利貞

坎爲大川渙川楫象故涉大川乘木有功

二失正變應五故利貞也

集解

利涉大川乘木有功也

巽為木坎為水故乘木有功也

集解

窺

象曰風行水上渙先王以享于帝立廟

否乾為先王享祭也震為帝為祭艮為廟

四之二殺坤大牲故以享帝立廟謂成既

濟有噬嗑食象故也

集解帝艮為廟四之二變坤大牲也

初六用拯馬壯吉悔亡

案今本及集解木伐無悔亡二字漢上易

傳引虞本有之今據補

坎為馬初失正動體大壯得位故拯馬壯

吉悔亡之矣

集解

象曰初六之吉順也

承二故順也

九二渙奔其机悔亡

震爲奔坎爲棘爲矯輶震爲足輶棘有足

艮肱據之憑机之象也渙宗廟中故設机

二失位變得正故渙奔其机悔亡也

集解象
旨節引

象曰渙奔其机得願也

動而得位故得願也

集解

六四渙其羣元吉

謂二已變成坤坤三爻稱羣得位順五故

元吉也

集解

渙有亡匪夷所思

位半艮山故稱亡匪非也夷謂震四應在

初三變坎爲思故匪夷所思也

集解
窺餘

象曰渙其羣元吉光大也

謂三已變成離故四光大也

集解
窺餘

象曰王居无咎正位也

五爲王艮爲居正位居五四陰順命故于

居无咎正位也

集解象旨引首二句

正九渙其血去逃无咎

應在三坎爲血爲逃逃憂也二變爲觀坎

象不見故其血去逃无咎

集解象旨引應在二

象曰渙其血遠害也

乾爲遠州爲害體逃上故遠害也

集解

節

節亨

泰三之五天地交也五當位以節中正以

通故節亨也集解窺餘

苦節不可貞窺餘引注上應在三三變離火

謂上也應在三三變成離火炎上作苦位

在火上故苦節雖得位乘陽故不可貞集解

苦節不可貞其道窮也

位極于上乘陽故窮也集解

說以行險

兌說坎險震為行故說以行險也集解

當位以節中正以通

中正謂五坎爲通也

集解

天地節而四時成

泰乾天坤地震春兌秋坎冬三動離爲夏

故天地節而四時成也

集解爲夏下作天地四時之象

節以制度不傷財不害民

艮手稱制坤數十爲度坤又爲害爲民爲

財二動體剝剝爲傷三出復位成旣濟定

坤剝不見故節以制度不傷財不害民

集解

君子以制數度議德行

君子泰乾也艮止爲制坤爲度震爲議爲
行乾爲德故以制數度議德行乾三之五
爲制數度坤五之乾爲議德行也

集解

初九不出戶庭无咎

泰坤爲戶艮爲庭震爲出初得位應四故

不出戶庭无咎矣

集解

象曰不出戶庭知通塞也

坎爲通二變坤土塞初爲塞

集解

九二不出門庭凶

變而之坤艮爲門庭二失位不變出門庭

五則凶故言不出門庭凶矣

集解之義餘引其爲門庭至末無則凶二字故下無

象曰不出門庭凶失時極也

極中也未變之正失時極矣

集解

六三不節若則嗟若无咎

三節家君子也失位故

案故下疑有不字

節若嗟

哀號聲震爲音聲爲出三動得正而體離

坎涕流出曰故則嗟若得位乘二故无咎

也

集解

六四安節亨

二已變艮止坤安得正承五有應于初故

安節亨

集解 窺餘

九五甘節吉往有尚

得正居中坎為美故甘節吉往謂二二失

正變往應五故往有尚也

集解 窺餘引坎為美故甘節

象曰甘節之吉居位中也

艮為居五為中故居位中也

集解

上六苦節貞凶悔亡

二三變在兩離火炎上作苦故苦節乘陽

故貞凶得位故悔亡

集解 易經餘引至故苦節 象言引至
故苦節在兩離作互兩離

中孚

中孚

訟四之初也坎孚象在中謂二也故稱中
孚此當從四陽二陰之例遯陰未及三而
大壯陽已至四故從訟來二在訟時體離
爲鶴在坎陰中故有鳴鶴在陰之義也

集解

遯魚吉

案李氏鼎祚曰虞以三至上體遯便以豚魚爲遯魚

利涉大川

坎爲大川謂二已化邦三利出涉坎得正

體渙渙舟楫象故利涉大川乘木舟虛也

集解

利貞

謂二利之正而應五也中孚以利貞乃應

于天也

集解

乃化邦也

化應五成坤坤為邦故化邦也

集解案此下

荀爽注一也七本胡本誤作虞注今入荀氏易內

以手以利貞乃應乎天也

訟乾為天二動應乾故乃應乎天也

集解

君子以議獄緩死

君子謂乾也訟坎為獄震為議為緩坤為

死乾四之初則二出坎獄兌說震喜坎獄

不見故議獄緩死也

集解

九二鳴鶴在陰其子和之我有好爵吾與爾

靡之

庠共也震爲鳴訟離爲鶴坎爲陰夜鶴知
夜半故鳴鶴在陰二動成坤體益五艮爲
子震巽同聲者相應故其子和之坤爲身
故稱我吾謂五也離爲萬爵位也坤爲邦
國五在艮謂五爻居之象故稱好爵五利
二變之正應以案以疑故吾與爾靡之矣
兼解震巽同聲故其子和之
震巽同聲故其子和之

震之中心願也

坎爲心動得正應五故中心願也

集解

大四月幾望馬匹亡无咎

釋言引月在天二句在離四日月相對故幾望

訟坎爲月離爲日兌西震東月在兌二離在震三日月象對故月幾望乾坎兩馬匹初四易位震爲奔走懼遯山中乾坎不見故馬匹亡初四易位故无咎矣

集解

象曰馬匹亡絕類上也

訟初之四體與上絕故絕類上也

集解

九五有孚攣如无咎

孚信也謂二在坎爲孚巽繩艮手故繫乎二使化爲邦得正應已故元咎也

集解象旨引袁氏謂二在坎謂孚學二使化爲邦

上九翰音登于天貞凶

巽爲雞應在震震爲音翰高也巽爲高乾爲天故翰音登于天失位故貞凶禮薦牲

雞稱翰音也

集解

小過

小過亨利貞

晉上之三當從四陰二陽臨觀之例臨陽

未至三而觀四已消也又有飛鳥之象故
知從晉來杵臼之利益取諸此柔得中而
應乾剛故亨五失正故利貞過以利貞與
時行也

集解

可小事

小謂五晉坤爲事柔得中故可小事也

集解

不可大事

大事

案事下疑有謂字

四剛失位而不中故不可

大事也

集解

飛鳥遺之音不宜上宜下大吉

離爲飛鳥震爲音艮爲止晉上之三離去
震在鳥飛而音止故飛鳥遺之音上陰乘
陽故不宜上下陰順陽故宜下大吉俗說
或以卦象二陽在內四陰在外有以飛鳥
之象妄矣

集解象旨引虞翻謂離鳥指
晉上之三

柔得中是以小事吉也

謂五也陰稱小故小事吉也

集解

剛失位而不中是以不可大事也

謂四也陽稱大故不可大事也

集解

君子以行過乎恭

君子謂三也上貴三賤晉上之三震為行

故行過乎恭謂三致恭以存其位與兼三

同義

集解易窺餘引上貴下賤晉上之三故行過乎恭

喪過乎哀

晉坤為喪離為目艮為鼻坎為涕洟震為

出涕洟出鼻目體大過遭死喪過乎哀也

集解

易窺餘引離目艮鼻坎為涕洟涕洟出於鼻目故喪過乎哀

用過乎儉

坤為財用為吝嗇艮為止兌為小小用止

密雲不雨故用過乎儉也

集解 窺引坤為吝嗇艮為止兌為小故用過乎儉

初六飛鳥以凶

應四離為飛鳥上之三則四折入大過死

故飛鳥以凶

集解

象曰飛鳥以凶不可如何也

四死大過故不可如何也

集解

六二過其祖遇其妣

象旨虞氏神妣指初與三謂坤為妣

祖謂祖母初也

案疑作祖謂初也祖母二字衍

母死稱妣

謂三坤爲喪爲母折入大過死故稱祖也

妣

案疑作故稱妣也祖字衍

二過初故過其祖五變三

體姤遇故遇妣也

集解

不及其君遇其臣无咎

五動爲君晉坤爲臣二之五隔三艮爲止

故不及其君止如

案如疑作以

承二得正體姤

遇象故遇其臣无咎也

集解

象曰不及其君臣不可過也

體大過下止舍巽下故不可過與隨三同

義

集解

九三弗過防之從或戕之凶

防防四也失位從或而欲折之初戕殺也
離爲戈兵三從離上入坤折四死大過中

故從或戕之凶也

集解

象曰從或戕之凶如何也

三來戕四故凶如何也

集解

象曰弗過遇之位不當也往厲必戒終不可

長也

體否上傾故終不可長矣

集解

六五密雲不雨自我西郊

象旨引注兌為密雲坎象半見故配

密小也晉坎在天為雲墜地成雨上來之

三折坎入兌小為密坤為自我兌為西五

動乾為郊故密雲不雨自我西郊也

集解

公弋取彼在穴

公謂三也弋矰繳射也坎為弓彈離為鳥

矢弋无矢也巽繩連鳥弋人

案人疑作取

鳥之

象艮爲手二爲穴手入穴中故公弋取彼

在穴也

集解

象曰密雲不雨已上也

謂三坎水已之上六故已上也

集解

上六弗遇過之飛鳥離之凶是謂災眚

謂四已變之坤上得之三故弗遇過之離

爲飛鳥公弋得之鳥下入艮手而死故飛

鳥離之凶晉坎爲災眚故是謂災眚矣

集解

漢上叢

說節引

象曰弗遇過之已亢也

飛下稱亢晉上之三

案三下疑有故字

已亢也

集解

漢上叢

說節引

既濟

既濟亨小利貞

泰五之二小謂二也柔得中故亨小六爻

得位各正性命保合大和故利貞矣

集解漢

上叢說引象旨

小虞翻以爲二

初吉

初始也謂泰乾乾知大始故稱初坤五之

乾二得正處中故初吉柔得中也

集解

終亂

泰坤稱亂二上之五終止于泰則反成否

子弑其父臣弑其君天下无邦終窮成坤

故亂其道窮

集解

初吉柔得中也

中謂二

集解

終止則其道窮也

反否終坤故其道窮也

集解

六二婦喪其髻勿逐七日得

象旨謂虞作翟第解誤說載王肅易

離爲婦泰坤爲喪髻髮謂鬢髮也

晁氏引云髻謂

鬢髮也

一名婦人之首飾坎爲玄雲故稱髻

詩曰鬢髮如雲乾爲首坎爲美五取乾二

之坤爲坎坎爲盜故婦喪其髻泰震爲七

故勿逐七日得與睽喪馬勿逐同義髻或

作第俗說以髻爲婦人蔽膝之第非也

集解

九三高宗代鬼方三年克之小人勿用

高宗殷王武丁鬼方國名乾爲高宗坤爲
鬼方乾二之坤五故高宗伐鬼方坤爲年
位在三故三年坤爲小人二上克五故三
年克之小人勿用象曰憊也

集解 餘節引 窺

象曰三年克之憊也

坎爲勞故憊也

集解

六四繻有衣袽終日戒

乾爲衣故稱繻袽敗衣也乾二之五衣象
裂壞故繻有衣袽離爲日坎爲盜在兩坎

問故終日戒謂伐鬼方三年乃克旅人勲
勞衣服皆敗鬼方之民猶或寇竊故終日
戒也

集解

九五東鄰殺牛不如西鄰之禴祭實受其福
泰震爲東兌爲西坤爲牛震動五殺坤故
東鄰殺牛在坎多眚爲陰所乘故不如西
鄰之禴祭禴夏祭也離爲夏兌動二體離
明得正承五二故實受其福吉

集解

竄餘

上六濡其首厲象曰濡其首厲何可久也

乾為首五從二上在坎中故濡其首厲位

極乘陽故何可久集解易窺餘引位極

未濟

未濟亨

否二之五也柔得中天地交故亨濟成也

六爻皆錯故稱未濟也集解義海撮要

小狐汔濟象旨虞翻謂艮為小狐又云虞訓

否艮為小狐汔幾也濟濟渡狐濟幾渡而

濡其尾未出中也

集解

濡其尾无攸利尾

易窺餘引注尾謂二至濡其

艮爲尾狐獸之長尾者也尾謂二在坎水中故濡其尾失位故无攸利不續終也

集解

小狐汔濟未出中也

謂二未變在坎中也

集解

濡其尾无攸利不續終也

否陰消陽至剝終坤終止則亂其道窮也

乾五之二坤殺不行故不續終也

集解

君子以慎辨物居方

窺餘引江乾陽物也坤陰物至末無慎也二字

君子否乾也艮為慎辨辨別也物謂乾陽

物也坤陰

案陰下疑有物字

也艮為居坤為方乾

別五以居坤二故以慎辨物居方也

集解

初六濡其尾吝

應在四故濡其尾失位故吝

集解

象曰九二貞吉中以行正也

謂初已正二動成震故行正

集解

九四貞吉悔亡

動正得位故吉而悔亡矣

集

解

震用伐鬼方

震用伐鬼方三年有賞于大邦

窺餘引注至

變之震體師坤為鬼方故震用伐鬼方坤

為年為大邦陽稱賞四在坤中體既濟離

三故三年有賞于大邦

集

震敬也

見

六五貞吉无悔

之正則吉故貞吉无悔

集

君子之光有孚吉

動之乾離為光故君子之光也孚謂二二

變應己得有之故有孚吉坎稱孚也

集解

象曰君子之光其暉吉也

動之正乾為大明故其暉吉也

集解

上九有孚于飲酒无咎濡其首有孚失是

坎為孚謂四也上之三介四故有孚飲

案

疑作坎

酒流頤中故有孚于飲酒終變之正

故无咎乾為首五動首在酒中失位故濡

其首矣孚信是正也六位失正故有孚失

是謂若殷紂沈湎于酒以失天下也

集解

象曰飲酒濡首亦不知節也

節止也退爲節飲酒濡首故不知節矣

集解

漢學堂經解

逸書考

虞翻易注

甘泉黃夷學

繫辭上

案正義云天尊地卑為第一章聖人

為第三章精氣為物為第四章象者言乎象者

諸用為第五章聖人有以見天下之賾為

第六章初六藉用白茅為第七章大衍之

數為第八章子曰知變化之道為第九章

天一地二為第十章是故易有太極為第

十一章子曰書不盡言為第十二章虞翻

分為十一章合大衍之數

併知變化之道共為一章

天尊地卑乾坤定矣

天貴故尊地賤故卑定謂成列

解

卑高以陳貴賤位矣

乾高貴五坤卑賤二列貴賤者存乎位也

集解

動靜有常剛柔斷矣

斷分也乾剛常動坤柔常靜分陰分陽迭

用柔剛

集解象旨引斷分也

方以類聚物以羣分吉凶生矣

物三稱羣坤方道靜故以類聚乾物動行

故以羣分乾生故吉坤殺故凶則吉凶生

矣

集解 象旨引乾生二句

在天成象在地成形變化見矣

謂日月在天成八卦震象出庚兌象見丁
乾象盈甲巽象伏辛艮象消丙坤象喪乙
坎象流戊離象就已故在天成象也在地
成形謂震竹巽木坎水離火艮山兌澤乾
金坤土在天爲變在地爲化剛柔相推而
生變化矣

集解 象旨引震象出庚至離兌
象就已又以成震坎艮巽離兌
連屬焉注下

是故剛柔相摩八卦相蕩

旋轉稱摩薄也乾以二五摩坤成震坎艮

坤以二五摩乾成巽離兌故剛柔相摩則

八卦相蕩也集解象旨引剛柔至相蕩又云其言二摩四四摩八八

鼓之以雷霆潤之以風雨

鼓動釋文潤澤也雷震霆艮風巽雨兌也

集解

日月運行一寒一暑

日離月坎寒乾暑坤也運行往來日月相

推而明生焉寒暑相推而歲成焉故一寒

一暑也

集解

坤化成物

釋文

坤作虞作坤化

丙子學

乾以易知坤以簡能

陽見稱易陰藏爲簡簡閱也乾息昭物至
下文明故以易知坤閱藏物故以簡能

集解

易則易知簡則易從

乾縣象著明故易知坤陰陽動闢故易從

不習无不利地道光也

集解

易知則有親易從則有功

陽道成乾爲父震坎艮爲子本乎天者親上故易知則有親以陽從陰至五多功故

易從則有功矣

集解

易簡而天下之理得矣

易爲乾息簡爲坤消乾坤變通窮理以盡

性故天下之理得矣

集解

而明吉凶悔吝

釋文虞本有悔吝二字

剛柔相推而生變化

剛推柔生變柔推剛生化也

集解

是故吉凶者失得之象也

吉則象得凶則象失也

集解

悔吝者憂虞之象也

悔則象憂吝則象虞也

集解

晝夜者剛柔之象也

釋文

丙子學易編

注

同今本云剛柔者晝夜之象也與此異

六爻之動

陰陽失位則變得位則否故以陽居陰位

陽居陰位則動

易稗傳外篇

是故君子所居而安者易之象也

釋文丙子學易編同

君子謂文王象謂乾二之坤成坎月離日

日月爲象君子黃中通理正位居體故居

而安者易之象也舊讀象誤作厚或作序

非也

集解象旨序虞翻本作象又引舊讀象至作序

所變而玩者爻之辭也

釋文丙子學易編同

爻者言乎變者也謂乾五之坤坤五動則

觀其變舊作樂字之誤

集解象旨樂虞作變又引舊作樂

是故君子居則觀其象而翫其辭

翫弄也謂乾五動成大有以離之目觀天

之象兌口翫習所繫之辭故翫其辭

集解

動則觀其變而翫其占

謂觀爻動也以動者尙其變占事知來故

翫其占

集解

是以自天祐之吉无不利

謂乾五變之坤成大有有天地日月之象
文王則庖犧亦與天地合德日月合明天

道助順人道助信履信思順故自天祐之

吉无不利也

集解

彖者言乎象者也

在天成象八卦以象告彖說二才故言乎

象也

集解

爻者言乎變者也

爻有六畫所變而玩者爻之辭也謂九六

變化故言乎變者也

集解

吉凶者言乎其失得也

得正言吉失位言凶也

集解

无咎者善補過也

失位爲咎悔變而之正故善補過孔子曰

退思補過者也

集解

辯吉凶者存乎辭

辯別也

釋文 丙子學易編

愛悔吝者存乎介

介纖也介如石焉斷可識也故存乎介謂

識小疵

集解

震无咎者存乎悔

震動也有不善未嘗不知之知之未嘗復

行无咎者善補過故存乎悔也

集解

是故卦有小大辭有險易辭也者各指其所
之

陽易指天陰險指地聖人之情見乎辭故

指所之

釋

易與天地準故能彌綸天下之道

準同也彌大綸絡謂易在天下包絡萬物

以言乎天地之間則備矣故與天地並

集解

原始及終

釋文反終虞作及終

象旨依

精氣爲物遊魂爲變

魂陽物謂乾神也變謂坤鬼乾純粹精故

主爲物乾流坤體變成萬物故遊魂爲變

也

集解

是故知鬼神之情狀與天地相似故不違

乾神似天坤鬼似地聖人與天地合德

神合吉凶故不違

集解象旨相似虞翻

變天知命故不憂

與鬼神情狀連解者非

繼之者善也成之者性也

繼統也謂乾能統天生物坤合乾性養化

成之故繼之者善成之者性也

集解

通變之謂事

事謂變通趨時以盡利天下之民謂之事

業也

集解

夫易廣矣大矣

乾象動直故大坤形動闢故廣也

集解
象旨

以言乎遠則不禦

禦止也遠謂乾天高不禦也

集解
象旨
乾天高故不禦

以言乎邇則近而正

邇謂坤坤至靜而德方故正也

集解
象旨
引坤地靜而德方故正

以言乎天地之間則備矣

謂易廣大悉備有天地人道焉故稱備也

集解

變通配四時

變通趨時謂十二月消息也泰大壯夬配
春乾姤遯配夏否觀剝配秋坤復臨配冬
謂十二月消息相變通而周於四時也

集解象
旨節引

夫易聖人之所以崇德而廣業也

崇德效乾廣業法坤也

集解

知崇體卑崇效天卑法地

知謂乾效天崇體謂坤法地卑也

集解

天地設位而易行乎其中矣

位謂六畫之位乾坤各三爻故天地設位

易出乾入坤上下无常周流六虛故易行

乎其中矣

集解

成性存存道義之門

知終終之可與存義也乾爲道門坤爲義門成性謂成之者性也陽在道門陰在義

門其易之門邪

集解

聖人有以見天下之嘖而擬諸其形容

乾稱聖人謂庖犧也嘖謂初自上議下稱擬形容謂陰在地成形者也

集解

象其物宜是故謂之象

物宜謂陽遠取諸物在天成象故象其物
宜象謂三才八卦在天也庖犧重爲六畫

也

集解

聖人有以見天下之動

重言聖人謂文王也動謂六爻矣

集解

言天下之至嘖而不可惡也

至嘖无情陰陽會通品物流宕以乾簡

案簡

毛本作聞

與此異 坤易之至也元善之長故不可

惡也

集解

言天下之至動而不可亂也

以陽動陰萬物以生故不可亂六二之動

直以方動舊誤作噴也

集解

震之而後言議之而後動

以陽擬坤而成震震爲言議爲後動故擬之而後言議之而後動安其身而後動謂

當時也矣

集解

擬議以成其變化

議天成變擬地成化天施地生其益无方

也

集解

子曰君子居其室出其言善

君子謂初也二變五來應之艮爲居初在艮內故居其室震爲出言訟乾爲善以出

言善此亦成益卦也

集解

則千里之外應之況其邇者乎

謂二變則五來應之體益卦坤數十震爲

百里十之千里也外謂

案謂下疑有誤字

震巽同

聲同聲者相應故千里之外應之邇謂坤
坤爲順二變順初故況其邇者乎此信及
邇魚者也

集解

居其室出其言不善

謂初陽動入陰成坤坤爲不善也

集解

則千里之外違之況其邇者乎

謂初變體剝弑父弑君二陽肥遯則坤違
之而承于五故千里之外違之況其邇者

乎

集解

言出乎身加乎民

震爲出爲言坤爲身爲民也

集解

行發乎邇見乎遠

震爲行坤爲邇乾爲遠兌爲見謂二發應

五則千里之外故行發邇見遠也

集解

言行君子之所以動天地也可不慎乎

二已變成益巽四以風動天震初以雷動

地中孚十一月雷動地中艮爲慎故可不

慎乎

集解

子曰君子之道或出或處或默或語

乾爲道故稱君子也同人反師震爲出爲語坤爲默巽爲處故或出或處或默或語

也

集解

一人同心其利斷金

二人謂夫婦師震爲夫巽爲婦坎爲心巽爲同六二震巽俱體師坎故二人同心巽爲利乾爲金以離斷金故其利斷金謂夫出婦處夫婦默夫語故同心也

集解

同心之言其臭如蘭

臭氣也蘭香草震爲言巽爲蘭離日燥之

故其臭如蘭也

集解

初六藉用白茅无咎

其初難知陰又失正故獨舉初六

集解

子曰苟錯諸地而可矣藉之用茅何咎之有

慎之至也

苟或錯置也顧坤爲地故苟錯諸地今藉

以茅故无咎也

集解

夫茅之爲物薄

陰道柔賤故薄也

坤亦可重也

香絮可貴故可重也

案

子曰勞而不伐有功而不德厚之至也

坎爲勞五多功乾爲德德言至

案德言至三字疑衍

以上之貴下居三賤故勞而不伐有功而

不德艮爲厚坤爲至故厚之至也

集解

語以其功下人者也

震爲語五多功下居三故以其功下人者

也

集解

德言盛禮言恭

謙旁通履乾爲盛德坤爲禮天道虧盈而

益謙三從上來同之盛德故恭震爲言故

德言盛禮言恭

集解

謙也者致恭以存其位者也

坎爲勞故能恭三得位故以存其位者也

集解

子曰貴而无位

天尊故貴以陽居陰故无位

集解

高而无民

在上故高无陰故无民也

集解

賢人在下位

乾稱賢人下位謂初也遯世无悶故賢人

在下位而不憂也

集解

而无輔是以動而有悔也

謂上无民故无輔乾盈動傾故有悔文王

民國甲戌

虞翻易注

三章江都朱氏

補刊

居三紂亢極上故以爲誠也

集解

子曰亂之所生也則言語以爲階

節本泰卦坤爲亂震爲生爲言語坤稱階
故亂之所生則言語以爲階也

集解

君不密則失臣臣不密則失身

泰乾爲君坤爲臣爲閉故稱密乾三之坤
五君臣毀賊故君不密則失臣坤五之乾
三坤體毀壞故臣不密則失身坤爲身也

集解

幾事不密則害成

幾初也謂二已變成坤坤爲事故幾事不密初利居貞不密初動則體剝子弑其父

臣弑其君故害成

集解

是以君子慎密而不出也

君子謂初二動坤爲密故君子慎密體屯

盤桓利居貞故不出也

集解

子曰爲易者其知盜乎

晁氏同

爲易者謂文王否上之二成困三暴慢以

陰乘陽二變入宮爲萃五之二奪之成解
坎爲盜故爲易者其知盜乎

集解

負也者小人之事也

陰稱小人坤爲事以賤倍貴違禮悖義故

小人之事也

集解

乘也者君子之器也

君子謂五器坤也坤爲大車故乘君子之

器也

集解

小人而乘君子之器盜思奪之矣

小人謂三既違禮倍五復乘其車五來之
二成坎坎爲盜思奪之矣爲易者知盜乎
此之謂也

集解

上慢下暴盜思伐之矣

三倍五上慢乾君而乘其器下暴于二二
藏于坤五來寇三以離戈兵故稱伐一以

爲暴也

集解

慢藏悔盜野容悔淫

釋文同

坎心爲悔坤爲藏兌爲見藏不

案不疑作而

見

故慢藏三動成乾爲野坎水爲淫二變藏

坤則五來奪之故慢藏悔盜野容悔淫集解

悔謂悔恨野容誨淫言妖野容儀教誨淫

決也

釋文 案釋文下句注 仍作教誨之誨疑誤

易曰負且乘致寇至盜之招也

五來奪三以離兵伐之故變寇言戎以成

三惡二藏坤時艮手招盜故盜之招集解

奇於劫以象問

奇所掛一策劫所揲之餘不一則二不三

則四也取奇以歸扚扚并合掛左手之小
指爲一扚則以閏月定四時成歲故歸奇
於扚以象閏者也

集解

五歲再閏故再扚而後掛

謂已一扚復分掛如初揲之歸奇于初扚
并掛左手次小指閒爲再扚則再閏也又

分扚

案扚疑
作掛

揲之如初而掛左手第三指

閒成一變則布掛之一爻謂已二扚又加
一爲三并重合前二扚爲五歲故五歲再

閏再劫而後卦此參五以變據此爲三劫
不言三閏者閏歲餘十日五歲閏六十日
盡矣後劫閏餘分不得言三劫二閏故從
言再劫而後卦者也

集解

天數五地數五

天數五謂一三五七九地數五謂二四六

八十也

集解

五位相得而各有合

五位謂五行之位甲乾乙坤相得合木謂

天地定位也丙艮丁兌相得合火山澤通
氣也戊坎己離相得合土水火相逮也庚
震辛巽相得合金雷風相薄也壬壬地癸
相得合水言陰陽相薄而戰于乾故五位
相得而各有合或以一六合水二七合火
三八合木四九合金五十合土也

集解

天數二十有五

一三五七九故二十五也

集解

地數三十

二四六八十故三十也

集解

凡天地之數五十有五

天二十五地三十故五十有五天地數見于此故大衍之數畧其奇五而言五十也

集解

凡三百有六十

陽爻三十六陰爻二十四三爻一百二十

曰三百者舉大槩也

漢上易叢說

引而信之觸類而長之

引謂庖犧引信三才兼而兩之以六畫觸
動也謂六畫以成六十四卦故引而信之
觸類而長之其取類也大則發揮剛柔而
生爻也

集解

天下之能事畢矣

謂乾以簡能

案此句疑當作
謂聖人成能

能說諸心能

研諸侯之慮故能事畢

集解

顯道神德行

顯道神德行

案此五
字疑衍

乾二五之坤成離日

坎月日月在天運行照物故顯道神德行

默而成不言而信存于德行者也

集解

子曰知變化之道者其知神之所爲乎

在陽稱變乾二之坤在陰稱化坤五之乾

陰陽不測之謂神知變化之道者故知神

之所爲諸儒皆上子曰爲章首而荀馬又

從之甚非者矣

集解

以言者尙其辭

聖人之情見于辭繫辭焉以盡言也

集解

以卜筮者尙其占

乾著稱筮動離爲龜龜稱卜動則翫其占

故尙其占者也

集解

是故君子將有爲也將有行也問焉而以言
有爲謂建侯有行謂行師也乾二五之坤
成震有師象震爲行爲言問故有爲有行
凡應九筮之法則筮之謂問于蓍龜以言
其吉凶爻象動內吉凶見外蓍德圓神卦
德方智故史擬神知以斷吉凶也

集解

其受命也如嚮

言神不疾而速不行而至不言善應乾二

五之坤成震巽巽爲命震爲嚮故受命同

聲相應故如嚮也

集解

无有遠近幽深遂知來物

遠謂天近謂地幽謂陰深謂陽來物謂乾

神神以知來感而遂通謂幽贊神明而生

蓍也

集解

非天下之至精孰能與於此

至精謂乾純粹精也

集解

參五以變錯綜其數

逆上稱錯綜理也謂五歲再閏再劫而後卦以成一爻之變而倚六畫之數卦從下升故錯綜其數則三天兩地而倚數者也

集解
象旨

通其變遂成天地之文

案釋文云文虞作爻與此不合

變而通之觀變陰陽始立卦乾坤相親故

成天地之文物相雜故曰文

集解

三

極其數遂定天下之象

數六畫之數六爻之動三極之道故定天

下吉凶之象也

集解

非天下之至變其孰能與於此

謂參五以變故能成六爻之義六爻之義

易以工也

集解

易无思也无爲也

天下何思何慮同歸而殊塗一致而百慮

故无所爲謂其靜也

寂然不動

謂隱藏坤初機息矣專故不動者也

集解

感而遂通天下之故

感動也以陽變陰通天下之故謂發揮剛

柔而生爻者也

集解

非天下之至神其孰能與於此

至神謂易隱初入微知幾其神乎

集解

唯深也故能通天下之志

深謂幽贊神明无有遠近幽深遂知來物

故通天下之志謂著也

集解

唯幾也故能成天下之務

務事也謂易研幾開物故成天下之務謂

卦者也

集解

唯神也故不疾而速不行而至

神謂易也謂日月斗在天日行一度月行
十三度從天西轉故不疾而速星寂然不
動隨天右周感而遂通故不行而至者也

集解

天一

水甲

解集

地二

火乙

解集

天三

木丙

解集

地四

金丁

解集

天五

土戊集

地六

水己集

天七

火庚集

地八

木辛集

天九

金壬集

地十

土癸

○此則大衍之數五十有五，蒼龜所從，生聖人以通神明之德，以類萬物。

之情
集解

子曰：夫易何爲而作也？

問易何爲取天地之數也？

集解

夫易開物成務，冒天下之道如斯而已者也。

以陽開坤，謂之開物；以陰翕乾，謂之成務。

冒觸也，觸類而長之如此也。

集解

六爻之義，易以工。

釋文：貢虞作工。

聖人以此先心

釋文同

退藏於密吉凶與民同

患

聖人謂庖犧以蓍神知來故以先心陽動
入巽巽爲退伏坤爲閉戶故藏密謂齊乎
巽以神明其德陽吉陰凶坤爲民故吉凶
與民同患謂作易者其有憂患也

集解

神以知來知以藏往

乾神知來坤知藏往來謂先心往謂藏密

也

集解

其孰能與於此哉

本義辯證云唐石經及李鼎祚本皆云其孰能與此

哉正義有於字蓋宋以後人所增案今集解亦有於字

誰乎能爲此哉謂古之聰明睿知之君也

集解

古之聰明睿知神武而不殺者夫

謂大人也庖羲在乾五動而之坤與天地

合聰明在坎則聰在離則明神武謂乾睿

知謂坤乾坤坎離反復不衰故而不殺者

夫

集解

是以明於天之道而察於民之故

乾五之坤以離日照天故明天之道以坎

月照坤故察民之故坤爲民

集解

以神明其德夫

絕句釋文

是故闔戶謂之坤

闔閉翕也謂從巽之坤坤柔象夜故以閉

戶者也

集解

闢戶謂之乾

闢開也謂從震之乾乾剛象晝故以開戶

以開戶也

集解

一闔一闢謂之變

陽變闔陰陰變闢陽剛柔相推而生變化

也

集解

是故易有太極是生兩儀

太極太一也分爲天地故生兩儀也

集解

兩儀生四象

四象四時也兩儀謂乾坤也乾二五之坤

成坎離震兌震春兌秋坎冬離夏故兩儀

生四象歸妹卦備故彖獨稱天地之大義

也

集解

四象生八卦

乾二五之坤則生震坎艮坤二五之乾則生巽離兌故四象生八卦乾坤生春艮兌生夏震巽生秋坎離生冬者也

集解

八卦定吉凶

陽生則吉陰生則凶謂方以類聚物以羣分吉凶生矣已言于上故不言生而獨言

定吉凶也

集解

縣象著明莫大乎日月

謂日月縣天成八卦象三日莫震象

案漢上易

卦圖六經天文編震象兌象乾象巽象艮象坤象下俱有月字丹鉛總錄易圖明辨

引並出庚八日兌象見丁十五日乾象盈

甲

案漢上易卦圖六經天文編甲下有壬字

十七

案七疑作六諸本並同

日旦巽象退辛二十三日艮象消丙三十

日坤象滅乙晦夕朔旦

案漢上易卦圖六經天文編旦下有

則坎象

案漢上易卦圖六經天文編象下有

水字流戊日中則

離離象

案漢上易卦圖六經天文編象下有火字

就已

案漢上易卦圖

己下有

戊己土位象見于中日月相推而

明生焉故縣象著明莫大乎日月者也

集解

漢上易卦圖

六經

天文編

丹鉛總錄

崇高莫大乎富貴

謂乾正位于五五貴坤富以乾通坤故高

案高疑

大富貴也

作莫

備物致用立成器以為天下利莫大乎聖人

神農黃帝堯舜是也民多否閉取乾之坤

謂之備物以坤之乾謂之致用乾爲物坤
爲器用否四之初耕稼之利否五之初市
井之利否四之二舟楫之利否上之初牛
馬之利謂十二蓋取以利天下通其變使
民不倦神而化之使民宜之聖人作而萬
物覩故莫大乎聖人者也

集解

探噴索隱鉤深致遠以定天下之吉凶成天
下之娓娓者草善乎著龜

娓娓今作蠶蠶

採取噴初也初隱未見故探噴索隱則幽

虞翻易注

贊神明而生蓍初深故曰鉤深致遠謂乾
乾爲蓍乾五之坤大有離爲龜乾生知吉
坤殺知凶故定天下之吉凶莫善于蓍龜
也

集解

繫辭焉所以告也

謂繫彖象之辭八卦以象告也

集解

定之以吉凶所以斷也

繫辭焉以斷其吉凶八卦定吉凶以斷天

下之疑也

集解

子曰右者助也

大有兌爲口口助稱右

集解

震之所助者順也

大有五以陰順上故爲天所助者順也

集解

震之所助者信也

信謂二也乾爲人爲信庸言之信也

集解

履信思乎順有以尙賢也

大有五應二而順上故履信思順比坤爲順坎爲思乾爲賢人坤伏乾下故有以尙

賢者也

集解

子曰書不盡言言不盡意

謂書易之動九六之變不足以盡易之所

言言之則不足以盡庖犧之意也

集解

鼓之舞之以盡神

神易也陽息震為鼓陰消巽為舞故鼓之

舞之以盡神

集解

象旨

乾坤其易之緼邪

乾德在坤曰緼虞作緼

緼藏也易麗乾藏坤故為易之緼也

集解

繫辭下

八卦成列象在其中矣

象謂三才成八卦之象乾坤列東艮兌列
南震巽列西坎離在中故八卦成列則象
在其中天垂象見吉凶聖人象之是也

集解

因而重之爻在其中矣

謂參重三才爲六爻發揮剛柔則爻在其
中六畫稱爻六爻之動三極之道也

集解重

卦伏犧

輯聞

剛柔相推變在其中矣

謂十二消息九六相變剛柔相推而生變

化故變在其中矣

集解

繫辭焉而命之動在其中矣

謂繫彖象九六之辭故動在其中鼓天下

之動者存乎辭者也

集解

吉凶悔吝者生乎動者也

動謂爻也爻者效天下之動者也爻象動

內吉凶見外吉凶生而悔吝著故生乎動

也

集解

剛柔者立本者也

乾剛坤柔爲六子父母乾天稱父坤地稱母本天親上本地親下故立本者也

集解象
旨引

變通者趣時者也

變通配四時故趣時者也

集解

吉凶者貞勝者也

貞正也勝滅也陽生則吉陰消則凶者也

集解

天下之動貞夫一者也

一謂乾元萬物之動各資天一陽氣以生

故天下之動貞夫一者也

集解

夫乾確然示人易矣

陽在初弗用確然无爲潛龍時也不易世

不成名故示人易者也

集解

夫坤隤然示人簡矣

隤安簡閱也坤以簡能閱內萬物故示人

簡者也

集解

爻也者效此者也

效法之謂坤謂效三才以爲六畫

集解

象也者象此者也

成象之謂乾謂聖人則天之象分爲三才

也

集解

爻象動乎內吉凶見乎外

內初外上也陽象動內則吉見外陰爻動

內則凶見外也

集解

古者庖犧氏之王天下也

庖犧太昊氏以木德王天下位乎乾五五
動見離離生于木故知火化炮啖犧牲號

庖犧氏也

集解

於是始作八卦

謂庖犧觀鳥獸之文則天八卦效之易有
太極是生兩儀兩儀生四象四象生八卦
八卦乃四象之所生非庖犧之所造也故
曰象者象此者也則大人造爻象以象天
卦可知也而讀易者咸以爲庖犧之時天

未有八卦恐失之矣天垂象示吉凶聖人

象之則天已有八卦之象

集解

作結繩而爲罟以田以魚蓋取諸離

今本罟上有網

字

離爲日

案日疑作目

巽爲繩目之重者唯罟故

結繩爲罟坤二五之乾成離巽爲魚坤二

稱田以罟取獸曰田故取諸離也

集解

庖犧氏沒神農氏作

沒終作起也神農以火德繼庖犧王火生

土故知土則利民播種號神農氏也

集解

斲木爲耜揉木爲耒耒耨之利以教天下蓋取諸益

否四之初也巽爲木爲入艮爲手乾爲金手持金以入木故斲木爲耜耜止所踰因名曰耜艮爲小木手以撓之故揉木爲耒耒耨耨器也巽爲號令乾爲天故以教天下坤爲田巽爲股進退震足動耜艮手持耒進退田中耕之象也益萬物者莫若雷

風故法風雷而作耒耜

集解

日中爲市以天下之民聚天下之貨交易而退各得其所蓋取諸噬嗑

否五之初也離象正上故稱日中也震爲足艮爲徑路震又爲大塗否乾爲天坤爲民故致天下之民象也坎水艮山羣珍所出聚天下貨之象也震升坎降交易而退各得其所噬嗑食也市井交易飲食之道故取諸此也

集解 案此條毛本胡本引作翟元注誤

神農氏沒黃帝堯舜氏作通其變使民不倦
變而通之以盡利謂作舟楫服牛乘馬之
類故使民不倦也集解
神而化之使民宜之

神謂乾乾動之坤化成萬物以利天下坤
爲民也象其物宜故使民宜之也集解

帝堯舜垂衣裳而天下治蓋取諸乾坤

乾爲治在上爲衣坤下爲裳乾坤萬物之

故以象衣裳乾爲明君坤爲順臣百官

以治萬民以察故天下治蓋取諸此也

集解

艮牛乘馬引重致遠以利天下蓋取諸隨

否上之初也否乾為馬為遠坤為牛為重

坤初之上為引重乾上之初為致遠艮為

背巽為股在馬上故乘馬巽為繩繩束縛

物在牛背上故服牛出否之隨引重致遠

以利天下故取諸隨

集解 象曰 否上

艮木為杵闕地為目目杵之利萬民以濟蓋

取諸小過

晉上之三也艮爲小木上來之三斷艮故
斷木爲杵坤爲地艮手持木以闕坤三故
闕地爲目艮止于下目之象也震動而上
杵之象也震出巽入艮手持杵出入目中
春之象也故取諸小過本无乾象故不言
以利天下也

集解

斲木爲無刻木爲矢弧矢之利以威天下蓋
取諸順

无妄五之二也巽爲繩爲木坎爲弧離爲

矢故弦木爲弧乾爲金艮爲小木五之二
以金剡艮故剡木爲矢乾爲威五之二故
以威天下弓發矢應而坎雨集故取諸睽
也

集解

上古穴居而野處後世聖人易之以宮室上
棟下宇以待風雨蓋取諸大壯

象取旨虞翻注
无妄明易

无妄兩象易也无妄乾在上故稱上古艮
爲穴居乾爲野巽爲處无妄乾人在路故
穴居野處震爲後世乾爲聖人後世聖人

謂黃帝也艮爲宮室變成大壯乾人入宮
故易以宮室艮爲待巽爲風兌爲雨乾爲
高巽爲長木反在上爲棟震陽動起爲上
棟宇謂屋邊也兌澤動下爲下宇无妄之
大壯巽風不見兌雨隔震與乾絕體故上
棟下雨以待風雨蓋取諸大壯者也集解
古之葬者厚衣之以薪葬之中野不封不樹
喪期无數後世聖人易之以棺槨蓋取諸大
過

中孚上下易象也本无乾象故不言上古
大過乾在中故但言古者巽爲薪艮爲厚
乾爲衣爲野乾象在中故厚衣之以薪葬
之中野穿土稱封封古窆字也聚土爲樹
中孚无坤坎象故不封不樹坤爲喪期謂
從斬纋至總麻日月之期數无坎離日月
坤象故喪期无數巽爲木爲入處兌爲口
乾爲人木而有口乾人入處棺斂之象中
孚艮爲山艮巽木在裏棺藏山陵槨之象

也故取諸大過

集解

象旨引巽爲木至乾人入處棺斂之象

上古結繩而治後世聖人易之以書契百官以治萬民以察蓋取諸夬

履上下象易也乾象在上故復言上古巽爲繩離爲罟乾爲治故結繩以治後世聖人謂黃帝堯舜也夬旁通剝剝坤爲書兌爲契故易之以書契乾爲百剝艮爲官坤爲衆臣爲萬民爲迷暗乾爲治夬反剝以乾照坤故百官以治萬民以察故取諸夬

大壯大過夬此三蓋取直兩象上下相易
故俱言易之大壯本无妄夬本履卦乾象
俱在上故言上古中孚本无乾象大過乾
不在上故但言古者大過亦言後世聖人
易之明上古時也

集解

是故易者象也

易謂日月在天成八卦象縣象著明莫大

日月是也

集解

象也者像也

釋象

文像眾本竝云擬也虞還作

彖者材也

彖說三才則三分天象以爲三才謂天地

人道也

集解

爻也者效天下之動者也

動發也謂兩三才爲六畫則發揮剛柔而

生爻也

集解

是故吉凶生而悔吝著也

爻象動內則吉凶見外吉凶悔吝者生乎

動者也故曰著

集解

陽卦奇陰卦耦其德行何也

陽卦一陽故奇陰卦二陽故耦謂德行何

可者也

集解

天下何思何慮

易无思也既濟定六位得正故何思何慮

集

解

日往則月來

謂咸初往之四與五成離故日往與二成坎故月來之外日往在內月來此就爻之

民國甲戌

夏羽易主

重江都朱氏

正者也

集解

月往則日來

初變之四與上成坎故月往四變之初與

二成離故日來者也

集解

日月相推而明生焉

既濟體兩離坎象故明生焉

集解

寒往則暑來

乾爲寒坤爲暑謂陰息陽消從姤至否故

寒往暑來也

集解

暑往則寒來

陰詘陽信從復至泰故暑往寒來也

集解

詘信相感而利生焉

感咸象故相感天地感而萬物化生聖人感人心而天下和平故利生利生謂陽出

震陰伏藏

集解

龍蛇之蟄以存身也

蟄潛藏也龍潛而蛇藏陰息初巽爲蛇陽息初震爲龍十月坤成十一月復生姤巽

在下龍蛇俱蟄初坤爲身故龍蛇之蟄以

存身也

集解

窮神知化德之盛也

以坤變乾謂之窮神以乾通坤謂之知化

乾爲盛德故德之盛

集解

子曰非所困而困焉名必辱

困本咸咸三入宮以陽之陰則二制坤故
以次咸爲四所困四失位惡人故非所困
而困焉陽稱名陰爲辱以陽之陰下故名

必辱也

集解

非所據而據焉身必危

謂據二二失位故非所據而據焉二變時

坤爲身二折坤體故身必危

集解

子曰隼者禽也

離爲隼故稱禽言其行野容如禽獸焉

集解

弓矢者器也

離爲矢坎爲弓坤爲器

集解

射之者人也

人賢人也謂乾三伏陽出而成乾故曰射
之者人人則公三應上故上令三出而射
隼也

集解

君子藏器於身待時而動何不利之有

三伏陽爲君子二變時坤爲身爲藏器爲

案爲疑
作謂

藏弓矢以待射隼艮爲待爲時三

待五來之二弓張矢發動出成乾貫隼入
大過死兩坎象壞故何不利之有象曰以
解悖三陰小人乘君子器故上觀三出射

去隼也

集解

動而不括是以出而有獲語成器而動者也
括作也震爲語乾五之坤二成坎弓離矢
動以貫隼故語成器而動者也

集解

子曰小人不恥不仁不畏不義

謂否也以坤滅乾爲不仁不義坤爲恥爲

義乾爲仁爲畏者也

集解

不見利不動不威不徵

否乾爲威爲利巽爲近利謂否五之初成

噬嗑市離日見乾爲見利震爲動故不見利不動五之初以乾威坤故不威不徵震

爲徵也

集解

小徵而大戒此小人之福也

艮爲小乾爲大五下威初坤殺不行震懼號號故小徵大戒坤爲小人乾爲福以陽

下陰民說无疆故小人之福也

集解

善不積不足以成名惡不積不足以滅身

乾爲積善陽稱名坤爲積惡爲身以乾滅

培故滅身者也

集解

小人以小善爲无益而弗爲也

小善謂復初

集解

以小惡爲无傷而弗去也

小惡謂妬初

集解

故惡積而不可弇

謂陰息妬至遯子弑其父故惡積而不可

弇

集解

罪大而不可解

陰息遯成否以臣弑君故罪大而不可解

也

集解

是故君子安而不忘危

君子大人謂否五也否坤爲安危謂上也

集解

是以身安而國家可保也

坤爲身謂否反成泰君位定於內而臣忠

於外故身安而國家可保也

集解

子曰德薄而位尊

鼎四也則離九四凶惡小人故德薄四在

乾位故位尊

集解

知少而謀大

兌爲少知乾爲大謀四在乾體故謀大矣

集解

力少而任重

本義辨證曰力少今本說爲力小石經及集解本皆作少顏師

古章懷太子兩漢書注所引皆然王莽傳曰德薄位尊力少任大

五至初體大過本末弱故力少也乾爲仁

故任重以爲己任不亦重乎

集解

匙不及矣

匙少也及及于刑矣

集解

子曰知幾其神乎

幾謂陽也陽在復初稱幾此謂豫四也惡
鼎四折足故以此次言豫知四幾而反復

初也

集解

君子上交不諂下交不瀆其知幾乎

豫二謂四也四失位諂瀆上謂交五五貴
震爲笑言笑言且諂也故上交不諂下謂

交三坎爲瀆故下交不瀆欲其復初得正

元吉故其知幾乎

集解

幾者動之微吉之先見者也

陽見初成震故動之微復初元吉吉之先

見者也

集解

子曰顏氏之子其殆庶幾乎

幾者神妙也顏子知微故殆庶幾孔子曰

回也其庶幾也

集解

有不善未嘗不知

復以自知老子曰自知者明

集解

知之未嘗復行也

謂顏回不遷怒不貳過克己復理天下歸

仁

集解

天地壹靈萬物化醇

謂泰上也先說否否反成泰故不說泰天

地交萬物通故化醇

集解

男女構精萬物化生

謂泰初之上成損艮爲男兌爲女故男女

構精乾爲精損反成益萬物出震故萬物

化生也

集解

子曰君子安其身而後動

謂反損成益君子益初也坤爲安身震爲

後動

集解

易其心而後語

乾爲易益初體復心震爲後語

集解

定其交而後求

震專爲定爲後交謂剛柔始交艮爲求

集解

君子脩此三者故全也

謂否上之初損上益下其道大光自上下

下民說无疆故全也

集解

危以動則民不與也

謂否上九高而无位故危坤民否閉故弱

與也

集解

懼以語則民不應也

否上窮災故懼不下之初成益故民不應

坤爲民震爲應也

集解

无交而求則民不與也

上來之初故交

案疑作上不交初故无交

坤民否閉故

不與震爲交

集解

莫之與則傷之者至矣

上不之初否消滅乾則體剝傷臣弑君子

弑父故傷之

案之下疑有者字

至矣

集解

陰陽合德而剛柔有體

合德謂天地雜保太和日月戰乾剛以體

天坤柔以體地也

集解

於稽其類其衰世之意邪

稽考也三稱盛德上稱末世乾終上九動

則入坤坤弑其君父故爲亂世陽出復震

入坤出坤故衰世之意邪

集解

夫易章往而察來而微顯闡幽開而當名

神以知來知以藏往微者顯之謂從復成

乾是察來也闡者幽之謂從姤之坤是章

往也陽息出初故開而當名

集解

其稱名也小

謂乾坤與六子俱名八卦而小成故小復

小而辯于物者矣

集解

其取類也大

謂乾陽也爲天爲父觸類而長之故大也

集解

其旨遠其辭文

遠謂乾文謂坤也

集解

其言曲而中其事肆而隱

曲詘肆直也陽曲初震爲言故其言曲而

中坤爲事隱未見故肆而隱也

集解

因貳以濟民行以明失得之報

象旨虞翻以貳爲乾坤

二謂乾與坤也坤爲民乾爲行行得則乾

報以吉行失則坤報以凶也

集解

易之興也其於中古乎

興易者謂庖犧也文王書經繫庖犧于乾

五乾爲古五在乾中故興于中古繫以黃

帝堯舜爲後世聖人庖犧爲中古則庖犧

以前爲上古

集解

作易者其有憂患乎

謂憂患百姓未知興利遠害不行禮義茹
毛飲血衣食不足庖犧則天八卦通爲六
十四以德化之吉凶與民同患故有憂患

集解

是故履德之基也

乾爲德履與謙旁通坤柔履剛故德之基

坤爲基

集解

德之柄也

坤爲柄柄本也凡言德皆陽爻也

集解

復德之本也

復初乾之元故德之本也

集解

恒德之固也

立不易方守德之堅固

集解

巽德之制也

巽風爲號令所以制下故曰德之制也

集解

履和而至

謙與履通謙坤柔和故履和而至禮之用

和爲貴者也

集解

覆小而辨于物

陽始見故小乾陽物坤陰物以乾居坤故

稱別物

集解

損先難而後易

損初之上失二故先難終反成益得位于

初故後易易甘心而後語

集解

益長裕而不設

謂天施地生其益无方凡益之道與時偕

行故不設也

集解

困窮而通

陽窮否上變之坤二成坎坎爲通故困窮

而通也

集解

履以和行

禮之用和爲貴謙震爲行故以和行也

集解

謙以制禮

陰稱禮謙三以一陽制五陰萬民服故以

制禮也

集解

復以自知

有不善未嘗不知故自知也

集解

恒以一德

恒德之固立不易方從一而終故一德者

也

集解

損以遠害

坤爲害泰以初止坤上故遠害乾爲遠

集解

困以寡怨

坤爲怨否弑父與君乾來上折坤二故寡

怨坎水性通故不怨也

集解

井以辨義

坤爲義以乾別坤故辨義也

集解

爲道也婁遷

案婁古屢字見漢書

遷徙也日月周流上下无常故婁遷也

集解

變動不居周流六虛

變易動行六虛六位也日月周流終則復

始故周流六虛謂甲子之旬辰巳虛坎戊

爲月離己爲口人在中宮其處先虛故稱

六虛五甲如次者也

集解

上下无常剛柔相易

剛柔者晝夜之象也在天稱上入地爲下

故上下无常也

集解

不可爲典要唯變所適

典

案毛本典下有常字

要道也上下无常故不可爲

典要適乾爲晝適坤爲夜

集解

其出入以度外內使知懼

出乾爲外入坤爲內日行一度故出入以

度出陽知生入陰懼死使知懼也

集解

又明於憂患與故

神以知來故明憂患知以藏往故知事故

作易者其有憂患乎

集解

无有保師如臨父母

臨見也言陰陽施行以生萬物无有師保

生成之者萬物出生皆如父母孔子曰參

蓍之道天地絪縕爲父母坤爲母

集解

初帥其辭而揆其方

初始下也帥正也謂脩辭立誠方謂坤也
以乾通坤故初帥其辭而揆其方

集解

既有典常苟非其人道不虛行

其出入以度故有典常苟誠也其人謂乾
爲賢人神而明之存乎其人不言而信謂
之德行故不虛行也

集解

原始要終以爲質也

質本也以乾原始以坤要終謂原始及終

以知死生之說

集解

六爻相雜唯其時物也

陰陽錯居稱雜時陽則陽時陰則陰故唯

其時物乾陽物坤陰物

集解

若夫雜物撰德辨是與非則非其中爻不備

撰德謂乾辨別也是謂陽非謂陰也中正

乾六爻二四上非正坤六爻初三五非正

故雜物因而重之爻在其中故非其中則

爻辭不備道有變動故曰爻也

集解

噫亦要存亡吉凶則居可知矣

謂知存知亡要終者也居乾吉則存居坤
凶則亡故曰居可知矣

集解

物相雜故曰文

乾陽物坤陰物純乾純坤之時未有文章
陽物入坤陰物入乾更相雜成六十四爻
乃有文章故曰文

集解

易之興也其當殷之末世周之盛德邪當文
王與紂之事邪

謂文王書易六爻之辭也末世乾上盛德
乾三也文王三分天下而有其二以服事
殷周德其可謂至德矣故周之盛德紂窮
否上知存而不知亡知得而不知喪終以
焚死故殷之末世也而馬荀卿君從俗以
文王爲中古失之遠矣

集解

是故其辭危

危謂乾三夕惕若厲故辭危也

集解

其道甚大百物不廢

大謂乾道乾三爻三十六物故有百物畧

其奇八與大衍之五十同義

集解

懼以終始其要无咎此之謂易之道也

乾稱易道終日乾乾故无咎危者使本身

者使傾惡盈福謙故易之道者也

集解

夫乾天下之至健也德行恒易以知險

險謂坎也謂乾二五之坤成坎離日月麗

天天險不可升故知險者也

集解

夫坤天下之至順也德行恒簡以知阻

阻險阻也謂坤二五之乾艮爲山陵坎爲水巽高兌下地險山川丘陵故以知阻也

集解

能說諸心

乾五之坤坎爲心兌爲說故能說諸心

集

能研諸侯之慮

晁氏曰虞本有侯之二字象旨云虞本非

坎心爲慮乾初之坤爲震震爲諸侯故能

研諸侯之慮

集解

定天下之吉凶成天下之亹亹者

謂乾二五之坤成離日坎月則八卦象具
八卦定吉凶故能定天下之吉凶婉婉進
也離爲龜乾爲蓍月生震初故成天下之
婉婉謂莫善蓍龜也

集解

是故變化云爲吉事有祥

祥幾祥也吉之先見者也陽出變化云爲
吉事爲祥謂復初乾元者也

集解

象事知器占事知來

象事謂坤坤爲器乾五之坤成象故象事

知器也占事謂乾以知來乾五動成離則

說其占故知來

集解

天地設位聖人成能

天尊五地卑二故設位乾為聖人成能謂

能說諸心能研諸侯之慮故成能也

集解

人謀鬼謀百姓與能

乾為人坤為鬼乾二五之坤坎為謀乾為

百坤為姓故人謀鬼謀百姓與能

集解

八卦以象告

在天成象乾二五之坤則八卦象成兌口

震言故以象告也

集解

剛柔雜居而吉凶可見矣

乾二之坤成坎坤五之乾成離故剛柔雜居艮爲居離有與兌坎有震艮八卦體備

故吉凶可見也

集解

變動以利言

乾變之坤成震震爲言故變動以利言也

集解

象旨

引至震爲言

吉凶以情遷

乾吉坤凶六爻發揮旁通情也故以情遷

集解

是以愛惡相攻而吉凶生

攻摩也乾爲愛坤爲惡謂剛柔相摩以愛
攻惡生吉以惡攻愛生凶故吉凶生也

集解

遠近相取而悔吝生

遠陽謂乾近陰謂坤陽取陰生悔陰取陽

生吝悔吝言小疵

集解

情偽相感而利害生

情陽偽陰也情感偽生利偽感情生害乾

爲利坤爲害

集解

或寧之悔且吝

坤爲害以陰居陽以陽居陰爲悔且吝也

集解

將叛者其辭慙

坎人之辭也近而不相得故叛坎爲隱伏

將叛坎爲心故慙也

集解

坎

引坎人

中心疑者其辭枝

離人之辭也火性枝分故枝疑也

集解 離人之辭也

古人之辭寡

艮人之辭也

集解

象旨

躁人之辭多

震人之辭也震為決躁恐懼號號笑言啞

啞故多

集解

象旨引震人之辭也

隨善之人其辭游

兌人之辭也兌為口舌誣乾乾為謔人也

象旨引兌人之辭也

其守者其辭也

巽人之辭也巽詰詘陽在初守巽初陽入
伏陰下故其辭詘此六子也離上坎下震
起艮止兌見巽伏上經終坎離則下經終
既濟未濟上繫終乾坤則下繫終六子此
易之大義者也

集解

象旨引巽人之辭也

說卦

參天兩地而倚數

倚立

釋文同

參三也謂分天象為三才以地

兩之立六畫之數故倚數也

集解

觀變於陰陽而立卦

謂立天之道曰陰與陽乾坤剛柔立本者

卦謂六爻陽變成震坎艮陰變成巽離兌

故立卦六爻三變三六十八則有十八變

而成卦

案疑作則十有八變而成卦

八卦而小成是也

繫曰陽一君二民陰二君一民不道乾坤

者也

集解

發揮於剛柔而生爻

謂立地之道曰柔與剛發動揮變變剛生柔爻變柔生剛爻以三爲六也因而重之

爻在其中故生爻

集解

和順於道德而理於義

謂立人之道曰仁與義和順謂坤道德謂

乾以乾通坤謂之理義也

集解

窮理盡性以至於命

以乾推坤謂之窮理以坤變乾謂之盡性

性盡理窮故至于命巽爲命也

集解

昔者聖人之作易也

重言昔者明謂庖犧也

集解

將以順性命之理

謂乾道變化各正性命以陽順性以陰順

命

集解

兼三才而兩之故易六畫而成卦

謂參天兩地乾坤各三爻而成六畫之數

集解

分陰分陽迭用柔剛

迭遞也分陰爲柔以象夜分陽爲剛以象晝剛柔者晝夜之象晝夜更用故迭用柔

剛矣

集解

重易六畫而成章

章謂文理乾三畫成天文坤三畫成地理

集解

天地定位

謂乾坤五貴二賤故定位也

集解 學紀聞

同

山澤通氣

謂艮兌同氣相求故通氣集解 因

雷風相薄

謂震巽同聲相應故相薄集解 因

水火不相射射音亦釋文

謂坎離射厭也釋文水火相通坎戊離己

月三十日一會於壬故不相射也集解 因

象旨引坎戊離己月三十日一會於壬不相厭射

氣替相錯

錯摩則剛柔相摩八卦相蕩也集解

數往者順

謂坤消從午至亥上下故順也集解

知來者逆

謂乾息從子至巳下上故逆也集解

是故易逆數也

易謂乾案乾下疑有氣從下生四字故逆數

萬物出乎震震東方也

出生也震初不見東故不稱東方卦也集解

齊平巽巽東南也齊也者言萬物之絜齊也
巽陽隱初又不見東南亦不稱東南卦與
震同義巽陽藏室故絜齊集解

離也者明也萬物皆相見南方之卦也

離爲日爲火故明日出照物以日相見離
象三爻皆正日中正南方之卦也集解

聖人南面而聽天下嚮明而治蓋取諸此也
離南方故南面乾爲治乾五之坤坎爲耳
離爲明故以聽天下向明而治也集解

坤也者地也萬物皆致養也故曰致役乎坤
坤陰无陽故道廣布不主一方含弘光大

養成萬物

集解

兌正秋也萬物之所說也故曰說言乎兌

兌三失位不正故言正秋兌象不見西故
不言西方之卦與坤同義兌爲雨澤故說
萬物震爲言震二動成兌言從口出故說

言也

集解

戰乎乾乾西北之卦也言陰陽相薄也

乾剛正五

素五疑作每

月十五日晨向西北故

西北之卦薄入也坤十月卦乾消剝入坤

故陰陽相薄也

集解

坎者水也正北方之卦也勞卦也萬物之所歸也故曰勞乎坎

歸藏也坎二失位不正故言正北方之卦

與兌正秋同義坎月夜中故正北方

集解

艮東北之卦也萬物之所成終而所成始也

故曰成言乎艮

艮三得正故復稱卦萬物成始乾甲成終
坤癸艮東北是甲癸之間故萬物之所成
終而成始者也

集解 困學
紀聞節引

然後能變化既成萬物也

謂乾變而坤化乾道變化各正性命成既
濟定故既成萬物矣

集解

乾健也

精剛自勝動行不休故健也

集解

坤順也

純柔承天時行故順

集解

震動也

陽出動行

集解

巽入也

乾初入陰

集解

坎陷也

陽陷陰中

集解

離麗也

日麗乾剛

集解

艮止也

陽位在上故止

集解

兌說也

震爲大笑陽息震成兌震言出口故說

集解

爲君

貴而嚴也

集解

爲父

成三男其取類大故爲父也

集解

爲大赤

太陽爲赤月望出入時也

集解

爲良馬

乾善故良也

集解

坤爲地

柔道靜

集解

爲母

成二女能致養故爲母

集解

爲衆

物三稱羣陰爲民三陰相隨故爲衆也

集解

震爲雷

太陽火得水有聲故爲雷也

集解

爲駢

釋文

容齋隨筆

六經與論云虞作

駢音龍非是

象旨依虞本作駢

駢蒼色

釋文

震東方故爲駢舊讀作龍上

已爲龍非也

集解 漢上易傳

爲玄黃

天玄地黃震天地之雜物故爲玄黃

爲專

釋文專本又作專如字虞同

晁氏象旨專虞本作專

陽在初隱靜未出觸坤故專則乾靜也專

延叔堅說以專爲專大布非也

集解 晁氏節引

爲長子

乾一索故爲長子

集解

其於馬也爲善鳴

爲雷故善鳴也

集解

爲鼻足爲作足

馬白後左足爲鼻震爲左爲足爲作初陽

白故爲作足

集解

爲的顙

的白顙額也震體頭在口上白故的顙詩

云有馬白顙是也

集解

爲阪生

釋文反虞作阪

阪陵阪也

釋文

其究爲健爲蕃鮮

震巽相薄變而至三則下象究與四成乾

故其究爲健爲蕃鮮巽究爲躁卦躁卦則

震震雷巽風无形故卦特變耳

集解漢上易傳節

引

爲丁

爲近利市三倍故爲工子夏曰工居肆集解

爲白

乾陽在上故白集解象旨
引乾陽在上

爲高

乾陽在上長故高集解

爲進退

陽初退故進退集解

爲臭

臭氣也風至知氣巽二入艮鼻故為臭

曰其臭如蘭

集解

其於人也為宣髮

漢上易叢說同象曰宣髮虞翻本作宣髮

為白故宣髮馬君以宣為寡髮非也

集解

為廣顙

變至三坤為廣四動成乾為顙在頭口上

故為廣顙與震的顙同義震一陽故的顙

巽變乾二陽故廣顙

集解

為多白眼

爲白離日上向則白眼見故多白眼

集解

爲近利市三倍

變至三成坤坤爲近四動乾乾爲利至五
成噬嗑故稱市乾三爻爲三倍故爲近利
市三倍動上成震故其究爲躁卦八卦諸

爻唯震巽變耳

集解

其究爲躁卦

變至五成噬嗑爲市動上成震故其究爲
躁卦明震內體爲專外體爲躁

集解

爲溝瀆

以陽闢坤水性流通故爲溝瀆也

集解

爲隱伏

陽藏坤中故爲隱伏也

集解

爲弓輪

可矯揉故爲弓輪坎爲月月在于庚爲弓

在甲象輪故弓輪也

集解

其於人也爲加憂

兩陰失心爲多眚故加憂

集解

爲心病

爲勞而加憂故心病亦以坎爲心坎二折

坤爲心病

集解

其於輿也爲多眚

眚敗也坤爲大車坎折坤體故爲車多眚

也

集解

爲通

水流瀆故通也

集解

爲月

坤為夜以坎陽光坤故為月也

集解

為盜

水行潛竊故為盜也

集解

其於木也為堅多心

陽剛在中故堅多心棘棗屬也

集解

為甲冑

外剛故為甲乾為首巽繩貫甲而在首上

故為冑冑兜鍪也

集解

為戈兵

乾為金離火斷乾燥而鍊之故為戈兵也

集解

其於人也為大腹

象曰常滿如妊身婦故為大腹乾為大也

集解

為乾卦

火曰煖燥物故為乾卦也

集解

為鼃為蟹為贏為蚌為龜

此五者皆取外剛內柔也

集解

其於木也為折上橐

釋文科虞作折
易叢說同
象旨
漢上

巽木在離中體大過死巽蟲食心則折也

蠹蟲食口木

案疑作蠹蟲口食木

故上橐或以離火

燒巽故折上橐

集解
晁氏漢
上易傳俱節引

為徑路

艮為山中徑路震陽在初則為大塗艮陽

小故為徑路也

集解

為門闕

乾為門艮陽在門外故為門闕兩小山闕

之象也

集解

為指

艮手多節故為指

集解

象旨引艮

為拘

象旨狗虞作拘

指屈伸制物故為拘拘舊作狗上已為狗

字之誤

集解

象旨

為鼠

似狗而小在坎穴中故為鼠晉九四是也

集解

其於木也爲多節

今本爲堅多節

陽剛在外故多節松柏之屬

集解

兌爲澤

坎水半見故爲澤

集解

象旨引首四字

爲少女

坤三索位在末故少也

集解

爲巫

乾爲神兌爲通與神通氣女故爲巫

集解

爲口舌

虞翻易注

兌爲

案爲疑
作得

震聲故爲口舌

集解

爲毀折

二折震足故爲毀折

集解

爲附決

乾體未圓故附決也

集解

其於地也爲剛兩

乾二陽在下故剛澤水潤下故鹹

集解

爲妾

三少女位賤故爲妾

集解

為羔

釋其

羔女使皆取位賤故為羔舊讀以震駝為龍良拘為狗兌羔為羊皆已見上此為再出非孔子意也震已為長男又言長子謂以當繼世守宗廟主祭祀故詳舉之三女皆言長中少明女子各當外成故別見之此其大例者也

集解

序卦

物大然後可觀故受之以觀

臨反成觀二陽在上故可觀也集解

可觀而後有所合故受之以噬嗑噬嗑者合也

頤中有物食故曰合也集解

物不可以苟合而已故受之以賁賁者飾也

分剛上文柔故飾集解

物不可以終盡剝窮上反下

陽四月窮上消邁至坤者也集解

物畜然後可養故受之以頤頤者養也

天地養萬物聖人養賢以及萬民

集解

不養則不可動故受之以大過

入頤不動則死故受之以大過大過否卦

倍蓰之象也

集解

曰大地

謂天地否也

集解

然後有萬物

謂否反成泰天地壹壹萬物化醇故有萬

物也

集解

萬物然後有男女

謂泰已有否否三之上反正成咸艮爲男

兌爲女故有男女

集解

有男女然後有夫婦

咸反成恒震爲夫巽爲婦故有夫婦也

集解

夫婦然後有父子

謂坤上復乾成遯乾爲父艮爲子故有父

子

集解

有父子然後有君臣

謂遯三復坤成否乾爲君坤爲臣故有

臣也

集解

曰君臣然後有上下

○

否乾君尊上坤臣卑下天尊地卑故有上

下也

集解

有上下然後禮義有所錯

錯置也謂天君父夫象尊錯上地婦臣子

禮卑錯下坤地道妻道臣道故禮義有所

錯者也

集解

傷於外者必反於家

案今本作必反其家唐石經同此

故受

之以家人

管時在外家人在內故反家人

集解

物不可以終止故受之以漸漸者進也

否三進之四巽為進也

集解

進必有所歸故受之以歸妹

震嫁兌兌為妹歸嫁也

集解

入而後說之故受之以兌兌者說也

兌為講習故學而時習之不亦說乎

集解

說而後散之故受之以渙渙者離也

風以散物故離也

集解

雜卦

雜卦者雜六十四卦以爲義其于序卦之外別言也昔者聖人之興因時而作隨其時宜不必皆相因襲當有損益之意也故歸藏名卦之次亦多異于時王道蹶駁聖人之意或欲錯綜以濟之故次序卦以其

雜也

正義 漢上易叢說節引

震卦上

三

乾剛坤柔

乾剛金堅故剛坤陰和順故柔也

集解

比樂師憂

比五得位建萬國故樂師三失位輿尸故

憂

集解象旨引三失位七字

屯見而不失其居蒙雜而著

陰

案陰疑作陽

出初震故見盤桓利居貞故不

失其居蒙二陽在陰位故雜初雜為交故

著

集解

震起也艮止也

震陽動行故起艮陽終止故止

集解

損益衰盛之始也

會通引釋文同今釋文無之

損泰初益上衰之始益否上益初盛之始

集解

大畜時也无妄災也

大畜五之復二成臨時舍坤二故時也无

妄上之遯初子弑父故災者也

集解

萃聚而升不來也

坤衆在內故聚升五不來之二故不來

內曰來也

集解

謙輕而豫怡也

釋文同象旨虞氏曰怠作怡曰豫樂祖考故怡

謙位三賤故輕豫薦樂祖考故怡怡或三

怠也

集解氏節引晁

噬嗑食也賁无色也

頤中有物故食賁離日在下五動羣

无色也

集解

兌見而巽伏也

兌陽息二故見則見龍在田巽乾初入陰

故伏也

集解

隨无故也蠱則飾也

否上之初君子弗用故无故也蠱泰初上

飾坤故則飾也

集解

剝爛也復反也

剝生於遯陽得陰孰故爛復則反初

集解

晉晝也明夷誅也

誅傷也離日在上故晝也明入地中故誅

也

集解

井通而困相遇也

泰初之五爲坎故通也困三遇四故相遇

也

集解

咸速也恆久也

相感者不行而至故速也日月久照四時

久成故久也

集解

渙離也節止也

渙散故離節制數度故止

集解

解緩也蹇難也

雷動出物故緩蹇險在前故難

集解

睽外也家人內也

離女在上故外也家人女正位乎內故內

者也

集解 象旨引
無家人二字

否泰反其類也

否反成泰泰反成否故反其類終日乾乾

反復之道

集解

大壯則止遯則退也

大壯止陽陽故止遯陰消陽陽故退巽爲

退者也

集解

大有眾也同人親也

五陽並應故眾也夫婦同心故親也

集解

革去故也鼎取新也

革更故去

案去下疑有故字

鼎亨飪故取新也

集解

小過過也中孚信也

五以陰過陽故過信及遯魚故信也

集解

豐多故親寡旅也

豐大故多旅无容故親寡六十四象皆先
言卦及道其指至旅體離四焚棄之行又
在旅家故獨先言親寡而後言旅集解
小畜寡也履不處也

乾四入坤初成震一陽在下故寡也乾三
之坤上成剝剝窮上失位故不處集解

需不進也訟不親也

險在前也故不進天水違行不親也集解

大過顛也

顛殞也頂載澤中故顛也

集解

逅遇也柔遇剛也

坤遇乾也

集解

漸女歸待男行也

兌爲女艮爲男反成歸妹巽成兌故女歸

待艮成震乃行故待男行也

集解

頤養正也

謂養三五五之正爲功三出坎爲聖故曰

頤養正與蒙以養正聖功同義也

集解

既濟定也

濟成六爻得位

案位下疑有故字

定也

集解上易傳

漢

歸妹女之終也

歸妹人之終始女終于嫁從一而終故女

之終也

集解

未濟男之窮也

否艮爲男位否五之二六爻失正而來下

陰未濟主月晦乾道消滅故男之窮也

集解

夬決也剛決柔也君子道長小人道消也

今消

本作憂

以乾決坤故剛決柔也乾爲君子坤爲小人乾息故君子道長坤體消滅故小人道消諭武王伐紂自大過至此八卦不復兩卦對說大過死象兩體姤夬故次以姤而終于夬言君子之決小人故君子道長小

人道消

集解

補遺

大明終始

雲雨坎也大明離也乾卦而言坎離者言其變也陰陽失位則變得位則否九二九四上九陽居陰位故動而有坎離之象上漢易叢說云此虞氏所論動爻之說也

先迷後得主

虞翻得主爲句

周易象旨決錄

六三卽鹿无虞

鹿爲五三妄動而求五也

周易窺餘

象曰需于酒食以中正也

沈涵則凶中正則吉

同上

險而健訟

險而健者常好爭訟

同上

九二幹母之蠱不可貞

自泰而變泰初之上以初與三皆乾乾爲
父二亦陽而獨稱母者謂應在六五也

象旨

決錄

柔來而文剛分剛上而文柔

剛者陽爻也柔者陰爻也剛柔之爻或謂

之來或謂之分或謂之上下所謂惟變所

適也

漢上叢說引訟隨蠱噬嗑賁无妄大畜咸損益渙節諸象下剛者陽爻云

云又云此虞氏所謂自某卦來之說也今從李富孫易解賸義注於賁彖柔來而文剛下

象曰山附于地剝

山高絕於地今附地者明其剝也

周易窺餘

七日來復

虞翻本易軌謂爻主一日剝卦陽氣盡於九月之終十月末絕坤用事坤卦將盡則

復陽來隔坤卦六爻爲六日復來成震一

陽爻生爲七日

同上

九四田无禽

禽二也泰四下爲初則二成巽說卦巽爲

鷄

同上

柔得位乎外而上同

柔得位乎外而上同四也

同上

上九睽孤見豕負塗

坎水滯於卦中不能留有泥塗之象

同上

九四旅于處得其資斧我心不快

二動非己所乘者剛不得其所而得其資
斧之地故我心不悞

象旨決錄

六四渙其羣元吉渙有丘匪夷所思

渙羣則雖光大有丘則非平易故有匪夷

之思

同上

中孚豚魚吉

孚實之象

漢上易叢說

巽爲魚何也曰魚多白

眼而巽乎澤者也

漢上易九

艮爲山豚所處三

爲兌澤魚所在

子曰知變化之道者其知神之所爲乎

此本美大衍四象之大而荀譚上爲辛首
尤可怪笑

三國吳志注十二

學易編

八卦相錯

六子皆以乾坤相易而成艮兌以終相易
坎離以中相易震巽以初相易終則有始
往來不窮不窮所謂通也

漢上叢說

案孫氏淵如所輯周易集解錯誤頗多如

師六五象曰長子帥師以中行也引李氏
集解虞翻曰長子謂九二也五處中應二
二受任帥師當上升五故曰長子帥師以
中行也檢雅雨堂李氏易傳是荀爽不是
虞翻渙象風行水上渙先王以享于帝立
廟引李氏集解虞翻曰謂受命之王收集
散民上享天帝下立宗廟也離上至四承
五爲亨帝陽下至二爲立廟也離日上爲
宗廟而謂天帝宗廟之神所配食者王者

所奉故繼於上至於宗廟其實在地地者
陰中之陽有似廟中之神檢雅雨堂李傳
此條亦荀非虞又旣濟六四繻有衣袽終
日戒象曰終日戒有所疑也引李氏集解
虞翻曰繻者布帛端末之識也袽者殘弊
帛可拂拂器物也繻有爲衣袽之道也四
處明暗之際貴賤尤恒猶或爲衣或爲袽
也履多懼之地上承帝主故終日戒慎有
所疑懼也檢此條雅雨堂李氏易傳是虛

氏不是虞翻恐後之輯虞氏易者誤以爲
遺漏故附錄而辨之查孫氏集解體例凡
云解者皆李氏易傳凡云注者皆王弼注
其泰初九拔茅茹以其彙征吉引李氏集
解虞翻曰茅之爲物拔其根而相牽引也
茹相牽引之貌也三陽同志俱志在外首
爲類首已舉則從若茅茹也上順而應不
爲違距進皆得志故以其類征吉也據雅
雨堂李氏易傳是王弼注毛本胡本皆刻

虞氏今檢周易注疏確是王弼注則是雅
雨堂不誤而毛本胡本誤矣又可怪者孫
氏下列注一條卽是王弼注乃不加辨而
以此條爲虞注將貽誤後人必以爲王與
虞同而不知實非虞注也統觀虞氏易注
體例自見